

TUARASCÁIL BHLIANTÚIL & RÁITIS AIRGEADAIS

2021



Here to build business.
Strategic Banking
Corporation of Ireland

FAOI SBCI

Bunaíodh Corparáid Baincéireachta Straitéiseach na hÉireann (SBCI) i mí Mheán Fómhair 2014 chun a chinntiú go mbeadh fáil ag Fiontair Bheaga agus Meánmhéide (FBManna) ar roghanna cistithe sheasmhaigh níos fadtéarmaí, ar chostas níos ísle. Mar fhoras le haghaidh spreagadh faoi úinéireacht an stáit, agus mar aon lena phiaraí Eorpacha, táimid inár gcuid lárnach den chreat maoinithe gnó anois. Trí thacaíocht agus cúnamh a thabhairt chun margadh éifeachtach creidmheasa a fhorbairt le haghaidh maoiniú FBM, cinntimid go mbíonn fáil ag FBManna ar mhaoiniú i ndálaí margaidh éagsúla, bídís dearfach nó díúltach.

Cuirimid maoiniú mórdhíola agus ráthaíochtaí ar fáil do FBManna trínár gcomhpháirtithe iasachtaithe ar aghaidh, ag cinntiú go mbaineann an t-iasachtaí FBM deiridh leas as ár dtacaíocht seachas na comhpháirtithe iasachtaithe ar aghaidh.

Ár bhFís

Ag aithint ról SBCI i dtionscnaimh bheartais a sholáthar le haghaidh an mhargaidh FBM, is é ár bhfís tacú le forbairt gheilleagrach in Éirinn trí rochtain mhéadaithe ar mhaoiniú a spreagadh.

Ár Misean

Is é ár misean tacú le fás, rathúnas, agus an t-aistriú chuig inbhuanaitheacht, trí iomaíochas a spreagadh, nuálaíocht a chumasú, agus rochtain ar mhaoiniú a fheabhsú i margadh creidmheasa na hÉireann.

Ár gCuid Luachanna

Bíonn ár bhfoireann ag croílár bhaint amach ár misin. Tá ár sraith bhunúsach luachanna (obair foirne, trédhearcacht, fiontraíocht, cuspóir coiteann, agus ionracas) agus cur chuige comhroinnte i leith gnó SBCI a fhorbairt fós ábhartha chun a chur ar a gcumas don fhoireann ár spriocanna straitéiseacha a fhorbairt agus cur leo.

An Clár


Na Príomh-bhuaicphointí Gnó	01
Ráiteas an Chathaoirligh	04
Athbhreithniú an Phríomhoifigigh Feidhmiúcháin	06
Straitéis	09
Tuar Comhshaoil, Sóisialta agus Rialachais	12
Athbhreithniú Gnó	18
Foinsí Cistithe	19
Táirgí SBCI	20
Iasachtú	26
Margaíocht agus Cur Chun Cinn	26
Rannpháirtíocht le Páirtithe Leasmhara agus Piaráí	26
Forléargas ar an Margadh	27
Rialachas agus Faisnéis Chorporáideach	29
Na Stiúrthóirí	29
Ráiteas Rialachais agus Tuarascáil na gComhaltaí Boird	32
Bainistíocht Riosca	40
Ráitis Airgeadais	42

NA PRÍOMH-BHUAICPHOINTÍ GNÓ

Raon Geografach SBCI

Iasachtaí: % de réir Réigiúin

An bhliain go dtí an 31 Nollaig 2021



Na Príomh-bhuaicphointí Gnó

An bhliain go dtí an 31 Nollaig 2021


€819m

Tacaíocht d'iasachtaí



€81,834

Meánmhéid Iasachta



10,012

Líon na FBManna ar tacaíodh leo in Éirinn

An leas a bhain FBManna as saoráidí SBCI i rith 2021

91%

infheistíocht chun an gnó a fhás




9%

caipiteal oibre



Tá raon leathan earnálacha ag baint leas as cistiú SBCI

An bhliain go dtí an 31 Nollaig 2021



RÁITEAS AN CHATHAOIRLIGH

Ag tús na bliana airgeadais seo, bhíomar ar fad fós i lár phaindéim dhomhanda COVID-19. Lean SBCI ag obair agus ag gríosú chun tacú le gnóthaí na hÉireann. I bhfianaise tionchair shuntasacha gheilleagracha, d'oibrigh ár bhfoireann in SBCI chun tacú le gnóthaí agus slite maireachtála a chosaint. Ó cheann ceann na tíre, bhí fáil ag gnóthaí beaga agus meánmhéide ar mhaoiniú trínár scéimeanna, agus iad in ann muinín a ghnóthú chun leanúint orthu i mbun gnó.

Ba bhliain dúshlánach a bhí in 2021 do gheilleagar na hÉireann arís. Bhí tionchar fós ag paindéim COVID-19, i dteannta dhúshlán an Bhreitheachta a tháinig chun cinn arís, do ghnóthaí, a bhfostaithe, agus an geilleagar trí chéile, as ar eascair gá leanúnach le leibhéil soláthair tacaíochtaí Stáit nach bhfacthas a leithéid riamh. D'oibrigh SBCI leis an Roinn Fiontar, Trádála agus Fostaíochta (RFTF), an Roinn Talmhaíochta, Bia agus Mara (RTBM) agus Grúpa an Bhainc Eorpaigh Infheistíochta, chun leas a bhaint as árdtaithí ar scéimeanna comhroinnte riosca a sholáthar chun infhaighteacht maoinithe a chinntiú do ghnóthaí a raibh tionchar ag COVID-19 agus an Breatimeacht orthu.

I gcaitheamh 2021, áiríodh le sraith tacaíochtaí SBCI iasachtaí solúbtha ar chostas íseal chun gníomhú in aghaidh éifeachtaí shrianta COVID-19 agus an chaillteanais trádála dá mbarr, agus an méid sin a mhaolú.

Lean Scéim Ráthaíochta Creidmheasa COVID-19 de chuid an Rialtais, dar luach €2bn, ag tacú le gnóthaí agus iad ag dul i ngleic leis na dúshláin a chruthaigh an phaindéim. Tá an Scéim sin ar fáil trí líonra ina bhfuil 28 comhpháirtí iasachtaithe, lena n-áirítear bainc cholúin, soláthraithe maoinithe neamhbhainc agus go leor Comhair Chreidmheasa ar fud na tíre. Reáchtálann SBCI Scéim Ráthaíochta Creidmheasa COVID-19 thar ceann RFTF agus tá áthas air páirt a ghlacadh i soláthar na tacaíochta suntasaí Stáit sin sa ré dhúshlánach seo do ghnóthaí. Seoladh Scéim Iasachta Tionchair an Bhreitheachta (BILS) dar luach €330m i mí Dheireadh Fómhair 2021. Tairgeann an Scéim seo rochtain ar iasachtaí níos fadtéarmaí lena mbaineann rátaí athraitheacha do FBManna. Leanann an Scéim ag tairiscint iasachtú neamhurraithe ar iasachtaí suas le €500,000.

I rith na bliana, lean SBCI ag forbairt a chaidreamh le hiasachtóirí ar aghaidh, idir reatha agus nua, ag cur Close Brothers, Microfinance Ireland agus roinnt comhair chreidmheasa le Comhpháirtithe SBCI. Tá na comhpháirtithe nua sin riachtanach chun ceann de chroí-aidhmeanna SBCI a chomhlíonadh, is é sin iomaíochas a mhéadú agus rogha bhreise iasachtóirí a sholáthar in earnáil FBManna na hÉireann. Tugadh cistiú breise €50m d'iasachtóirí reatha ar aghaidh (SME Finance & Leasing Solutions agus Fexco Asset Finance). Leanann SBCI ag obair i dtreo comhpháirtithe breise a thabhairt isteach i rith 2022.

I bhfianaise thionchar na paidéime ar ghnóthaí agus a samhlacha oibriúcháin, ba chuí Plean Straitéiseach 2020–2025 de chuid SBCI a athnuachan. Leanfaidh SBCI ag díriú ar a chroí-shainordú, is é sin freastal ar riachtanais na hearnála FBManna agus nuálaíocht a fhorbairt agus a chothú i gcás cistiú le haghaidh FBManna. Tá SBCI tiomanta freisin do thacú le cur i bhfeidhm Phlean Gnímh don Aeráid an Rialtais, agus beidh an fócas sin ina chuid lárnach dár n-oibríochtaí leanúnacha. I bhfianaise na héiginnte a chruthaigh paidéim COVID-19, leanfaidh Bord agus Foireann Bainistíochta SBCI ag déanamh athbhreithniú ar an bPlean Straitéiseach go leanúnach chun a chinntiú go bhfuil sé oiriúnach chun freastal ar riachtanais FBManna amach anseo.

Mar gheall ar an bhfreagairt thapa ar COVID-19, lena n-áirítear na scéimeanna maoinithe éigeandála a d'éascaigh SBCI agus bearta eile ar nós BILS agus na leachtachta a sholáthraímid do bhainc agus d'iasachtóirí neamhbhainc, bhí fáil ag gnóthaí na hÉireann ar mhaoiniú nuair ba ghá. Is é an cúram atá amach romhainn anois ná cabhrú le gnóthaí i rith na tréimhse téarnaimh agus ina dhiaidh sin, ag neartú an gheilleagair dá bharr. Leanfaidh ár bhfócas agus an chaoi a n-oibrímid ag athrú lena linn sin, ach táimid ag teacht amach as an bpaindéim agus muid níos acmhainní agus níos cumasaí ná riamh, agus muid réidh agus toilteanach cabhrú le níos mó gnóthaí Éireannacha chun fás agus forbairt go hinbhuanaithe.

Lean SBCI ag feidhmiú i dtimpeallacht chianoibre i gcaitheamh 2021. Chruthaigh sé sin roinnt dúshlán don eagraíocht, ach lean an fhoireann ag cur a shainordú i gcrích i gcaitheamh na bliana. Tá SBCI buíoch as an tacaíocht leanúnach a thug GBCN, rud a d'éascaigh socruithe cianoibre rathúla.

I mí Mheán Fómhair 2021, ceapadh June Butler ina Príomhoifigeach Feidhmiúcháin. Tugann June léi a taithí mhór ar oibriú le gnóthaí na hÉireann, agus táim ag súil le hoibriú go dlúth le June sna blianta amach romhainn, agus í ag treorú SBCI chun a shainordú a chur i gcrích, is é sin, iomaíochas a spreagadh agus an infhaighteacht ar chistiú ar chostas íseal a mhéadú ar mhargadh Airgeadais na hÉireann.

Ba mhaith liom buíochas a ghabháil le mo chomh-Chomhaltaí Boird, leis an Comhaltaí Coiste, leis an bhFoireann Bainistíochta agus leis na comhaltaí foirne as a n-obair agus a ndúthracht i gcaitheamh na bliana. Táim ag súil lena ndíograis agus a rannpháirtíocht leanúnach i rith 2022.



BARBARA COTTER
An Cathaoirleach



ATHBHREITHNIÚ AN PHRÍOMHOIFIGIGH FEIDHMIÚCHÁIN

Ag tús 2021, bhí gnóthaí na hÉireann ag dul i ngleic le héifeachtaí phaindéim dhomhanda COVID-19. Idir thionchar leanúnach phaindéim COVID-19 agus an éiginnteacht fós a bhaineann leis an mBreatimeacht, i measc nithe eile, bhí 2021 ar cheann de na blianta ba dhúshlánaí do FBManna ó tharla an ghéarchéim airgeadais.

I rith 2021, d'éirigh le SBCI tacaíochtaí a chur ar fáil ar scála go tapa do FBManna, ag soláthar raon roghanna níos fearr dóibh chun teacht ar mhaoiniú ar chostas íseal agus iomaíoch, agus ag tabhairt cinnteacht níos mó dóibh chun go bhféadfaidís pleanáil go muiníneach.

Úsáidimid ár seasamh uathúil san áit a dtagann an rialtas agus na margaí airgeadais le chéile chun margaí a chur ag obair níos fearr do ghnóthaí atá chomh tábhachtach sin do gheilleagar na hÉireann agus do rachmas fadtéarmach an náisiúin. Áirítear leis sin obair thábhachtach chun éagsúlacht a mhéadú i leith cineálacha agus soláthraithe maoinithe, agus chun a chinntiú go bhfuil fáil ag gnóthaí fud fad na hÉireann ar mhaoiniú.

Léiríodh ó thúis na paindéime an luach a bhaineann le SBCI mar bhealach atá ullamh chun maoiniú Stáit agus AE a dháileadh. De réir mar a léiríodh tionchar na paindéime ar ghnóthaí, d'oibrigh SBCI leis an Roinn Fiontar, Trádála agus Fostaíochta (RFTF) agus an Roinn Talmhaíochta, Bia agus Mara (RTBM) chun Scéim Ráthaíochta Creidmheasa COVID-19 (CCGS) a chur ar fáil.

Soláthraíonn Rialtas na hÉireann an Scéim chun go n-éascófaí iasachtaí do Mhicrifhiontair, Fiontair Bheaga agus Mheánmhéide agus Cuideachtaí Meánchaipitlithe Beaga a raibh drochthionchar ag COVID-19 orthu, Táirgeoirí tosaigh (Talmhaíocht agus Iascaireacht) ina measc. Éascaíonn Scéim Ráthaíochta Creidmheasa COVID-19 soláthar iasachtaí agus caipitil oibre do ghnóthaí. Is é SBCI a reáchtálann an Scéim mar oibritheoir thar ceann an Aire Fiontar, Trádála agus Fostaíochta. I gcodarsnacht le Scéimeanna eile SBCI, soláthraíonn an Rialtas an ráthaíocht go díreach do na soláthraithe maoinithe rannpháirteacha. Mar oibritheoir, bíonn SBCI ag plé leis na soláthraithe maoinithe rannpháirteacha i ngnéithe oibriúcháin agus bainistíochta na Scéime. Tairgeann an Scéim creidmheas breise suas le €2bn, le tacaíocht ó ráthaíocht Rialtais a dháiltear trí líonra banc, soláthraithe maoinithe neamhbhainc agus Comhar Creidmheasa. Sholáthair an Scéim €429m do beagnach 6,000 FBM i rith 2021, agus tá sí tar éis €563m a thabhairt do bhreis agus 8,000 FBM go nuige seo.

Tá tarraingt siar na Ríochta Aontaithe as an gCómhargadh ag cruthú dúshlán do ghnóthaí na hÉireann. Tá costais ardaithe agus páipéarachas breise ag na ghnóthaí sin anois, a n-eascraíonn moill ar thrádáil idir an dá mhargadh as uaireanta. Bunaithe ar aiseolas an mhargaidh, d'fhorbair SBCI i gcomhpháirtíocht leis an Roinn Fiontar, Trádála agus Fostaíochta agus leis an Roinn Talmhaíochta, Bia agus Mara Scéim Iasachta Tionchair an Bhreathimeachta. Soláthraíonn an Scéim seo iasachtaí téarma suas le sé bliana, ar rátaí athraitheacha, agus bíonn iasachtaí neamhurráithe ar fáil le haghaidh suas le €500,000. Ceapadh Scéim Iasachta Tionchair an Bhreathimeachta chun ceanglais chaipitil oibre nó nuálaíocht, athrú nó oiriúnú an ghnó a chistiú chun tionchar an Bhreathimeachta a mhaolú. Baineann an Scéim tairbhe as ráthaíocht faoin gCiste Ráthaíochta Eorpach. Tá SBCI buíoch as an tacaíocht leanúnach a fhaightear ó Ghrúpa an Bhainc Eorpaigh Infheistíochta agus ón gCoimisiún Eorpach maidir le frithráthaíochtaí a thairiscint chun tacú lena scéimeanna.

I rith 2021, lean 875 gnó Éireannach ag tarraingt anuas saoráidí ceadaithe dar luach €214m san iomlán faoin Scéim Iasachta d'Fhás sa Toghcháin (FGLS). De bharr rath na Scéime Iasachta d'Fhás sa Toghcháin ag cur cistiú níos fadtéarmaí ar fáil do FBManna, chuir an Roinn Fiontar, Trádála agus Fostaíochta tús le hathbhreithniú ar an Scéim. Féachfaidh an t-athbhreithniú sin lena chinneadh an dteastaíonn scéim níos fadtéarmaí le teacht ina háit.

D'éascaigh clár leachtachta SBCI maoiniú €80m breise a chur ar fáil trí Fexco Asset Finance (€40m), Microfinance Ireland (€30m) agus SME Finance and Leasing Solutions (€10m). I rith 2021, sholáthair ár gcomhpháirtithe neamhbhainc, Bibby Financial Services Ireland, Capitalflow, Finance Ireland, SME Finance and Leasing Solutions agus Fexco Asset Finance, saoráidí Léasaithe, Fruilcheannaigh agus Cistithe Sonrasc dar luach €147m do bhreis agus 3,000 FBM.

In 2021, thacaigh SBCI le hiasachtú don bhliain, ar fud a línte táirgí, dar luach €819m san iomlán le 10,012 iasacht do FBManna agus meániasacht €82,000 i gceist. Cuireadh iasachtaí nua ar fáil ar fud raon leathan earnálacha. I measc cuid de na hearnálacha níos mó a bhaineann leas as saoráidí SBCI tá: Talmhaíocht 25%, Mórdhíol & Miondíol 15%, Seirbhísí Foirgníochta 15%, Seirbhísí Déantúsaíochta 8%, agus Cóiríocht agus Trádáil Bia 8%.

Ní fhéadfaí na tacaíochtaí sin le haghaidh FBManna na hÉireann a chur ar fáil murach an comhoibriú agus an comhar lenár gcomhpháirtithe ar fad. Áirítear leo siúd bainc, institiúidí airgeadais neamhbhainc agus roinnt Comhair Chreidmheasa ar fud na tíre. Tá SBCI buíoch as an tacaíocht a fhaigheann sé óna chomhpháirtithe agus tá sé ag súil lena dtacaíocht leanúnach sna blianta amach romhainn.



Ag Breathnú Chun Cinn

Le bliain anuas, d'athraigh margadh baincéireachta na hÉireann, forbraíodh agus athraíodh tosaíochtaí beartais, agus leathnaigh SBCI a shainchúram agus a oibríochtaí – go háirithe mar fhreagairt ar COVID-19. Mar gheall ar na hathruithe sin sa timpeallacht sheachtrach, thugamar faoi athbhreithniú ar ár straitéis, chun treo straitéiseach athnuaite a chruthú. Cabhróidh sé sin linn a chinntiú go bhfuilimid san áit is fearr chun freagairt do na dúshláin agus na deiseanna atá amach romhainn. D'athbhreithníomar ár dtreo straitéiseach níos fadtéarmaí agus rinneamar machnamh ar an mbealach is fearr le bunchloch a leagan síos le haghaidh geilleagair a chabhróidh le gnóthaí na hÉireann a bheith faoi bhláth sna blianta amach romhainn.

Ag oibriú go dlúth leis an Roinn Airgeadais agus le páirtithe leasmhara níos leithne, nuashonraíomar ár misean agus ár straitéis chun tionchar na bpríomhathruithe sa timpeallacht sheachtrach agus a dtionchar ar ghnóthaí na hÉireann a léiriú. Is iad ár bpríomhcholúin straitéiseacha: Rochtain ar Mhaoiniú a Mhéadú, Inbhuanaitheacht a Chur Chun Cinn, agus FBManna a Chumasú le Fás agus Forbairt.

Chomh maith leis sin, cinnteoidh ár léargais mhargaidh, ár saineolas ar mhaoiniú FBManna agus ár gcumais soláthair go n-oibreoimid chun aghaidh a thabhairt ar bhearnaí amach anseo i margadh creidmheasa na hÉireann de réir mar a thagann siad chun cinn. Táimid ag súil lenár seasamh uathúil sa mhargadh a úsáid chun níos mó tacaíochta a thabhairt do ghnóthaí agus iad i mbun téarnaimh agus ag filleadh ar fhás arís.

Agus muid ag pleanáil don todhchaí, táimid an-aireach go bhfuilimid ag oibriú i dtimpeallacht lena ngabhann éiginnteacht shuntasach. Níl deireadh go fóill le paindéim COVID-19, tá roinnt éiginnteachta fós ag baint le cás an Bhreathnaitheachta, agus le deireanaí tá tionchar boilscithe gearrthéarmach ghéarchéim na hÚcráine ar chostais fuinnimh ag imirt tionchar mór ar chorrach gnóthaí. Ag an am céanna, caithfidh gnóthaí na hÉireann infheistiú i nuálaíocht agus digitiú. Cinnteoidh ár straitéis nuashonraithe go bhfanfaimid dírithe agus tiomanta do thacú le fás, rathúnas, agus an

t-aistriú chuig inbhuanaitheacht, trí iomaíochas a spreagadh, nuálaíocht a chumasú, agus rochtain ar mhaoiniú a fheabhsú i margadh creidmheasa na hÉireann.

Léiríonn torthaí airgeadais 2021 caillteanas oibriúcháin €1.369 milliún, i gcomparáid le caillteanas €1.111 milliún an bhliain roimhe sin. Léiríonn an caillteanas laghdú ar ioncam úis, de bharr laghdú ar shócmhainní iasachta go príomha mar gheall ar aisíocaíochtaí i rith na bliana agus éileamh níos lú ar iasachtaí nua. Chomh maith leis sin, bhí méadú ar chaiteachas in 2021, mar gheall ar an gcostas a bhain le scéimeanna nua agus méadaithe a sholáthar mar fhreagairt ar ghéarchéim COVID-19.

Tháinig méadú ar líon na bhfostaithe in 2021 chun tacú leis an líon scéimeanna agus iasachtóirí ar aghaidh a bhí ag dul i méid. Tá 32 fostaí ag obair in SBCI faoi láthair. D'éirigh thar cionn lenár ndaoine agus iad ag dul i dtaithí ar an gcur isteach ar a saol oibre, agus ar an saol i gcoitinne. Táim buíoch as iarrachtaí ár bhfoirne a gcion a bhaint amach – go leanúnach – i gcúinsí deacra, agus iad fós ag léiriú spreagadh, comrádaíochta agus ardchaighdeán i rith an ama.

Ba mhaith liom buíochas a ghabháil le foireann SBCI agus le Bord SBCI as a n-inoiriúnaitheacht agus díograis leanúnach le bliain anuas.




JUNE BUTLER
An Príomhoifigeach Feidhmiúcháin

STRAITÉIS

Mar gheall ar an bhfreagairt thapa ar COVID-19 trí thionscnaimh éagsúla an Rialtais, agus nuálaíocht agus athléimneacht úinéirí gnó na hÉireann, ní raibh tionchar geilleagrach na paidéime chomh dian agus a bheadh murach iad. Beidh an geilleagar tar éis na paidéime difriúil leis an gceann roimh an bpaindéim. Ach cé go raibh tionchar an-trom ar roinnt earnálacha agus gur scoir roinnt FBManna de bheith ag trádáil, is údar misnigh a fheiceáil go bhfuil gnóthaí nuathionscanta ag teacht chun cinn agus gnóthaí atá ann cheana féin ag lorg deiseanna chun méadú.

De réir mar a aistríonn an geilleagar go dtí an ré iarrphaindéime, is é an cúram atá amach romhainn anois cabhrú le gnóthaí i rith na tréimhse téarnaimh agus ina dhiaidh sin, ag neartú an gheilleagair dá bharr. Leanfaidh ár bhfócas agus an chaoi a n-oibrímid ag athrú dá bharr sin, ach táimid ag teacht amach as an bpaindéim agus muid níos acmhainní agus níos cumasaí ná riamh, agus muid réidh agus toilteanach cabhrú le níos mó gnóthaí Éireannacha chun fás agus forbairt go hinbhuanaithe.

Tá ár straitéisí fréamhaithe inár misean tacú le fás, rathúnas, agus an t-aistriú chuig inbhuanaitheacht, trí iomaíochas a spreagadh, nuálaíocht a chumasú, agus rochtain ar mhaoiniú a fheabhsú i margadh creidmheasa na hÉireann.



Is é ár gcuspóir feabhas a chur ar struchtúr na margaí airgeadais le haghaidh ghnóthaí na hÉireann, ionas go mbeidh sé níos éasca ar na gnóthaí sin an maoiniú a theastaíonn uathu a fháil. Cabhróidh sé sin le gnóthaí fás agus forbairt, agus tógfaidh sé gníomhaíocht gheilleagrach in Éirinn.

Mar gheall air sin:

- Oibrímid chun an soláthar maoinithe atá ar fáil do ghnóthaí a mhéadú nuair nach bhfuil margaí ag obair go maith.
- Déanaimid ár ndícheall margadh airgeadais níos éagsúla agus níos spleodraí a chruthú do ghnóthaí, margadh ina bhfuil rogha níos fearr roghanna agus soláthraithe.

Cuirimid taithí agus cistí Rialtais ar fáil chun margaí airgeadais FBM a fheabhsú. Cuireann ár dtuiscint ar mhargaí agus ar riachtanais ghnóthaí na hÉireann ar ár gcumas cláir a cheapadh chun margaí airgeadais a chur ag obair níos fearr. Anuas ar mhaoiniú, úsáidim ráthaíochtaí freisin chun riosca a chomhroinnt leis an earnáil phríobháideach agus chun dreasachtaí níos láidre a chruthú d'iasachtóirí chun creidmheas a chur ar fáil do FBManna Éireannacha. Téimid ar an margadh trí sholáthraithe maoinithe seanbhunaithe chomh maith le cinn atá ag teacht chun cinn as an nua. San iomlán, bíonn ár dtacaíochtaí FBM ar fáil trí chomhpháirtíochtaí le 35 comhpháirtí maoinithe. Táimid ag cruthú deiseanna do ghnóthaí infheistiú agus fás, rud a chruthaíonn poist agus gníomhaíocht gheilleagrach bhreise ar fud na hÉireann.

Is é ár straitéis tacú le forbairt agus cothabháil margaidh éifeachtaigh chun creidmheas a sholáthar do FBManna in Éirinn, agus ag an am céanna ár gcumas freagartha a choimeád maidir le freagairt do chur isteach mór eile ar an margadh agus riachtanais seachadta beartais an rialtais. Déanaimid é sin trí thacaíocht airgeadais a sholáthar i bhfoirm leachtacht ar chostas íseal le haghaidh soláthraithe maoinithe, trí riosca a chomhroinnt ar iasachtaí bunaidh agus trí chineálacha ionstraimí airgeadais nua agus nuálacha a fhorbairt

Dírímid ar thrí théama tionchair:

- 1. Rochtain ar Mhaoiniú**
- 2. Inbhuanaitheacht a Chur Chun Cinn**
- 3. FBManna a Chumasú le Fás agus Forbairt**

Baineann tacaíochtaí SBCI úsáid as tacaíocht an rialtais agus na hEorpa agus ceaptar iad chun aghaidh a thabhairt ar theipeanna sa mhargadh, chun cistiú a sholáthar do FBManna, lena n-áirítear Táirgeoirí tosaigh (feirmeoirí agus iascairí), nuair a bhíonn riachtanas beartais ann agus nuair a thacaíonn sé sin le forbairt eacnamaíoch agus iomaíocht fheabhsaithe. Is iad foireann SBCI féin a cheapann agus a sholáthraíonn na táirgí seo, i gcomhpháirtíocht lena shraith leathan de chaidreamh institiúideach i margadh na hÉireann.

Agus muid ag féachaint chun cinn, tá sé i gceist againn cur lenár ndul chun cinn suntasach trí raon níos leithne tacaíochtaí a thairiscint don earnáil FBManna agus d'fhorbairt an gheilleagair, agus an cumas a chothú ag an am céanna maidir le freagairt do chur isteach ar an margadh, agus bearta beartais an rialtais a chur i gcrích.

Fócas tábhachtach le haghaidh 2022 a bheidh i Scéim Éifeachtúlachta Fuinnimh FBM agus Clár Aisfheistithe mór a sholáthar i gcomhar leis an Roinn Comhshaoil, Aeráide agus Cumarsáide.

Tá sé tábhachtach a thabhairt faoi deara go bhféadfadh forbairtí margaidh gan choinne teacht chun cinn (e.g. paidéim COVID-19) a éilíonn orainn treo nó tosaíochtaí a athrú.

FÍS



Tacú le forbairt gheilleagrach in Éirinn trí rochtain
mhéadaithe ar mhaoiniú a spreagadh

MISEAN

Tacú le fás, rathúnas, agus an t-aistriú chuig
inbhuanaitheacht, trí iomaíochas a spreagadh, nuálaíocht a
chumasú, agus rochtain ar mhaoiniú a fheabhsú i margadh
creidmheasa na hÉireann



TIONCHAIR



Rochtain ar
mhaoiniú a
mhéadú

Inbhuanaitheacht a chur
chun cinn

FBManna a
chumasú le fás
agus forbairt

ÁISITHEOIRÍ

Leas a bhaint as digitiú agus sonraí

Branda, léargais agus caidrimh a thógáil

Tacú lenár ndaoine ionas go ndéanfaidh siad difríocht



TUAR COMHSHAOIL, SÓISIALTA AGUS RIALACHAIS

Tá SBCI ag tús ár n-aistir Comhshaoil, Shóisialta agus Rialachais (ESG), óna dteastóidh pleanáil agus tiomantas fadtéarmach. Táimid tiomanta do Straitéis Comhshaoil, Shóisialta agus Rialachais a fhorbairt.

I rith 2021, thosaigh an Bord agus an fhoireann bainistíochta ag díriú go mór ar an réimse ESG. Táimid ag obair go gníomhach ar scéimeanna a thacóidh le FBManna agus tomhaltóirí chun cabhrú le sprioc na hÉireann laghdú 51% a bhaint amach ar astaíochtaí gás ceaptha teasa faoi 2030, agus sprioc ghlan-nialasach tráth nach déanaí ná 2050. Bímid fós ag cothú lucht oibre éagsúil agus timpeallacht ionchuimsitheach dár bhfostaithe.

Cultúr agus Luachanna SBCI



Cinneann Ár gCuid Luachanna ár n-iompraíocht i ngach gné dár ngnó, an t-am ar fad.

Ionracas:

"Go pearsanta agus i gcomhpháirt, bímid ag súil leis na caighdeáin is airde uainn ar fad"

Obair Foirne:

"Oibrímid le chéile chun difríocht a dhéanamh"

Trédhearcacht:

"Bímid ionrach agus oscailte i ngach a ndéanaimid"


Fiontraíocht:

"Bímid i mbun nuála chun réitigh a sholáthar chun aghaidh a thabhairt ar theip an mhargaidh"

Cuspóir Coiteann:

"Oibreoimid chun sprioc choiteann chomhaontaithe a bhaint amach"

Fostaíonn GBCN foireann SBCI agus sanntar iad do SBCI



Inscne

- Is é próifíl inscne fhostaithe SBCI amhail an 31 Nollaig 2021 40% baineannach agus 60% fireannach.
- Is é próifíl inscne Bhord Stiúrthóirí SBCI amhail an 31 Nollaig 2021 45% baineannach agus 55% fireannach.



Míchumas

- Is é misean Fhoireann Feasachta Míchumais GBCN a bheith ina ionad oibre cuimsitheach agus tacúil ina dtugtar aitheantas don chumas a bhíonn ag daoine atá faoi mhíchumas
- Díríonn straitéis na Foirne Feasachta Míchumais ar thrí phríomhchólún: Feasacht, Rannpháirtíocht agus Dul Chun Cinn



LADT+

- Feidhmíonn líonra LADT+ GBCN mar láithreacht infheicthe agus inrochtana LADT+ in GBCN



Ilchultúrthacht

- Tá sé d'aidhm ag Foireann Feasachta Inmheánach agus Ilchultúrtha nua GBCN aird a tharraingt ar fheasacht agus imeascadh cultúrtha, agus iad a fheabhsú, i measc lucht oibre GBCN atá ag éirí níos éagsúla de réir a chéile

Tuarascáil ar Éifeachtúlacht Fuinnimh

Feidhmíonn SBCI as Foirgneamh Dhuga an Státhiste, Cé an Bhalla Thuaidh, Baile Átha Cliath 1.

Sonraítear thíos cion SBCI den ídiú fuinnimh i bhFoirgneamh Dhuga an Státhiste le haghaidh 2021.

Ídiú Leictreachais	2021	2020	DIFF (%)
KWH	23,685	25,686	-7.8
KWH/M2	1.8	1.9	-7.0
TONAÍ CO2E	7.7	8.3	-7.8

Ídiú Gáis	2021	2020	DIFF (%)
KWH	54,842	56,971	-3.7
KWH/M2	4.1	4.28	-3.9
TONAÍ CO2E	10.0	10.6	-5.4

Bainistíocht Dramhaíola (KG)	2021	2020	DIFF (%)
GINEARÁLTA	216	364	-40.6
ATHCHÚRSÁIL	86	215	-60.1
MÚIRÍNÍÚ	88	280	-68.6
STIALLADH DISCRÉIDEACH	111	120	-7.3
Iomlán	501	979	-48.8




LÍNTE GNÓ



Iasachtú

Is é ár samhail ghnó iasachta ná feidhmiú mar institiúid airgeadais mórdhíola chun iasachtú ar aghaidh a sholáthar. Soláthraímid maoiniú mórdhíola fadtéarmach ar chostas níos ísle do sholáthraithe maoinithe (iasachtóirí ar aghaidh) oiriúnacha agus cuirtear an costas úis níos ísle ar aghaidh chuig iasachtaithe FBManna. Tá ár straitéis bunaithe ar phíblíne láidir a fhorbairt d'iasachtóirí féideartha chun éagsúlacht a bhaint amach sa mhargadh agus iomaíocht a spreagadh agus ag an am céanna a bheith feasach ionas nach ndéantar an margadh a shaobhadh in aon earnáil iasachta.



Comhroinnt Rioscaí

Is é an tsamhail ghnó don chomhroinnt riosca ráthaíochtaí páirtchreidmheasa a sholáthar d'iasachtóirí Ar Aghaidh chun réamhíocaíocht creidmheasa le FBManna a éascú, lena n-áirítear sa chás go bhfuil fáil ar chreidmheas srianta ag teipeanna sonracha sa mhargadh timthriallach earnála nó eacnamaíoch. Bainimid leas agus buntáiste as acmhainn riosca ó thacaíochtaí Stáit agus Eorpacha chun ionstraimí airgeadais a dhearadh a bhaineann úsáid éifeachtúil as caipiteal agus a fheabhsaíonn fáil FBManna ar mhaoiniú. I measc na samplaí de tháirgí comhroinnte riosca tá Scéim Iasachta Sreafa Airgid Talmhaíochta SBCI, Scéim Iasachta an Bhreathimeachta, an Scéim Iasachta d'Fhás sa Toghcháil, Scéim Iasachta Caipitil Oibre COVID-19, agus Scéim Iasachta Tionchair an Bhreathimeachta a seoladh i mí Dheireadh Fómhair 2021.



Soláthar Seirbhíse

I mí Dheireadh Fómhair 2016, cheap an tAire Post, Fiontar agus Nuálaíochta (an tAire Fiontar, Trádála agus Fostaíochta anois) SBCI mar oibrítitheoir agus mar bhainisteoir na Scéime Ráthaíochta Creidmheasa (CGS). Seoladh Scéim Ráthaíochta Creidmheasa COVID-19 i mí Iúil 2020 mar chuid de phacáiste spreagthaí an Rialtais, agus soláthraíodh €2 bhilliún breise in acmhainn bhreise iasachtaithe léi.

Samhail Ghnó

Is é ár samhail ghnó feidhmiú mar institiúid mhórdhíola a sholáthraíonn maoiniú ar chostas níos ísle agus comhroinnt riosca d'iasachtóirí ar aghaidh i margadh creidmheasa na hÉireann. Feidhmímid faoi shainordú inbhuanaitheachta seachas de réir cur chuige uasmhéadaithe brabúis. Agus muid ag tacú le réimsí nua a fhorbairt sa mhargadh, tá sé mar aidhm againn margadh creidmheasa feidhmiúil a fhorbairt seachas margadh a fhaigheann tacaíocht stáit. Tá sé mar aidhm againn dul in oiriúint do riachtanais an mhargaidh agus tairiscintí táirgí spriocdhírthe a chruthú a bheidh solúbtha maidir le téarmaí an táirge. Cuireann sé sin ar ár gcumas freagairt do theipeanna sonracha sa mhargadh trí thairiscintí táirgí saincheaptha. De réir mar a leanaimid orainn ag forbairt ár samhla gnó, leanfaimid orainn ag glacadh le cur chuige frith-thimthriallach, ar aon dul lenár sainordú.

Fostaímid foireann de ghairmithe ardcháilithe chun tabhairt faoin bhfeidhm maidir lenár dtáirgí agus ár seirbhísí a fhorbairt. Chuige sin, bainimid leas as acmhainní GBCN. Is fostaithe de chuid an GBCN iad comhaltaí foirne SBCI a shanntar do SBCI, agus soláthraíonn GBCN an chuid is mó de sheirbhísí corparáideacha SBCI. Aisíocann SBCI GBCN as na seirbhísí sin a sholáthar, costais foirne ina measc.



AN CHAOI A N-OIBRÍONN SBCI



ATHBHREITHNIÚ GNÓ

I rith 2021, leanamar ag forbairt ár samhla gnó agus leathnaíomar ár ngníomhaíochtaí comhroinnte riosca chun aghaidh a thabhairt ar na dúshláin a chruthaigh paidéim COVID-19 agus an Breatimeacht, agus an fhorbairt bhreise ar ár n-oibríochtaí maoinithe mórdhíola lenár gcomhpháirtí neamhbhainc.

Sheol an Rialtas Scéim Ráthaíochta Creidmheasa COVID-19 i mí Mheán Fómhair 2020, agus lean sí ag cur tacaíocht a raibh géarghá léi ar fáil do FBManna de réir mar a d'fhorbair an phaindéim i rith 2021. I mí Dheireadh Fómhair 2021, tháinig Scéim Iasachta Tionchair an Bhreatimeachta in áit Scéim Iasachta an Bhreatimeachta, agus cuireadh iasachtú ar fáil do FBManna lenar ghabh téarma níos faide agus ráta úis níos ísle.

Leanamar ag forbairt ár rannpháirtíochta le hiasachtóirí ar aghaidh ionchais agus nua, ag cur saoráidí leachtachta €80m breise ar fáil do chomhpháirtithe neamhbhainc agus ag bunú caidrimh nua oibre le Close Brothers, Microfinance Ireland agus cúig Chomhar Creidmheasa Metamo. Leanfaimid ag obair i dtreo iasachtóirí ar aghaidh nua a aimsiú chun éagsúlacht agus infhaighteacht an chistithe do FBManna a mhéadú tuilleadh.

I rith 2021, sholáthraíomar €819m do bhreis agus 10,000 FBM trínár línte táirgí ar fad. I measc ár dtáirgí, bhí réimse iasachtaí i gceist ó thaobh na réigiúin de, ó 29% in Oirthear na tíre, Baile Átha Cliath ina measc, go 5% san Oirthuaisceart.



Foinsí Cistithe

I rith 2021, chothaíomar ár gcaidrimh le ceithre mhaoinitheoir, dhá shaoráid idirnáisiúnta agus dhá shaoráid náisiúnta, lena bhain línte cistithe €591.6m san iomlán. Tá na saoráidí creidmheasa seo a leanas againn: €50m ó Bhanc Forbartha Chomhairle na hEorpa; €126.6m ón mBanc Eorpach Infheistíochta; €250m i gClár Nótaí Ráthaíochta le GBCN agus €165m ón gCiste Infheistíochta Straitéisí d'Éirinn. Bainimid tairbhe freisin as cláir ráthaíochta a sholáthraíonn an Ciste Eorpach Infheistíochta agus Grúpa an Bhainc Eorpaigh Infheistíochta.

Banc Forbartha Chomhairle na hEorpa €50 milliún

Bunaíodh Banc Forbartha Chomhairle na hEorpa mar bhanc forbartha iltaobhach in 1956 le sainordú tosaigh de dhéanaithe a aidsúichiú, tar éis an Dara Cogadh Domhanda, agus chun aghaidh a thabhairt ar na fadhbanna athlonaithe agus sóisialta a tháinig chun cinn de bharr. Leathnaíodh an sainordú sin ó shin chun aghaidh a thabhairt ar fhadhbanna ginearálta sóisialta agus comhshaoil atá ag teacht chun cinn san Eoraip, lena n-áirítear tacaíocht a thabhairt do mhicrifhiontair agus d'fhiontair bheaga agus mheánmhéide ar mhaithe le caomhnú post agus cruthú post araon, trí shásraí cistithe agus ráthaíochta ar chostas íseal. Tá Éire ina ball de Bhanc Forbartha Chomhairle na hEorpa ó 2004 i leith.

An Banc Eorpach Infheistíochta €126.6 milliún

Is é an Banc Eorpach Infheistíochta banc an Aontais Eorpaigh, a thacaíonn le teipeanna margaidh creidmheasa agus cothromais ar fud na hEorpa. Is príomhthosaíocht de shainordú an Bhainc é maoiniú agus fáil níos fearr ar mhaoiniú a sholáthar do phobal fhiontair bheaga agus mheánmhéide na hEorpa. Tá soláthar cistithe do SBCI faoin gcuspóir sin de thacaíocht maoinithe do FBManna.

An Ciste Eorpach Infheistíochta €1,880 milliún

Tá an Ciste Eorpach Infheistíochta ina chuid de ghrúpa an Bhainc Eorpaigh Infheistíochta. Is é an misean lárnach atá aige ná tacú le micrifhiontair, agus le fiontair bheaga agus mheánmhéide na hEorpa trí chabhrú leo maoiniú a fháil. Dearann agus forbraíonn an Ciste caipiteal fiontair agus fáis, ráthaíochtaí (COSME, InnovFin, an Ciste Ráthaíochta Eorpach agus ráthaíochtaí saincheaptha), agus ionstraimí micreamhaoiniúcháin a dhíríonn go sonrach ar an gcuid sin den mhargadh. Sa ról sin, cothaíonn an Ciste cuspóirí an Aontais Eorpaigh maidir le tacú le nuálaíocht, taighde agus forbairt, fiontraíocht, fás agus fostaíocht ag gníomhú mar bhealach le haghaidh chistiú agus thionscnaimh Choimisiún an Aontais Eorpaigh.

GBCN €250 milliún

Tá Gníomhaireacht Bainistíochta an Chisteáin Náisiúnta (GBCN) freagrach as iasachtaí a fháil thar ceann an rialtais agus as an bhFiach Náisiúnta a bhainistiú chun leachtacht a chinntiú don Státchiste agus chun an t-ualach úis sa mheántearma a íoslaghdú. Tá saoráid GBCN chuig SBCI i bhfoirm Cláir Nótaí Ráthaithe mar a ndéanfaidh GBCN infheistíocht i Nótaí Ráthaithe a eisiúnn SBCI ar théarmaí comhaontaithe le haibíocht de dheich mbliana ar a mhéad.

An Ciste Infheistíochta Straitéisí d'Éirinn €165 milliún

Bunaíodh an Ciste Infheistíochta Straitéisí d'Éirinn i mí na Nollag 2014 chun infheistíocht a dhéanamh ar bhonn tráchtála ar bhealach a dearadh chun tacú le gníomhaíocht gheilleagrach agus fostaíocht in Éirinn. Cuireadh cistiú ar fáil do SBCI de bhun ordú ón Aire Airgeadais. Is saoráid imrothlach deich mbliana é an cistiú ón gCiste Infheistíochta Straitéisí d'Éirinn a bhfuil d'acmhainn aige tiontú go caipiteal ar iarratas an Aire. I mí Dheireadh Fómhair 2020, tiontaíodh €50m den tsaoráid imrothlach go caipiteal chun tacú le hiasachtú, ráthaíochtaí agus aon chailteanais nár tuaradh.

Táirgí SBCI

Leanamar ag tacú le gnóthaí na hÉireann in 2021 trí chláir comhroinnte riosca a sholáthar. Léiríonn rath na Scéime Iasachta d'Fhás sa Todhchaí agus Scéim Ráthaíochta Creidmheasa COVID-19 éifeachtacht na scéimeanna comhroinnte riosca chun roghanna cistithe inrochtana ar phraghas iomaíoch a sholáthar do ghnóthaí na hÉireann. Chuimsigh an tacaíocht a cuireadh ar fáil do ghnóthaí réimsí ar nós maoiniú caipitil oibre agus maoiniú infheistíochta níos fadtéarmaí, trínar tugadh aghaidh ar iarmhairtí diúltacha geilleagracha phaindéim COVID-19 agus an Bhreathimeachta. In 2021, leanamar ag forbairt roghanna táirgí le haghaidh FBManna na hÉireann agus chuireamar Scéim Iasachta Tionchair an Bhreathimeachta in áit Scéim Iasachta an Bhreathimeachta agus Scéim Caipitil Oibre COVID-19.



Scéim Ráthaíochta Creidmheasa COVID-19

Leanamar ag tacú le fiontair Éireannacha i rith 2021, go háirithe mar gheall ar na dúshlán ghaolmhara a chruthaigh paindéim COVID-19 agus an Breathimeacht.

Is é SBCI oibríteoir Scéim Ráthaíochta Creidmheasa COVID-19 dar luach €2bn thar ceann na Roinne Fiontar, Trádála agus Fostaíochta.

I rith 2021, trí Scéim Ráthaíochta Creidmheasa COVID-19 (CCGS), cuireadh breis agus 5,800 tarraingt anuas iasachta dar luach os cionn €429m ar fáil do FBManna. Léiríonn an tóir mhór a bhí ar an Scéim éifeachtacht na tacaíochta seo chun a chur ar chumas na ngnóthaí aghaidh a thabhairt ar na dúshlán uathúla a d'eascair as paindéim COVID-19 agus pleanáil dá n-athoscailt de réir mar a maolaíodh na srianta. Tháinig méadú suntasach ar líon na n-iasachtóirí ar aghaidh rannpháirteacha freisin, mar ar tháinig seacht mball de Ghrúpa Comhar Creidmheasa Metamo, ocht mball de Chonradh na hÉireann de Chomhair Chreidmheasa, agus ceithre bhall de Ghrúpa Comhar Creidmheasa CUDA isteach sa Scéim, i dteannta banc agus sé iasachtóir ar aghaidh neamhbhainc.



Scéim Iasachta Tionchair an Bhreathimeachta

Tacaíonn Scéim Iasachta Tionchair an Bhreathimeachta (BILS) le gnóthaí agus Táirgeoirí tosaigh (Talmhaíocht/lascaireacht) na hÉireann trí rochtain a sholáthar ar mhaoiniú meántéarmach inacmhainne a chuireann ar a gcumas infheistiú ina ngnó. Cuireann an Scéim €330m seo téarma iasachta méadaithe ar fáil de suas le sé bliana ar rátaí úis an-iomaíoch. Díreoidh an Scéim ar dtús ar na gnóthaí agus Táirgeoirí tosaigh sin a ndeachaigh an Breathimeacht i bhfeidhm orthu agus é de sholúbthacht aici tacú le gnóthaí agus Táirgeoirí tosaigh a ndeachaigh COVID-19 i bhfeidhm orthu más gá. Tá sé d'acmhainn ag an Scéim freastal ar riachtanais athmhaoinithe, de réir teorainneacha áirithe, agus freastalaítear ar chaipiteal oibre agus ar chaiteachas infheistíochta araon.



An Scéim Iasachta d'Fhás sa Todhchaí

Leanamar go cur le líon na n-iasachtóirí ar aghaidh atá rannpháirteach sa Scéim Iasachta d'Fhás sa Todhchaí (FGLS) nuair a chuaigh Close Brothers isteach inti i mí Feabhra 2021. Cruthaíodh gur rogha maoinithe an-éifeachtach í scéim FGLS le haghaidh ghnóthaí na hÉireann, trí rogha cistithe fhadtéarmach ar phraghas iomaíoch a thabhairt do FBManna agus Táirgeoirí tosaigh na hÉireann. In 2021, thacaigh an Scéim le 875 iasacht dar luach €214m. Tá an Scéim beagnach lán.

Cuireadh tús i mí Dheireadh Fómhair 2021 le hathbhreithniú iomlán ar an Scéim Iasachta d'Fhás sa Todhchaí ar fud na bpáirtithe leasmhara ar fad chun riachtanais na todhchaí a chinneadh le haghaidh táirge infheistíochta fadtéarmach le haghaidh ghnóthaí na hÉireann. Táimid ag obair go dlúth leis an Roinn Fiontar, Trádála agus Fostaíochta ar an athbhreithniú sin.

Tionscnaimh Amach Anseo



Gníomhú ar son na hAeráide

Tá Gníomhú ar son na hAeráide ina phríomhthosaíocht do SBCI agus mar chomhartha aitheantais air sin táimid ag forbairt dhá scéim sa réimse sin.

An Scéim Aisfheistithe

Ainmníodh SBCI go sonrach faoin bPlean um Gníomhú ar son na hAeráide, 2021 de chuid an Rialtais mar fhoinsé fhéideartha Maoinithe Chliste agus, chuige sin, leanamar ag plé leis an Roinn Comhshaoil, Aeráide agus Cumarsáide agus le páirtithe leasmhara eile, lena n-áirítear an Banc Eorpach Infheistíochta, chun scéim ráthaíochta iasachta aisfheistithe chónaithe a fhorbairt le haghaidh úinéirí tí agus tiarnaí talún beaga. I bhfianaise chumas SBCI leas a bhaint as cistiú státchiste i dteannta ráthaíochtaí Eorpacha, is réimse é seo inar féidir linn luach a chur leis agus cabhrú leis an Roinn. Tá sé beartaithe ag SBCI an scéim ráthaíochta iasachta aisfheistithe chónaithe a sheoladh in 2022 agus go mbeidh sé ina chuid lárnach den phlean náisiúnta aisfheistithe a d'fhógair an Rialtas le deireanaí agus a thacóidh le spriocanna an Phlean um Gníomhú ar son na hAeráide a bhaint amach.

Scéim Éifeachtúlachta Fuinnimh FBManna

Anuas ar an scéim aisfheistithe, tá sé d'aidhm againn freisin scéim ráthaíochta iasachta a fhorbairt a dhíreofar ar infheistíocht gnóthaí i mbearta éifeachtúlachta fuinnimh a mhéadú, ar nós teaschaidéal, grianfhuinnimh agus uasghráduithe ar fhoirgnimh. Tá sé mar chuspóir againn an fháil a bhíonn ar chistiú a mhéadú agus an costas maoinithe a laghdú do na gnóthaí infheistithe sin trí chomhroinnt riosca a sholáthar, agus a chinntiú freisin go bhfuil téarmaí aisíocaíochta iasachta níos solúbtha ar fáil a thagann níos fearr leis na tréimhsí aisíoca níos faide a bhaineann leis na bun-infheistíochtaí.



Sonraí Tháirgí SBCI



Scéim Iasachta an Bhreathimeachta (BLS) / Scéim Iasachta Caipitil Oibre COVID-19 (COVID-19 WCLS)

Cuireadh Scéim Iasachta an Bhreathimeachta/Scéim Iasachta Caipitil Oibre COVID-19 dar luach €300 milliún ar fáil i gcomhpháirtíocht leis an Roinn Fiontar, Trádála agus Fostaíochta, an Roinn Talmhaíochta, Bia agus Mara agus tacaíonn InnovFin Saoráid Ráthaíochta FBM léi, le tacaíocht airgeadais ón Aontas Eorpach faoi Ionstraimí Airgeadais Fís 2020. Ceapadh BLS/COVID-19 WCLS chun tacaíocht cistithe a sholáthar chun a chur ar chumas FBManna incháilithe athruithe riachtanacha a chur i bhfeidhm chun aghaidh a thabhairt ar na dúshláin a bhaineann leis an mBreathimeacht nó COVID-19.

I mí Dheireadh Fómhair 2021, tháinig Scéim Iasachta Tionchair an Bhreathimeachta in áit na Scéime.



An Scéim Iasachta d'Fhás sa Toghcháin (FGLS)

Cuirtear an Scéim Iasachta d'Fhás sa Toghcháin ar fáil i gcomhpháirtíocht leis an Roinn Fiontar, Trádála agus Fostaíochta agus leis an Roinn Talmhaíochta, Bia agus Mara, le tacaíocht airgeadais ó Ghrúpa an Bhainc Eorpaigh Infheistíochta. Tá an Scéim seo ar fáil do FBManna incháilithe agus Táirgeoirí tosaigh (Talmhaíocht/lascaireacht) chun tacú le hinfheistíochtaí straitéiseacha agus fadtéarmacha (7–10 mbliana)*.

Cé atá i dteideal iarratas a dhéanamh?

Tá an Scéim ar fáil le haghaidh:

- FBManna, Cuideachtaí Meánchaipitlithe beaga agus Táirgeoirí tosaigh (Talmhaíocht/lascaireacht)

Príomhghnéithe na Scéime

- Iasachtaí idir €25,000 agus €3m le haghaidh iasachtaithe incháilithe.
- Téarma idir 7 mbliana agus 10 mbliana.
- Iasachtaí neamhurráite suas le €500,000.
- Uasráta úis tosaigh 4.5% d'iasachtaí suas le €249,999 agus 3.5% d'iasachtaí ag €250,000 nó níos mó**.

Is féidir leas a bhaint as iasachtaí le haghaidh

- Infheistíocht i sócmhainní inláimhsithe nó doláimhsithe chun críocha nuálaíochta próisis agus eagraíochta, nó
- Infheistíocht i sócmhainní inláimhsithe agus doláimhsithe ar ghabháltais talmhaíochta atá nasctha le táirgeadh talmhaíochta príomhúil.

Bíonn faomhadh na n-iasachtaí faoi réir bheartais agus nósanna imeachta creidmheasa na soláthraithe maoinithe féin.

* Go deireadh 2021 bhí éileamh an-láidir ó FBManna agus ó ghnóthaí talmhaíochta ar an maoiniú fadtéarmach ar chostas níos ísle seo. Mar thoradh ar an éileamh sin glacadh go gasta leis an Scéim agus dá bhrí sin níl mórán acmhainne fágtha. Shroich AIB, Banc na hÉireann, KBC Bank, permanent tsb agus Banc Uladh a dteorainneacha FGLS, ach bhí acmhainn fós ag Close Brothers.

** Bíonn rátaí úis athraitheacha faoi réir athrú.



Scéim Ráthaíochta Creidmheasa COVID-19 (CCGS)

Sheol an Rialtas Scéim Ráthaíochta Creidmheasa COVID-19 in 2020 mar bheart éigeandála fóna agus inrochtana chun tacú le gnóthaí a raibh tionchar ag an bpaindéim orthu. Ceapadh an Scéim chun cabhrú le gnóthaí a raibh tionchar ag COVID-19 orthu, Táirgeoirí tosaigh (Talmhaíocht/lascaireacht) ina measc, chun teacht ar chreidmheas.

Tá an Scéim ar fáil trí sholáthraithe éagsúla, lena n-áirítear bainc, soláthraithe maoinithe neamhbhainc agus Comhair Chreidmheasa.

Cé atá i dteideal iarratas a dhéanamh?

D'fhonn a bheith incháilithe, ní mór do mhicrifhiontair, FB Manna, Táirgeoirí tosaigh agus Cuideachtaí Meánchaipitlithe beaga na critéir seo a leanas a chomhlíonadh:

- A bheith i mbun gníomhaíochta tráchtála.
- A bheith faoi thionchar COVID-19.
- Critéir na Scéime a chomhlíonadh

Príomhghnéithe na Scéime

- Saoráidí idir €10,000 agus €1m.
- Préimh bhliantúil (anuas ar an ráta úis/táille a ghearrann an soláthraí maoinithe).
- Téarma suas le 5.5 bliain.
- Ráta athraitheach úis. Iasachtaí neamhurraithe suas le €250,000.

Is féidir leas a bhaint as iasachtaí le haghaidh

- Iasachtaí Téarma, Iasachtaí Éileamh, Cistiú Sonrasc, Léasú.

Bíonn faomhadh na n-iasachtaí faoi réir bheartais agus nósanna imeachta creidmheasa na soláthraithe maoinithe féin.



Scéim Iasachta Tionchair an Bhreathimeachta (BLS)

Seoladh Scéim Iasachta Tionchair an Bhreathimeachta i mí Dheireadh Fómhair 2021 chun aghaidh a thabhairt ar na dúshláin leanúnacha a chruthaigh an Breatimeacht. Tagann an Scéim in áit Scéim Iasachta an Bhreathimeachta a bhí ann ar dtús agus a raibh téarma iasachta níos gaire ag baint léi; soláthraítear anois iasachtaí suas le sé bliana lena ngabhann ráta úis agus riachtanais slándála laghdaithe. I gcomparáid le Scéim an Bhreathimeachta a bhí ann roimpe, leathnaíodh Scéim Iasachta Tionchair an Bhreathimeachta chun go n-áireofaí Táirgeoirí tosaigh (Talmhaíocht/lascaireacht).

Tá an Scéim ar fáil trí sholáthraithe éagsúla, lena n-áirítear bainc, soláthraithe maoinithe neamhbhainc agus Comhair Chreidmheasa.

Cé atá i dteideal iarratas a dhéanamh?

D'fhonn a bheith incháilithe, ní mór do ghnó na critéir seo a leanas a chomhlíonadh:

- A bheith ina ghnó inmharthana le suas le 499 fostaí (FB Manna, Cuideachtaí Meánchaipitlithe beaga agus Táirgeoirí tosaigh).
- A bheith faoi thionchar an Bhreathimeachta.
- Critéir incháilitheachta na Scéime a chomhlíonadh.

Príomhghnéithe na Scéime

- €25,000 go €1.5m in aghaidh an fhiontair incháilithe.
- Ráta athraitheach úis.
- Téarma idir 1 bhliain agus 6 bliana.
- Iasachtaí neamhurraithe suas le €500,000.
- Aisíocaíochtaí roghnacha úis amháin ar fáil ag tús na n-iasachtaí.

Is féidir leas a bhaint as iasachtaí le haghaidh

- Caipiteal oibre agus iasachtaí infheistíochta chun tacú le FB Manna agus Cuideachtaí Meánchaipitlithe Beaga (Táirgeoirí tosaigh ina measc) ar a raibh tionchar ag an mBreatimeacht go príomha.
- Athmhaoiniú ar shaoráidí Scéim Iasachta an Bhreathimeachta ó SBCI atá i bhfeidhm cheana féin; nó
- Athmhaoiniú ar iasacht Bhreathimeachta atá i bhfeidhm cheana féin ach nach ó SBCI í.

ÁR N-AISTEAR

12,593

Líon Iomlán FBManna

Éireannacha lenar Tacaíodh

Nollaig 2014 €200m do
Bhanc na hÉireann

Feabhra 2015 €200m do
Bhainc-Aontas Éireann

Deireadh Fómhair 2015
do Finance Ireland

Samhain 2015 €25m do
Merrion Fleet
(dúnta Iúil 2017)

Samhain 2015 Cistí
breise €200m do
Bhainc-Aontas Éireann

Nollaig 2015 €75m do
Bhanc Uladh

DUL CHUN CINN SBCI GO DTÍ DEIREADH NA BLIANA 2021

* TABHAIR FAOI DEARA: De bharr éigeandáil COVID-19,
aistríodh €200m ó BLS go dtí COVID-19 WCLS nua.

2016

€544m

lasachtú Tacaithe
Iomlán SBCI



Bealtaine 2016 €40m do
First Citizen Agri Finance

Meitheamh 2016 €45m do
Bibby Financial Services Ireland

Samhain 2016 €70m do Fexco
Asset Finance

Eanáir 2017 Seoladh Scéim
ACLS dar luach €150m

Márta 2017 Scéim ACLS
leithdháilte ina hiomláine

Meitheamh 2017 lasachtú ar
aghaidh bainc curtha i gcrích

Deireadh Fómhair 2017
Fógraíodh BLS in óráid na
Cáinainnéise

2017

€920m

lasachtú Tacaithe
Iomlán SBCI



22,965

Líon Iomlán FBManna
Éireannacha lenar Tacaíodh

ACLS - Scéim lasachta Sreafa Airgid Talmhaíochta
BLS - Scéim lasachta Tionchair an Bhreathimeachta
BLS - Scéim lasachta an Bhreathimeachta
Covid-19 CGS - Scéim Ráthaíochta Creidmheasa

Covid-19 WCLS - Scéim lasachta Caipitil
Oibre COVID-19
FGLS - An Scéim lasachta d'Fhás sa Todhchaí



2021
€2,800m

lasachtú Tacaithe
lomlán SBCI

46,000

Líon lomlán FBManna
Éireannacha lenar Tacaíodh

Eanáir 2020 €50m do Capitalflow

Márta 2020 Seoladh COVID-19
WCLS* dar luach €200m

Aibreán 2020 €17.5m do SME
Finance & Leasing

Iúil 2020 €500m breise do FGLS

Meán Fómhair 2020 Seoladh
COVID-19 CGS dar luach €2bn

Samhain 2020 €50m do
Permanent TSB



2020
€2,271m

lasachtú Tacaithe
lomlán SBCI

37,355

Líon lomlán FBManna
Éireannacha lenar Tacaíodh

Márta 2019 Seoladh
FGLS dar luach €300m

Meitheamh 2019 Sheol Bibby
Financial Services Ireland
“Táirge Maoinithe Trádála” mar
chuid de shaoráidí maoinithe
€70m SBCIs

Lúnasa 2019 Shann
Moody's rátáil eisiitheora
A2 ar SBCI den chéad uair

Meán Fómhair 2019 Saoráid
€50m do KBC Bank



2019
€1,435m

lasachtú Tacaithe
lomlán SBCI

29,716

Líon lomlán FBManna
Éireannacha lenar Tacaíodh

Márta 2018 Seoladh
BLS dar luach €300m

Bealtaine 2018 €25m breise do
Bibby Financial Services Ireland

Iúil 2018 Seoladh CGS 2017

Deireadh Fómhair 2018 Fógraíodh
FGLS in óráid na Cáinainnéise

Nollaig 2018 €75m breise do
Finance Ireland



2018
€1,052m

lasachtú Tacaithe
lomlán SBCI

26,061

Líon lomlán FBManna
Éireannacha lenar Tacaíodh

Iasachtú

I rith 2021, leanamar ag forbairt ár gcaidreamh le hiasachtóirí ar aghaidh, idir reatha agus nua, ag cur Close Brothers, Microfinance Ireland agus roinnt comhair chreidmheasa eile le Comhpháirtithe SBCI. Tugadh cistiú breise €50m d'iasachtóirí reatha ar aghaidh (SME Finance & Leasing Solutions agus Fexco Asset Finance) chun táirgí maoinithe éagsúla a chur ar fáil do FBManna incháilithe, e.g. fruilcheannach agus léasú chun carranna, feithiclí tráchtála, sócmhainní gléasra agus innealra a mhaoiniú, agus maoiniú sonrais chun caipiteal oibre gnó a chistiú. Cuireadh €147m san iomlán de tháirgí creidmheasa ar fáil do FBManna in 2021 le cistiú SBCI.

Leanamar ag feidhmiú Scéim Ráthaíochta Creidmheasa COVID-19 thar ceann an Rialtais. Dáiltear an Scéim trí 28 iasachtóir ar aghaidh, lena n-áirítear bainc, institiúidí neamhbhainc agus comhair chreidmheasa. In 2021, chuir an Scéim €429m ar fáil mar thacaíocht chistithe do beagnach 6,000 FBM.

I rith 2021 sholáthraíomar €819m i gcistiú do 10,012 FBM trínár dtacaíochtaí comhroinnte riosca agus leachtachta. Tugadh €836m do 7,639 FBM in 2020.

In 2022, féachfaimid le líon ár gcomhpháirtithe iasachtaithe ar aghaidh a mhéadú chun a chinntiú go bhfuil éagsúlacht níos mó ar fáil do FBManna i roghanna cistithe iomaíocha.

Margaíocht agus Cur Chun Cinn

I rith 2021, leanamar ag ardú feachtas faoin ról atá againn i soláthar tháirgí SBCI do FBManna ar fud na hÉireann trí chomhpháirtithe iasachtaithe ar aghaidh. Féachaimid lena chinntiú go sroicheann ár dteachtaireacht raon leathan páirtithe, idir FBManna aonair agus a gcomhairleoirí agus tionscail agus chomhlachtaí Stáit. Dhírigh an obair go dtí seo ar bhranda a chruthú atá éasca a aithint, atá ábhartha dár gcroí-lucht spéise agus a bhfuil tionchar aige i dtimpeallacht bhranda phlódaithe.

Tá feachtas feachtas poiblí ar bun chun SBCI a mhargú agus cuimsítear ann feachtas margaíochta agus cur chun cinn, lena n-áirítear freastal ar sheimineáir ghréasáin agus imeachtaí gnó, i dteannta feachtas spriocdhírthe sna meáin. Leanadh le himeachtaí a chur ar bun ar líne in 2021 agus d'fhreastalaíomar ar os cionn 40 seimineár gréasáin ag plé le FBManna agus a gcomhairleoirí.

Lean feachtas meán 2021 leis an mbéim ar chainéil meán sóisialta SBCI a fhorbairt agus ar chur chun cinn ár dtáirgí trí chás-staidéir FBM agus mínithe scéime. Bainimid úsáid as Twitter, LinkedIn agus ár gcainéal YouTube féin chun aimsiú lucht féachana a mhéadú oiread agus is féidir dár bhfeachtais sna meáin shóisialta.

Taifeadann Suirbhé Éilimh Creidmheasa na Roinne Airgeadais (Aibreán–Meán Fómhair 2021) feachtas ar SBCI ag 35% san iomlán. Laghdaigh sé sin i gcomparáid le mí Dheireadh Fómhair 2020, nuair a shroich feachtas ar SBCI an bhuai de 46%, i ndiaidh sheoladh Scéim Ráthaíochta Creidmheasa COVID-19. Agus an treocht sonraí san iomlán ó mhí Mheán Fómhair 2017 go mí Mheán Fómhair 2021 á cur san áireamh, tá an fheachtas ar thacaíochtaí agus ar thionscnaimh SBCI fós dearfach.

Léiríonn Suirbhé na Roinne Airgeadais freisin go raibh an fheachtas ar an Scéim Ráthaíochta Creidmheasa, a reáchtálann SBCI, ag 63% i measc FBManna amhail deireadh mhí Mheán Fómhair 2021.

Rannpháirtíocht Páirtithe Leasmhara agus Piaráí

Ceaptar tionscnaimh rannpháirtíochta páirtithe leasmhara SBCI chun a chinntiú go bhfuil ár ngníomhaíochtaí ag teacht le beartas an Rialtais agus le riachtanais mhaoinithe FBManna na hÉireann. Déanaimid é sin trí rannpháirtíocht agus comhoibriú rialta agus éifeachtach leis na páirtithe leasmhara go léir, lena n-áirítear FBManna, comhlachtaí ionadaíochta, (e.g. ISME, SFA, IFA, etc.), comhairleoirí FBManna, ranna agus gníomhaireachtaí rialtais, iasachtóirí ar aghaidh agus maoinitheoirí/ráthóirí ar an leibhéal náisiúnta agus ar leibhéal an Aontais Eorpaigh.



Cuid lárnach de rannpháirtíocht agus tiomantas páirtithe leasmhara SBCI is ea tuairisciú rialta cruinn a sholáthar do ranna rialtais, do mhaoinitheoirí agus do ráthóirí. I rith 2021, bunaíodh foireann thiomanta tuairiscithe agus anailísíochta in SBCI chun an fheidhm tuairiscithe sin a fheabhsú.

In 2021, agus muid ag obair le páirtithe leasmhara ó eárnálacha éagsúla, thugamar faoi athbhreithniú ar theipeanna féideartha margaidh le haghaidh ghnóthaí na hÉireann. Shainnaithin toradh an chleachtadh sin príomhréimsí spéise a chuirfidh bonn eolais faoi spriocmhargáí táirgí agus tréithe táirgí amach anseo.

Ó thaobh na hEorpa de, bímid i mbun plé go gníomhach le piar-eagraíochtaí agus comhlachtaí ionadaíocha ar réimsí comhleasa. Tá Bainc/Institiúidí Náisiúnta le haghaidh Spreagadh nó Forbartha ar fud na hEorpa chun aghaidh a thabhairt ar theipeanna aitheanta sa mhargadh áitiúil nó réigiúnach. Cé go bhféadfadh a sainorduithe faoi seach a bheith éagsúil, ag brath ar thosaíocht dlínse, tá cuspóir comónta acu, rud a spreag cruthú grúpaí líonra láidre nó comhlachais a bhfuil béim shonrach margaidh acu. Tá SBCI ina chomhalta de NEFI (Líonra Institiúidí Airgeadais Eorpacha do FBManna), ELTIA (Cumann Infheisteoirí Fadtéarmacha na hEorpa) agus AECM (Cumann Eorpach na gCumann Rátháíochta), agus ina rannpháirtí gníomhach i roinnt meithleacha EEFIG (Grúpa Institiúidí Airgeadais um Éifeachtúlacht Fuinnimh). Soláthraíonn siad sin tacaíocht agus taithí dúinn ó mhargáí eile, rud a bhíonn fíorluachmhar i bhforbairt ár ról mar sholáthraí idirghabhálacha creidmheasa

tábhachtacha i margadh na hÉireann. Soláthraíonn SBCI, mar Institiúid Náisiúnta na hÉireann le haghaidh Spreagadh, bealach áitiúil do mhargadh na hÉireann chuig tionscnaimh mhaoinithe an Aontais Eorpaigh.

Forléargas ar an Margadh

Bhí dúshlán agus éiginnteacht nach bhfacthas riamh cheana le sárú ag FBManna na hÉireann i rith 2021 mar gheall ar phaindéim COVID-19 agus éifeachtaí na ndianghlásálacha, na mbeart scartha shóisialta agus na ndúntaí éigeantacha ina dhiaidh sin. Chuir tionchar an Bhreitheachta agus moilleanna sa slabhra soláthair le héiginnteacht le haghaidh FBManna i rith na bliana. Mar gheall ar an gcoimhlint san Úcráin, beidh brú praghsanna ar FBManna agus tomhaltóirí na hÉireann i rith 2022 i gcás fhormhór na dtáirgí agus na seirbhísí. Agus Stáit Aontaithe Mheiriceá ag cuimhneamh ar bhac a chur le hiompórtálacha ola ón Rúis, mhéadaigh amhola Brent as cuimse go \$139 in aghaidh an bhairille i mí an Mhárta 2022, an méadú is mó le 14 bliana anuas, agus mhéadaigh gás na hEorpa 80% go dtí an praghas is airde riamh. Is dóigh go bhfanfaidh praghas na hola agus an gháis ard go ceann tamall fada. Dá bhrí sin, cruthófar costais bhreise le haghaidh aerlínte, cuideachtaí loingseoireachta, agus tionscail eile a ídionn go leor fuinnimh, agus is dóigh go gcuirfear iad sin ar aghaidh chuig a dtomhaltóirí.¹

Cuireadh smachtbhannaí trádála an Aontais Eorpaigh i bhfeidhm le cur i gcoinne na Rúise, agus tá oibleagáid ar gach gnólacht príobháideach cloí go hiomlán leis na ceanglais ábhartha.² Beidh tionchar aige sin ar iompórtálacha agus ar easpórtálacha le haghaidh thíortha an Aontais a bhíonn ag plé lena leithéidí sa Rúis. Tá an t-ádh le hÉirinn go mbíonn níos lú ná 1% dá trádáil iomlán á déanamh leis an Rúis. Beidh tionchar aige mar sin féin ar eárnálacha áirithe, lena n-áirítear an talmhaíocht toisc go gciorrófar iompórtálacha leasachán. Agus an choimhlint san Úcráin fós ar bun, choigeartaigh an Banc Ceannais Eorpach a thuar boillscithe agus tá súil le leibhéal rí-ard 5.1% in 2022, méadú suntasach ar an tuar 3.2% a rinne sé roimhe sin.³ Is tábhachtach mar sin go gceaptar go laghdóidh an tuar boillscithe le haghaidh 2023 go 2.1% agus le haghaidh 2024 go 1.9%. Léiríonn na príomhfhiigiúirí thíos na dúshláin a bhí le sárú ag FBManna i gcaitheamh 2021.

1 Financial Times (2022) <https://www.ft.com/content/82340b2a-f027-4b0e-8217-d016135f1e83>

2 An Roinn Fiontar, Trádála agus Fostaíochta (2022), EU Trade Sanctions in Response to Situation in Ukraine

3 RTE (2022) <https://www.rte.ie/news/business/2022/0310/1285553-european-central-bank-meeting/>

TUARASCÁIL BHLIANTÚIL & RÁITIS AIRGEADAIS SBICI

Léiríonn an margadh lucht saothair go soiléir an tionchar a bhí ag COVID-19 ar gheilleagar na hÉireann i gcaitheamh 2021. Sonraíonn figiúirí na Príomh-Oifige Staidrimh go raibh ráta dífhostaíochta coigeartaithe COVID-19 le haghaidh mhí na Nollag 2021 ag 7.5% do gach duine, lena n-áirítear iad siúd ar an Íocaíocht Dífhostaíochta Phaindéime⁴. Tháinig buaic an ráta dífhostaíochta a coigeartaíodh mar gheall ar COVID-19 ag 22.4% i mí Aibreáin 2021 sular thit sé go seasta sa dara leath de 2021.

D'ainneoin an chur isteach sin, léiríonn an Phríomh-Oifig Staidrimh go meastar anois gur fhás an olltáirgeacht intíre 13.5% don bhliain 2021, ach gur laghdaigh sé 5.4% sa cheathrú ráithe de 2021 i gcomparáid leis an tríú ráithe de 2021⁵. Cuirtear é sin i leith fheidhmíocht na bhfiontar ilnáisiúnta iasachta atá lonnaithe in Éirinn den chuid is mó. Is beag tionchar a bhí ar na hearnálacha cógaisíochta agus TF, agus i roinnt cásanna bhain siad tairbhe as tionchar COVID-19. Léiríonn figiúirí tosaigh na Príomh-Oifige Staidrimh le haghaidh 2021 go raibh luach €165bn ar easpórtálacha earraí, méadú €3bn (+1.9%) i gcomparáid le 2020⁶. Tá geilleagar intíre na hÉireann tar éis teacht ar ais go láidir, agus bhí an t-éileamh intíre athraithe suas 1.3% ráithe ar ráithe i rith an cheathrú ráithe de 2021, agus mhéadaigh sé 6.5% don bhliain 2021 iomlán.⁷ Tuairtear go bhfásfaidh an t-éileamh intíre athraithe 7.1% in 2022, méadú a tharraingíonn aird ar thimpeallacht mhaicreacnamaíoch dhearfach leanúnach.⁸ Cé go ndearnadh an tuair sin sular thosaigh an choimhlint san Úcráin, meastar go mbeidh an fás láidir in 2022.

Thuiriscigh GBCN méadú beag eile ar fhéichiúnas poiblí in Éirinn⁹. Meastar gur mhéadaigh fiacha i gcomparáid le hollioncam náisiúnta* 106% in 2021 ó 105% in 2020 (€237bn in Ollfhiachas Rialtais). Cé gur mhéadaigh an leibhéal fiachais, tá costais úis an Rialtais fós ag titim mar gheall ar na timpeallachta ráta úis ísle atá i bhfeidhm faoi láthair. Léiríonn sonraí Bhanc Ceannais na hÉireann go raibh an t-iasachtú comhlán iomlán nua do FBManna le haghaidh earnálacha neamhairgeadais, neamh-eastáit réadaigh i rith na gceithre ráithe go dtí an tríú ráithe de 2021 ag €3.1bn.¹⁰ Léiríonn sé sin

méadú bliain ar bhliain dar luach €67m. Ar bhonn bliantúil, laghdaigh na hiasachtaí gan íoc €2.8bn (↓ 5.2%).¹¹

Aithnímid feidhmíocht dhearfach FBManna agus an úsáid leanúnach a bhaineann siad as maoiniú inmheánach. Dar le European Investment Bank Investment Survey 2021, cuimsíonn cistí inmheánacha os cionn 77% d'infheistíochtaí ghnólaigh na hÉireann, a thagann le torthaí na hÉireann in 2020 (73%) agus atá os cionn mheán an Aontais Eorpach (63%).¹²

Ba mhaoiniú seachtrach a bhí i 22% den mhaoiniú infheistíochta. Baineann micrifhiontair agus fiontair bheaga (26%) leas as cion níos airde d'fhóinsí seachtracha le haghaidh infheistíochtaí i gcomparáid le fiontair mheánmhéide agus mhóra (12%). Luaitear sa suirbhé freisin, i gcás gnólaigh Éireannacha, go bhfuil iasachtaí bainc (40%) agus léasú/fruilcheannach (36%) ar an dá chineál maoinithe sheachtraigh is coitianta a úsáidtear le haghaidh gníomhaíochtaí infheistíochta. Tá sé sin difriúil le meán an Aontais Eorpach, ina gcuimsíonn iasachtaí bainc 56% agus léasú/fruilcheannach 20% de tháirgí maoinithe sheachtraigh.

Creidimid go bhféadfadh maoiniú leanúnach infheistíochtaí fadtéarmacha ó mhaoiniú inmheánach nó gearrthéarmach riosca a chruthú go mbeadh bearna i leibhéil infheistíochta gnó níos fadtéarmaí.

Tá rátaí úis FBManna na hÉireann níos airde ná meáin limistéar an euro. Bhí an meánráta úis le haghaidh iasachtaí contrapháirtithe neamhairgeadais faoi bhun €250,000 ag 4.74% i mí na Nollag 2021 (ba é 1.89% meán limistéar an euro).¹³ Táimid tiomanta do chinntiú go mbíonn rátaí úis iomaíocha ar fáil do FBManna in Éirinn.

Luann an Banc Eorpach Infheistíochta gur fhreagair 46% de ghnólaigh na hÉireann don phaindéim trí phlé le leibhéal éigin digitithe. Tá glacadh na dteicneolaíochtaí digiteacha i measc ghnólaigh an Aontais Eorpach ag fás anois, agus cabhróidh sé sin le FBManna lena dtéarnamh sa timpeallacht athraithe ghnó seo.¹⁴

4 An Phríomh-Oifig Staidrimh (2022), Dífhostaíocht Mhíosúil, Nollaig 2021.

5 An Phríomh-Oifig Staidrimh (2022), Cuntais Náisiúnta Ráithiúla, Ráithe 4 2021 agus Bliain 2021 (Réamhfhóilseachán)

6 An Phríomh-Oifig Staidrimh (2022), Onnmhairí agus Allmhairí Earraí, Nollaig 2021.

7 An Phríomh-Oifig Staidrimh (2022), Cuntais Náisiúnta Ráithiúla, Ráithe 4 2021 agus Bliain 2021 (Réamhfhóilseachán)

8 Banc Ceannais na hÉireann (2022) Quarterly Bulletin 2022:1

9 GBCN (2022) Debt Projections, <https://www.ntma.ie/business-areas/funding-and-debt-management/statistics/debt-projections>

10 Banc Ceannais na hÉireann (2021), Statistical Release: Trends in SME and Large Enterprise Credit and Deposits: Q3 2021.

11 Banc Ceannais na hÉireann (2021), Statistical Release: Trends in SME and Large Enterprise Credit and Deposits: Q3 2021.

12 An Banc Ceannais Eorpach (2021), European Investment Bank Investment Survey 2021.

13 Banc Ceannais na hÉireann (2022), Retail Interest Rates: December 2021.

14 An Banc Ceannais Eorpach (2021), Investment Report 2021/2022.

RIALACHAS AGUS FAISNÉIS CHORPARÁIDEACH



BARBARA COTTER
An Cathaoirleach

(Athcheaptha an 12 Márta 2019 ar feadh téarma cúig bliana) Comhalta den Choiste Luacha Saothair

Bhí Barbara Cotter ina Comhpháirtí ag A&L Goodbody ar feadh breis agus fiche bliain. I rith na tréimhse a chaith sí mar dhlíodóir baincéireachta, thacaigh Barbara le FBManna Éireannacha agus chuir sí comhairle ar iasachtóirí agus infheisteoirí sa phobal FBM. Is céimí de chuid an Choláiste Ollscoile, Baile Átha Cliath í, agus ball den Bhinse Araíonachta Aturnaetha.



JUNE BUTLER
Comhalta Boird

(An Príomhoifigeach Feidhmiúcháin agus comhalta ex officio) Comhalta den Choiste Creidmheasa

Is í June Butler Príomhoifigeach Feidhmiúcháin SBCI ó mhí Mheán Fómhair 2021. Tá taithí de níos mó ná 20 bliain ag June san earnáil seirbhísí airgeadais. Sular ceapadh í mar Phríomhoifigeach Feidhmiúcháin SBCI, d'fhóin sí mar Cheannasaí Baincéireachta agus Earnálacha FBM i mBanc na hÉireann, áit a raibh sí freagrach as an treo straitéiseach a cheapadh agus a spreagadh don ghnó, lena n-áirítear ceanglais maoinithe agus cistithe FBManna Éireannacha a chomhlíonadh. Stiúir sí foireann speisialtóirí earnála an Ghrúpa freisin, chun léargas straitéiseach a thabhairt ar riachtanais ghnóthaí na hÉireann i measc earnálacha éagsúla.

Tá céim DLí ag June ó Choláiste na Tríonóide, Baile Átha Cliath, agus dioplómaí sa Chuntasaíocht agus Cánachas agus Cistíocht Chorporáideach agus Bainistíocht Riosca ó Ollscoil Chathair Bhaile Átha Cliath. Is comhalta í de Chuntasóirí Cairte Éireann agus Stiúrthóir Bainc Deimhnithe.



EOIN DORGAN
Comhalta Boird

(Ceaptha Meán Fómhair 2018 ar feadh téarma cúig bliana) Comhalta den Choiste Creidmheasa

Stiúrann Eoin Dorgan Rannán Uachtarán an Ghrúpa Euro sa Roinn Airgeadais, a thacaíonn leis an Aire Airgeadais ina ról mar Uachtarán an Ghrúpa Euro. Roimhe seo, d'fhóin sé i Rannóg Baincéireachta na Roinne, mar Chomhairleoir Speisialta don Aire Airgeadais agus mar Phreasoifigeach don Aire agus don Roinn Airgeadais. Is céimí de chuid an Choláiste Ollscoile, Baile Átha Cliath agus Choláiste na Tríonóide, Baile Átha Cliath é.



TOM MCALEESE
Comhalta Boird

(Athcheaptha an 12 Márta 2019 ar feadh téarma cúig bliana) Comhalta den Choiste Iniúcháireachta agus Riosca

Tá Tom McAleese ina Stiúrthóir Bainistíochta ar Alvarez and Marsal, an Ríocht Aontaithe agus ina Cheannasaí ar an gCleachtas um Athstruchtúráil Bainc san Eoraip. Tá taithí breis agus 25 bliain aige i seirbhís airgeadais. Sula ndeachaigh sé le Alvarez and Marsal, bhí sé ina Stiúrthóir Bainistíochta ar feadh cúig bliana ag Barclays Bank Ireland plc. D'oibrigh sé roimhe sin le ABN AMRO Bank, áit a raibh poist shinsearacha éagsúla aige, agus le GPA Group plc agus KPMG. Tá Tom ina Ánra d'Institiúid na gCuntasóirí Cairte, ina Ánra d'Institiúid na mBainc éirí agus ina Chomhalta d'Institiúid na gCuntasóirí Poiblí Deimhnithe i Meiriceá. Tá sé ina Uachtarán ar Alumni Gnó Cholaíste na Tríonóide faoi láthair, agus ina chathaoirleach iniúchta ar Chumann Tráchtála Bhaile Átha Cliath.



AJ NOONAN
Comhalta Boird

(Athcheaptha an 12 Márta 2019 ar feadh téarma cúig bliana) Comhalta den Choiste Iniúcháireachta agus Riosca agus Cathaoirleach an Choiste Luacha Saothair

Tá AJ Noonan ina bhunaitheoir agus ina Stiúrthóir Bainistíochta ar Rhonellen Developments. Roimhe seo bhí sé ina bhunaitheoir agus ina Stiúrthóir Bainistíochta ar Noonan Recruitment and Professional Placement Group. Bhí AJ ina Chathaoirleach ar Chumann na nGnólachtaí Beaga ó 2013 go 2016 agus tá sé fós ina chomhalta den Chomhairle Náisiúnta. Is céimí de chuid Institiúid Teicneolaíochta Bhaile Átha Cliath é.



CONOR O'KELLY
Comhalta Boird

(Athcheaptha an 12 Márta 2021 ar feadh téarma dhá bhliain) Comhalta den Choiste Luacha Saothair

Is é Conor O'Kelly Príomhfheidhmeannach GBCN. Bhí sé ina Leaschathaoirleach é ar Investec Holdings (Ireland) Ltd. Roimhe sin, bhí sé ina Phríomhfheidhmeannach ar NCB Group a fuair Investec plc ina dhiaidh sin. Sula ndeachaigh sé le NCB mar Cheannasaí Ioncaim Sheasta, chaith sé 11 bhliain le Barclays Capital, áit a raibh roinnt poist ardbhainistíochta aige.

Tiocfaidh deireadh le téarma oifige Conor O'Kelly mar Phríomhfheidhmeannach GBCN ag deireadh mhí an Mheithimh 2022. Mar chuid den phróiseas aistrithe, d'éirigh Conor as Bord SBCI agus mar sin tá an Bord ag tabhairt faoi stiúrthóir nua a cheapadh in áit Conor.



RICHARD PELLY
Comhalta Boird

(Athcheaptha an 12 Márta 2020 ar feadh téarma cúig bliana) Cathaoirleach an Choiste Creidmheasa

Bhí Richard Pelly ina Phríomhfheidhmeannach ar an gCiste Eorpach Infheistíochta. Roimhe seo bhí sé ina chomhalta d'fhoireann bainistíochta GE Capital European agus ina Stiúrthóir Bainistíochta ag Lloyds TSB. Is céimí de chuid Ollscoil Durham é agus tá sé ina chomhalta d'Institiúid na mBaincéirí.



EILIS QUINLAN
Comhalta Boird

(Athcheaptha an 12 Márta 2020 ar feadh téarma cúig bliana) Comhalta den Choiste Iniúcháireachta agus Riosca

Is ceann feadhna í Eilis Quinlan in Quinlan & Co. Accountants, Ánra de ACCA agus tá sí ina Stiúrthóir Cairte. Fónann sí faoi láthair mar Stiúrthóir ar Chumann Fiontar Beag agus Meánmhéide na hÉireann agus roimhe seo bhí sí ina Cathaoirleach. Ó 2011 i leith, tá Eilis ina ionadaí ar Éirinn ar Fhóram Domhanda Chumann na gCuntasóirí Deimhnithe Cairte do FBManna. Déanann sí ionadaíocht freisin ar an ACCA ar FEE, Cónaidhm na gCuntasóirí Eorpacha sa Bhruiséil. Is céimí í Eilis de chuid Coláiste Uí Ghríofa, Baile Átha Cliath.



MARGUERITE MCMAHON
Comhalta Boird

(Ceaptha an 17 Iúil 2020 ar feadh téarma cúig bliana) Comhalta den Choiste Creidmheasa

Is feidhmeannach oilte í Marguerite a bhfuil saineolas aici ar mhaoiniú inbhuanaithe fadtéarmach. Is saineolaí í ar mhaoiniú agus straitéis FBM le fada an lá, agus tá sí ina stiúrthóir neamhfheidhmiúcháin faoi láthair. Tá sí paiseanta faoi cheisteanna Comhshaoil, Shóisialta agus Rialachais (ESG), Nuálaíochta agus Aeráide. D'oibrigh sí leis an mBanc Eorpach Infheistíochta ar feadh os cionn 30 bliain, ar mhargaí na Spáinne agus na hIodáile den chuid is mó. Bhí ról éagsúla aici ansin, as ar eascair deich mbliana mar Cheannasaí na Rannóige Banc agus Corparáidí le haghaidh na hIodáile, Mhálta, na Cróite agus na Slóivéine. Ó 2007, stiúir sí foireann sa Bhanc Eorpach Infheistíochta chun straitéis iasachtaithe do chorporáidí móra a fhorbairt agus a chur i bhfeidhm, trínar díródh ar infheistíocht inbhuanaithe i nuálaíocht agus gníomhú ar son na haeráide agus FBManna trí bhainc/urrúsú mar ar maoiníodh €50bn d'infheistíocht nua, rud a chruthaigh táirgí nua le haghaidh nuálaíochta, aeráide agus talmhaíochta.

RÁITEAS RIALACHAIS AGUS TUARASCÁIL NA GCOMHALTAÍ BOIRD

Rialachas

Bunaíodh SBCI de bhun an Achta um Chorporáid BaincÉireachta Straitéiseach na hÉireann, 2014 ("Acht SBCI 2014") agus ionchorpraíodh é faoi Acht na gCuideachta 1963 go 2013 i mí Mheán Fómhair 2014, agus tionsaíodh ina Chuideachta Gníomhaíochta Ainmnithe é faoi Acht na gCuideachtaí, 2014 i mí Iúil 2016. Leagtar amach feidhmeanna SBCI in Alt 8 d'Acht SBCI 2014. Tá an Bord cuntasach don Aire Airgeadais. Tá an Bord freagrach as dea-rialachas a chinntiú agus déanann sé an tasc sin trí chuspóirí agus spriocanna straitéiseacha a leagan síos agus cinntí straitéiseacha a ghlacadh maidir leis na príomhcheisteanna gnó go léir. Tá an Príomhoifigeach Feidhmiúcháin agus an fhoireann ardbhainistíochta freagrach as bainistíocht, rialú agus riarachán SBCI ó lá go lá. Caithfidh an Príomhoifigeach Feidhmiúcháin agus an fhoireann ardbhainistíochta an treo straitéiseach leathan a shocraíonn an Bord a leanúint, agus caithfidh siad a chinntiú go bhfuil tuiscint shoiléir ag comhaltaí uile an Bhoird ar na príomhghníomhaíochtaí agus príomhghníomhartha a mholann SBCI, i dteannta aon rioscaí suntasacha ar dóigh go dtarlóidh siad i leith na ngníomhaíochtaí agus na ngníomhartha sin. Feidhmíonn an Príomhoifigeach Feidhmiúcháin mar idirghabhálaí díreach idir an Bord agus lucht bainistíochta SBCI.

Freagrachtaí an Bhoird

Leagtar amach feidhmeanna SBCI in alt 8 d'Acht SBCI 2014. Tá scideal foirmiúil ann de nithe atá le forchoimeád lena gcinneadh ag an mBord, lena n-áirítear faomhadh aon chuid díobh seo a leanas:

- Tuarascálacha Bliantúla agus Ráitis Airgeadais
- An Beartas Bainistíochta Riosca
- Straitéisí Gnó SBCI
- Buiséid Bhliantúla agus Pleananna Corparáideacha
- Saoráidí maoinithe a fháil agus/nó a dheonú
- Glacadh tograí creidmheasa agus comhroinnte riosca
- Ceapachán agus téarmaí agus coinníollacha an Phríomhoifigigh Feidhmiúcháin (tar éis dul i gcomhairle leis an Aire agus Príomhfheidhmeannach GBCN)
- Beartas luacha saothair foriomlán

Ceanglaítear ar SBCI le hAcht na gCuideachtaí, 2014 ráitis airgeadais a ullmhú i leith a oibríochtaí le haghaidh gach bliana airgeadais. Ullmhaítear na ráitis airgeadais de réir FRS 102, an Caighdeán Tuairiscithe Airgeadais is infheidhme sa Ríocht Aontaithe agus i bPoblacht na hÉireann agus de réir Acht na gCuideachtaí, 2014.

Agus na ráitis airgeadais seo á n-ullmhú, éilítear ar Bhord SBCI:

- Beartais oiriúnacha chuntasaíochta a roghnú agus iad a chur i bhfeidhm go seasta.
- Breithiúnais agus meastacháin a dhéanamh atá réasúnach agus ciallmhar.
- Na ráitis airgeadais a ullmhú ar bhonn an ghnóthais leantaigh, ach amháin i gcás nach cuí sin, agus
- A lua ar ullmhaíodh na ráitis airgeadais de réir na gcaighdeán cuntasaíochta infheidhme, na caighdeáin sin a shainithint, agus an tionchar a bhí ag aon imeacht ábhartha ó na caighdeáin sin agus an chúis leis an imeacht ábhartha a lua.



Tá an Bord freagrach as a chinntiú go gcoimeádann SBCI, nó go socraíonn sé go gcoimeádtar, taifid imleora chuntasaíochta a mhíníonn agus a thaifeadann i gceart idirbhearta SBCI, a chuireann ar a chumas gur féidir ag am ar bith sócmhainní, dliteanais, staid airgeadais agus brabús nó cailteanas SBCI a chinneadh le cruinneas réasúnta, a chuireann ar a chumas a chinntiú go gcomhlíonann na Ráitis Airgeadais agus Tuarascáil na Stiúrthóirí ceanglais Acht na gCuideachtaí, 2014 agus a chuireann ar a chumas na ráitis airgeadais a iniúchadh.

Tá an Bord freagrach as buiséad ioncaim agus caiteachais agus straitéis chorporaídeach SBCI a fhaomhadh. Déanann an Bord athbhreithniú ar réamhaisnéisí i gcoinne buiséid agus spriocanna i rith na bliana agus déantar athbhreithniú ar thorthaí ag deireadh na bliana. Tá an Bord freagrach freisin as sócmhainní SBCI a chosaint agus dá bhrí sin tá oibleagáid air céimeanna réasúnacha a ghlacadh chun calaois agus neamhrialtachtaí eile a chosc agus a bhrath.

Tá an Bord sásta go dtugann ráitis airgeadais SBCI léargas fírinneach cóir ar shócmhainní, ar dhliteanais agus ar staid airgeadais SBCI amhail an 31 Nollaig 2021 agus ar bhrabús agus ar chaillteanas SBCI don bhliain airgeadais dar chríoch an 31 Nollaig 2021, agus go gcomhlíonann siad ar gach slí eile cheanglais Acht na gCuideachtaí, 2014.

Struchtúr an Bhoird

Foráiltear i mBunreacht SBCI go mbeidh beirt Stiúrthóirí ar a laghad agus naonúr Stiúrthóirí ar a mhéad ar an mBord, agus Príomhoifigeach Feidhmiúcháin SBCI ar dhuine acu mar

chomhalta ex-officio den Bhord. Cheap an tAire Airgeadais ("an tAire") na chéad Stiúrthóirí ar fhoirmiú agus ar chorprú SBCI. Caithfidh an tAire Stiúrthóirí ina dhiaidh sin a ainmniú, agus ceapfaidh an Bord iad, agus ní fhéadfaidh an Bord ach Stiúrthóirí a ainmníonn an tAire a cheapadh. Ceapann an tAire Cathaoirleach SBCI freisin. Ní rachaidh téarma oifige Stiúrthóra thar chúig bliana. Tá sonraí na Stiúrthóirí reatha agus a dtréimhsí ceapacháin leagtha amach ar leathanaigh 29 go 31.

Déanann an Bord meastóireacht bhliantúil ar a fheidhmíocht féin agus ar fheidhmíocht a Choistí. In 2020, 2019, 2017 agus 2016 rinneadh an mheastóireacht feidhmíochta sin trí fhéinmheasúnú. In 2021, mar a tharla in 2018, rinneadh meastóireacht feidhmíochta an Bhoird go seachtrach, de réir an cheanglais a leagtar amach i mír 4.6 den Chód Cleachtais chun Comhlachtaí Stáit a Rialú (2016).

Bhunaigh an Bord trí choiste chun cabhrú leis a fhreagrachtaí a chomhlíonadh, agus tá téarmaí tagartha foirmiúla ag gach ceann díobh:

- An Coiste Iniúcháireachta agus Riosca
- An Coiste Creidmheasa
- An Coiste Luacha Saothair

Tá tuilleadh faisnéise faoi Choistí an Bhoird i dTuarascálacha na gCoistí ar leathanaigh 37 go 39.

Faigheann an Bord tacaíocht maidir lena fheidhmeanna ó Rúnaí SBCI a chomhordaíonn oibríochtaí Choistí éagsúla an Bhoird chomh maith.

TUARASCÁIL BHLIANTÚIL & RÁITIS AIRGEADAIS SBCI

Sceideal Freastail, Táillí agus Speansais

Tugtar sceideal freastail ag na cruinnithe Boird agus Coiste le haghaidh 2021 thíos, agus áirítear sonraí na dtáillí agus na speansas a fuair gach comhalta mar chomhalta Boird nó Coiste.

Ní bhfuair aon duine díobh seo a leanas aon luach saothair as a gcomhaltas ar an mBord: Conor O'Kelly (Príomhoifigeach Feidhmiúcháin GBCN), Nick Ashmore (iar-Phríomhoifigeach

Feidhmiúcháin SBCI ón 1 Eanáir go dtí an 15 Feabhra 2021), Ian Black (Príomhoifigeach Feidhmiúcháin Eatramhach SBCI CEO ón 15 Feabhra go dtí an 1 Meán Fómhair 2021), June Butler (Príomhoifigeach Feidhmiúcháin SBCI ón 1 Meán Fómhair 2021), Eoin Dorgan (ionadaí na Roinne Airgeadais ar an mBord).

	An Bord	An Coiste Iniúcháireachta agus Riosca	An Coiste Creidmheasa	An Coiste Luacha Saothair	Táillí 2021 €	Speansais 2021 €
Líon Cruinnithe	11	5	4	4		
Nick Ashmore	1(f)		1(f)			-
Ian Black	6(f)		2 (f)			-
June Butler	3(f)		1 (f)			-
Barbara Cotter	11			2 (f)	€31,500	-
Eoin Dorgan	11		3		-	-
Tom McAleese	11	5			€15,750	-
AJ Noonan	11	5		4	€15,750	-
Conor O'Kelly	11			4	-	-
Richard Pelly	11		4		€15,750	€992
Eilis Quinlan	11	5			€15,750	-
Marguerite McMahon	11		4		€15,750	-
Comhaltaí Foirne						
Ray Mangan			2 (f)		-	-

Tagraíonn (f) do líon na gcruinnithe a bhféadfaí freastal orthu de bharr na ndátaí ceapacháin

Athruithe ar an bPríomhphearsanra

D'éirigh Nick Ashmore as mar Phríomhoifigeach Feidhmiúcháin le héifeacht ón 15 Feabhra 2021, agus ceapadh Ian Black mar Phríomhoifigeach Feidhmiúcháin Eatramhach ina áit. I ndiaidh an phróisis earcaíochta le haghaidh Príomhoifigeach Feidhmiúcháin buan a chur i gcrích, d'éirigh Ian Black as mar Phríomhoifigeach Feidhmiúcháin Eatramhach le héifeacht ón 1 Meán Fómhair 2021 agus ceapadh June Butler mar Phríomhoifigeach Feidhmiúcháin ina áit.

D'éirigh Ray Mangan as mar chomhalta den Choiste Creidmheasa amhail an 17 Bealtaine 2021.

Athcheapadh Conor O'Kelly ar an mBord le héifeacht ón 12 Márta 2021 agus d'éirigh sé as an mBord amhail an 1 Aibreán 2022.

Luach Saothair

Foráiltear le hAcht SBCI 2014 go sannfaidh GBCN an oiread sin dá fhoireann do SBCI de réir mar a chinneann SBCI, ó am go chéile, a bheith riachtanach chun a fheidhmeanna a chomhlíonadh. Dá bhrí sin, is fostaithe de chuid GBCN iad na comhaltaí foirne ar fad a shanntar do SBCI.

Tá samhail luacha saothair GBCN bunaithe ar chonarthaí fostaíochta rúnda, a rinneadh a idirbheartú ceann ar cheann, le luach saothair iomaíoch atá ailínithe leis an margadh. Sa ghnáthphacáiste luacha saothair, cuimsítear tuarastal ar bhonn seasta, teidlíocht phinsin agus soláthar do phá lánroghnach a bhaineann le feidhmíocht

Tá íocaíochtaí lánroghnacha a bhaineann le feidhmíocht ceaptha luacha saothair a thabhairt d'fheidhmíocht eisceachtúil agus aird ar fheidhmíocht an fhostaí féin, feidhmíocht réimse freagrachta an fhostaí, agus feidhmíocht fhoriomlán SBCI. Déantar íocaíochtaí a bhaineann le feidhmíocht de réir na bparaiméadar a fhaomhann an Bord ar mholadh an Choiste Luacha Saothair. Bíonn méid foriomlán na n-íocaíochtaí a bhaineann le feidhmíocht a dhéantar i leith bliain ar bith faoi réir fhaomhadh an Bhoird freisin. D'íoc SBCI íocaíochtaí €85k a bhaineann le feidhmíocht le haghaidh 2021.

Miondealú ar Shochair Ghearrthéarmacha Fostaithe

Cuirtear sochair ghearrthéarmacha fostaithe arbh fhiú níos mó ná €50,000 iad in 2021 i gcatagóirí de réir na mbandaí seo a leanas.

Raon	Líon Fostaithe
€50,001 to €75,000	8
€75,001 to €100,000	7
€100,001 to €125,000	3
€125,001 to €150,000	0
€150,001 to €175,000	3
€175,001 to €200,000	1
€200,001 to €225,000	0
€225,001 to €250,000	0
€250,001 to €275,000	0
Iomlán	22

Tabhair faoi deara: Chun críocha an nocht seo, áirítear le sochair ghearrthéarmacha fostaithe a tugadh i rith 2021 tuarastal, sochair inchánach eile a íocadh le fostaithe (lena n-áirítear íocaíochtaí a bhaineann le feidhmíocht), agus íocaíochtaí eile a rinneadh thar ceann fostaithe, ach gan ÁSPC an fhostóra san áireamh.



TUARASCÁIL BHLIANTÚIL & RÁITIS AIRGEADAIS SBCI

Nochtadh a Éilítear faoin gCód Cleachtais chun Comhlachtaí Stáit a Rialú (2016)

Tá an Bord freagrach as a chinntiú gur chomhlíon SBCI ceanglais an Chóid Cleachtais chun Comhlachtaí Stáit a Rialú ("an Cód"), mar a d'fhoilsigh an Roinn Caiteachais Phoiblí agus Athchóirithe é i mí Lúnasa 2016. Éilítear an nochtadh seo a leanas de réir an Chóid.

Costais Sainchomhairleoireachta

Áirítear leis na costais sainchomhairleoireachta costas comhairle seachtraí don lucht bainistíochta agus ní áirítear leo feidhmeanna seachfhoinsithe na gnáthoibre.

	2021 €000	2020 €000
Comhairle dhlí	721	981
Comhairle airgeadais	258	590
Caidreamh poiblí/margaíocht	29	110
Acmhainní Daonna	3	0
Eile	10	169
Costais sainchomhairleoireachta iomlána	1,021	1,850
Costais sainchomhairleoireachta chaipitlithe	0	0
Costais sainchomhairleoireachta a cuireadh ar an Ráiteas ar Ioncam Cuimsitheach	1,021	1,850
Costais sainchomhairleoireachta iomlána	1,021	1,850

Costais Dlí agus Socruithe

B'ionann an caiteachas a tabhaíodh in 2021 maidir le costais dlí agus socruithe agus 0.

Caiteachas Taistil agus Cothabhála

Déantar catagóiríú ar chaiteachas taistil agus cothabhála mar seo a leanas:

	2021 €000	2020 €000
Intíre		
An Bord	0	0
Fostaithe	2	11
Idirnáisiúnta		
An Bord	1	1
Fostaithe	1	10
Iomlán	4	21

Caiteachas Fáilteachais

Áirítear €3.8k sa Ráiteas ar Ioncam Cuimsitheach maidir le caiteachas fáilteachais foirne in 2021 (2020 €2.6k).

An Ráiteas ar Chomhlíonadh

Chomhlíon SBCI an Cód, faoi réir líon teoranta oiriúnuithe/athruithe a comhaontaíodh leis an Roinn Airgeadais mar a achoimrítear thíos:

Nithe atá Forchoimeádta lena gCinneadh ag an mBord

Leagtar amach sa Chód sceideal foirmiúil ann de nithe atá le forchoimeád lena gcinneadh ag an mBord go sonrach. Seachas "leasuithe suntasacha ar shochair phinsin an Phríomhoifigigh Feidhmiúcháin agus na foirne" atá ina ábhar do Bhord GBCN (toisc gur fostaithe de chuid GBCN iad na comhaltaí foirne uile a shanntar do SBCI agus go bhfuil siad ina mbail de scéim aoisliúntais GBCN), áirítear na míreanna seo a leanas i Sceideal na Nithe Forchoimeádta a leagtar amach sa Chód. Tá roinnt difríochtaí san fhoclaíocht i dtaobh na míreanna ar éadail agus diúscairt shuntasach sócmhainní agus infheistíochtaí móra agus tionscadal caipitil chun nádúr ghnó SBCI a léiriú (saoráidí maoinithe a fháil agus a dheonú).

Neamhchomhlíonadh Oibleagáidí Reachtúla

I bhfianaise an raon leathan oibleagáidí reachtúla ábhartha a bhfuil SBCI faoina réir, tugann SBCI, mar chleachtas leanúnach, aghaidh ar an gceanglas a leagtar amach sa Chód go bhfuil oibleagáid ar an gCathaoirleach teagmhais neamhchomhlíonta i gcás aon oibleagáidí reachtúla a tabhairt ar aird an Aire, trí chásanna ábhartha neamhchomhlíonta amháin a chur in iúl don Aire.

Caidreamh leis an Oireachtas, leis an Aire agus leis an Máthair-roinn

Maidir leis na forálacha sin de Chuid 8 den Chód a phléann le héadáil nó diúscairt sócmhainní, breithmheas infheistíochta caipitil, bunú nó éadáil fochuideachtaí, rannpháirtíocht i gcomhfhiontair agus éadáil scaireanna, níl feidhm acu maidir le gníomhaíochtaí gnó SBCI mar a leagtar amach in Acht SBCI 2014 agus i mBunreacht SBCI. Leagtar amach gníomhaíochtaí sonracha i mBunreacht SBCI a bhfuil toiliú aireachta ag teastáil ina leith.

An Cód Caiteachais Phoiblí

Is dóigh go mbeidh an Cód Caiteachais Phoiblí teoranta maidir lena bhaint le SBCI toisc gurb iad a phríomhghníomhaíochtaí cistiú a fhoinsiú, agus maoiniú fadtéarmach, ar chostas íseal a sholáthar d'iasachtóirí ar aghaidh lena dháileadh trí chreidmheas a sholáthar d'iasachtaithe agus saoráidí comhroinnte riosca a leathnú. Má bhíonn, agus nuair a bheidh, SBCI ag plé le tionscadail chaipitil nó cláir nua caiteachais reatha, comhlíonfaidh sé forálacha ábhartha an Chóid Caiteachais Phoiblí.

Luach Saothair agus Aoisliúntas

Foráiltear le hAcht SBCI 2014 go sannfaidh GBCN an oiread sin dá fhoireann do SBCI de réir mar a chinneann SBCI, ó am go chéile, a bheith riachtanach chun a fheidhmeanna a chomhlíonadh. Dá bhrí sin, is fostaithe de chuid GBCN iad na comhaltaí foirne ar fad a shanntar do SBCI.

Faomhann Príomhfheidhmeannach GBCN, a dhéanann ionadaíocht ar GBCN mar fhostóir, cúrsaí luacha saothair maidir le fostaithe GBCN a shanntar do SBCI de réir critéar agus socruithe maoirseachta a chomhaontaítear le SBCI ó am go chéile. Maidir leis na critéir sin agus na socruithe maoirseachta, tá Coiste Luacha Saothair bunaithe ag Bord SBCI agus tá beartas foirmiúil luacha saothair curtha i bhfeidhm aige. Agus forálacha an Chóid maidir le luach saothair á gcomhlíonadh aige, ghlac SBCI na forálacha a bhaineann le comhlachtaí Stáit tráchtála, a cuireadh in oiriúint i bhfianaise a struchtúir rialachais agus tuairiscithe agus a shamhail luacha saothair.

Tuarascálacha na gCoistí

Tuarascáil an Choiste Iniúcháireachta agus Riosca

Is é ról an Choiste Iniúcháireachta agus Riosca cabhrú leis an mBord lena maoirseacht ar:

- cáilíocht agus sláine na ráiteas airgeadais; athbhreithniú agus monatóireacht ar éifeachtacht na gcóras rialaithe inmheánaigh; an próiseas iniúcháireachta inmheánaí agus an fheidhm chomhlíonta; agus an t-athbhreithniú ar aschuir ó iniúcháir seachtrach SBCI, an tArd-Reachtair Cuntas agus Ciste;
- creat bainistíochta riosca SBCI lena n-áirítear goile riosca a leagan síos; monatóireacht ar chloí le rialachas riosca agus a chinntiú go ndéantar rioscaí a shainaithint, a mheasúnú, a bhainistiú, agus a thuairisciú i gceart.

Bíonn triúr comhaltaí neamhfheidhmiúcháin ar an gCoiste a cheapann an Bord. Is iad comhaltaí an Choiste faoi láthair:

- Tom McAleese, Chairperson
- Eilis Quinlan
- AJ Noonan

Tháinig an Coiste le chéile cúig huaire in 2021.

TUARASCÁIL BHLIANTÚIL & RÁITIS AIRGEADAIS SBCI

Tuairisciú Airgeadais

D'athbhreithnigh an Coiste na dréacht-ráitis airgeadais agus mhol sé iad don Bhord. Díriú an t-athbhreithniú ar na modhanna cuntasafóichta, ar cheanglais ábhartha Acht na gCuideachtaí, 2014 agus ar shoiléire agus iomláine na nochtuithe de réir na gcaighdeán cuntasafóichta is infheidhme, i dteannta fhorálacha ábhartha an Chóid. Rinne an Coiste athbhreithniú freisin ar an Ráiteas Rialachais agus ar Thuarascáil na gComhaltaí Boird, agus ráitis ar bhainistíocht riosca lena gcur san áireamh i dTuarascáil Bhliantúil SBCI. Mar chuid dá athbhreithniú ar na ráitis airgeadais, bhuaill an Coiste le hionadaithe ó Oifig an Ard-Reachtair Cuntas agus Ciste chun a Thuarascáil ar Thorthaí Iniúchta a phlé.

Rialuithe Inmheánacha

Rinne an Coiste athbhreithniú ar éifeachtacht an chórais rialaithe inmheánaigh. Rinne sé athbhreithniú freisin ar an Ráiteas ar Rialú Inmheánach le cur san áireamh i Ráitis Airgeadais 2021 agus mhol sé don Bhord é. Bhí an t-athbhreithniú bunaithe ar thuarascáil ón lucht bainistíochta maidir leis na dearbhuithe a bhí sa Ráiteas ar Rialú Inmheánach agus Clár Oibre mionsonraithe an Choiste, lena n-áirítear iniúcháireacht inmheánach agus tuarascálacha riosca rialta.

Iniúcháireacht Inmheánach

Fuair an Coiste tuairiscí rialta ón iniúcháir inmheánach. Rinne sé athbhreithniú ar na príomhthorthaí ó thoradh athbhreithnithe iniúcháireachta inmheánaí aonair a cuireadh i gcrích faoi phlean iniúcháireachta inmheánaí riosca-bhunaithe 2021 agus rinne sé monatóireacht ar chur i bhfeidhm mholtaí na hiniúcháireachta. D'fhaomh sé plean iniúcháireachta inmheánaí 2022 agus d'fhaomh sé Cairt Iniúcháireachta Inmheánaí lena húsáid in SBCI. Rinne an Coiste athbhreithniú ar éifeachtacht an iniúcháir inmheánaigh. Buaileann an Coiste go príobháideach le Ceannasaí Iniúcháireachta Inmheánaí GBCN gan an lucht bainistíochta uair sa bhliain ar a laghad.

Iniúcháireacht Sheachtrach

Is é an tArd-Reachtair Cuntas agus Ciste iniúcháir seachtrach SBCI. Rinne an Coiste athbhreithniú ar an bplean iniúcháireachta seachtraí, na príomhréimsí fócais agus téarmaí rannpháirtíochta na hiniúcháireachta. Rinne sé monatóireacht freisin ar fhreagairtí an lucht bainistíochta ar thorthaí an iniúcháir seachtraigh a d'eascair as an iniúcháireacht ar ráitis airgeadais 2020. Buaileann an Coiste go príobháideach leis an iniúcháir seachtrach gan an lucht bainistíochta uair sa bhliain ar a laghad.

Riosca

Rinne an Coiste athbhreithniú agus d'fhaomh nuashonruithe ar roinnt beartas riosca ar leith, agus mhol sé nuashonruithe don Bhord, mar a fhoráiltear dó faoin mBeartas agus Creat Bainistíochta Riosca. D'fhaomh sé an Plean Bainistíochta Riosca do 2022 freisin agus rinne sé monatóireacht ar an dul chun cinn le hais phlean 2021. Fuair sé tuairiscí rialta ar rioscaí SBCI agus na rialuithe atá i bhfeidhm chun rioscaí a mhaolú. Buaileann an Coiste go príobháideach le Ceannasaí Riosca SBCI gan an lucht bainistíochta uair sa bhliain ar a laghad.

Comhlíonadh agus Nochtadh Cosanta

Rinne an Coiste athbhreithniú ar leordhóthanacht agus slándáil shocruithe SBCI dá fhoireann agus dá chonraitheoirí chun ábhar imní a tharraingt anuas agus d'fhaomh sé nuashonruithe ar an Tuairisciú ar "Éagóiritheoireacht" agus ar an mBeartas um Nochtadh Cosanta. Rinne an Coiste athbhreithniú freisin ar an mBeartas Cosanta Sonraí agus ar an Ráiteas Príobháideachais, agus d'fhaomh sé iad, agus mhol sé an Measúnú Riosca Gnó agus an Beartas i gCoinne Sciúradh Airgid don Bhord. Fuair sé an tuarascáil bhliantúil ón Oifigeach Cosanta Sonraí agus Comhlíonta agus rinne sé athbhreithniú ar na seirbhísí a dhéanann Comhlíonadh GBCN. Buaileann an Coiste le Ceannasaí Comhlíonta GBCN gan an lucht bainistíochta uair sa bhliain ar a laghad.



Athbhreithnithe ar lasachtóirí ar Aghaidh

Fuair an Coiste tuairiscí rialta ón soláthraí seirbhíse seachtrach KPMG maidir le hAthbhreithnithe ar lasachtóirí ar Aghaidh. D'fhaomh sé Plean Athbhreithnithe na nlasachtóirí ar Aghaidh le haghaidh 2022. Rinne sé athbhreithniú ar na príomhthorthaí ó thoradh Athbhreithnithe Aonair na nlasachtóirí ar Aghaidh a cuireadh i gcrích faoin bplean agus rinne sé monatóireacht ar chur i bhfeidhm mholtaí KMPG.

Eile

Rinne an Coiste athbhreithniú ar a théarmaí tagartha agus mhol sé leasuithe don Bhord. Thug sé faoi athbhreithniú freisin ar a éifeachtacht féin agus thuairiscigh sé don Bhord faoin athbhreithniú sin. Faomhadh tosaíochtaí an Choiste i leith 2022 mar chuid dá Chlár Oibre le haghaidh 2022.

Tuarascáil an Choiste Creidmheasa

Is é ról an Choiste Creidmheasa cabhrú leis an mBord athbhreithniú agus faomhadh a dhéanamh ar chinntí creidmheasa, agus maoirseacht agus monatóireacht a dhéanamh ar riosca creidmheasa.

Bíonn triúr comhaltaí Boird neamhfheidhmiúcháin ar an gCoiste, chomh maith le Príomhoifigeach Feidhmiúcháin SBCI.

Is iad comhaltaí an Choiste faoi láthair:

- Richard Pelly, an Cathaoirleach (Comhalta Boird)
- Eoin Dorgan (Comhalta Boird)
- Marguerite McMahon (Comhalta Boird)
- June Butler (An Príomhoifigeach Feidhmiúcháin agus Comhalta Boird)

D'éirigh Nick Ashmore as an gCoiste le héifeacht ón 15 Feabhra 2021, i ndiaidh dó éirí as mar Phríomhoifigeach Feidhmiúcháin SBCI. Ceapadh Ian Black mar Phríomhoifigeach Feidhmiúcháin Eatramhach SBCI, agus de réir Théarmaí Tagartha an Choiste, ceapadh é mar chomhalta den Choiste, le héifeacht ón 26 Feabhra 2021. D'fhan sé sa ról sin go dtí gur ceapadh June Butler mar Phríomhoifigeach Feidhmiúcháin SBCI, agus ceapadh í ar an gCoiste Creidmheasa le héifeacht ón 9 Meán Fómhair 2021.

Tháinig an Coiste Creidmheasa le chéile ceithre huairé in 2021. Ba é an phríomhghníomhaíocht a bhí aige ná athbhreithniú a dhéanamh ar thograí creidmheasa mionsonraithe ón lucht bainistíochta. Rinne sé athbhreithniú freisin ar na hathbhreithnithe creidmheasa bliantúla ar lasachtóirí ar aghaidh a rinne an lucht bainistíochta.

Rinne an Coiste athbhreithniú freisin ar a théarmaí tagartha agus mhol sé roinnt leasuithe don Bhord.

Tuarascáil an Choiste Luacha Saothair

Cabhraíonn an Coiste Luacha Saothair leis an mBord maidir le cúrsaí luacha saothair i leith fhostaithe GBCN a shanntar do SBCI de réir na gcritéar agus na socruithe maoirseachta a comhaontaíodh le GBCN.

Tá an Bord freagrach as Beartas Luacha Saothair foriomlán SBCI agus bíonn a chuid freagrachtaí á dtreorú ag comhairle agus moltaí an Choiste Luacha Saothair.

Bíonn triúr comhaltaí neamhfheidhmiúcháin ar an gCoiste a cheapann an Bord. Is iad comhaltaí an Choiste faoi láthair:

- AJ Noonan (An Cathaoirleach)
- Conor O'Kelly
- Barbara Cotter

Ceapadh AJ Noonan mar Chathaoirleach an Choiste amhail an 26 Feabhra 2021 agus ceapadh Barbara Cotter ar an gCoiste freisin, le héifeacht ón 26 Feabhra 2021. D'éirigh Conor O'Kelly as an gCoiste amhail an 1 Aibreán 2022.

Tháinig an Coiste le chéile ceithre huairé in 2021. Rinne sé athbhreithniú agus moladh ar mhéid iomlán na n-íocaíochtaí a bhaineann le feidhmíocht le haghaidh 2021.

Rinne an Coiste athbhreithniú ar a théarmaí tagartha agus mhol sé roinnt leasuithe don Bhord. Rinne an Coiste maoirsiú ar cheapadh an Phríomhoifigigh Feidhmiúcháin nua freisin.

BAINISTÍOCHT RIOSCA

Bainistíocht Riosca

Bíonn sé mar aidhm ag SBCI riosca a bhainistiú ar bhealach eolach agus réamhghníomhach, de réir a Bheartais agus a Chreata Bainistíochta Riosca agus a Ráitis Inghlathachta Riosca, ionas go mbeidh leibhéal an riosca a nglactar leis ag teacht lena bhunghníomhaíocht ghnó, agus go dtuigean agus go bhfuil SBCI in ann tionchar aon riosca a d'fhéadfadh teacht chun cinn a bhainistiú nó a iompar. Comhlíonann SBCI forálacha bainistíochta riosca an Chóid Cleachtais chun Comhlachtaí Stáit a Rialú (2016).

In 2021, rinne an Coiste Iniúcháireachta agus Riosca agus an Bord athbhreithniú rialta ar an gClár Riosca, agus fuair an Bord nuashonruithe rialta maidir le bainistíocht riosca agus rioscaí arda agus rioscaí a bhí ag teacht chun cinn.

Róil agus Freagrachtaí

An Bord

Tá an Bord freagrach as an inghlathacht riosca a leagan síos agus as maoirsiú agus stiúradh na gníomhaíochta bainistíochta riosca ar fud SBCI. Shainordaigh an Bord go ndéanfaí bainistíocht riosca a chomhtháthú agus a leabú in atmaisféar agus i gcultúr SBCI agus glacadh leis sin ar fud SBCI; bíonn gach comhalta d'fhoireann SBCI freagrach as athbhreithniú rialta a dhéanamh ar an gclár riosca agus a dhearbhu ina n-aonar go bhfuil na rialuithe luaite i bhfeidhm.

An Coiste Iniúcháireachta agus Riosca

Bíonn an Coiste Iniúcháireachta agus Riosca freagrach as maoirseacht a dhéanamh ar chur i bhfeidhm Bheartais agus Chreat Bainistíochta Riosca SBCI agus as a chinntiú go soláthraíonn samhail rialachais bainistíochta riosca SBCI leibhéal iomchuí neamhspleáchais agus dúshláin. Tuairiscíonn an Coiste Iniúcháireachta agus Riosca don Bhord.

Trí Líne Chosanta

Tá Beartas agus Creat Bainistíochta Riosca SBCI bunaithe ar shamhail na trí líne chosanta.

An Chéad Líne Chosanta

Is iad foireann SBCI agus an ardbhainistíocht (an chéad líne chosanta) a thabhaíonn na rioscaí agus a bhíonn ina n-úinéir orthu.

An Dara Líne Chosanta

Soláthraíonn feidhm Riosca SBCI agus feidhmeanna rialaithe eile (an dara líne chosanta) maoirseacht neamhspleách agus dúshlán oibiachtúil don chéad líne chosanta. Soláthraíonn siad monatóireacht agus tuairisciú riosca freisin.

An Tríú Líne Chosanta

Feidhmíonn an fheidhm Iniúcháireachta Inmheánaí mar chuid den tríú líne chosanta trí dhearbhu neamhspleách, réasúnta, riosca-bhunaithe a sholáthar do na príomhpháirtithe leasmhara maidir le chomh fóna agus atá córas bainistíochta riosca SBCI, a rialachas agus dheardh agus éifeachtacht oibríochta na timpeallachta rialaithe inmheánaigh.

Iniúcháireacht

De réir na gceanglas reachtúil, déanann an tArd-Reachtaire Cuntas agus Ciste iniúchadh ar SBCI. Bainistíonn feidhm Iniúcháireachta Inmheánaí GBCN próiseas iniúcháireachta inmheánaí SBCI agus ceapadh gnólacht seachtrach, KPMG faoi láthair, chun obair iniúcháireachta inmheánaí a thuairisciú do Cheann Iniúcháireachta Inmheánaí GBCN.

Príomhrioscaí

Bíonn SBCI neamhchosanta ar réimse leathan rioscaí a d'fhéadfadh tionchar a imirt ar a fheidhmíocht airgeadais agus oibríochta. Leis an mBeartas agus Creat Bainistíochta Riosca bunaítear na próisis chun riosca a shainathint, a mheasúnú, a thuairisciú agus a mhaolú. Shainathin SBCI na príomhrioscaí seo a leanas a d'fhéadfadh drochthionchar a

bheith acu ar a chuspóirí a bhaint amach. Ina theannta sin, coimeádann SBCI Clár Riosca cuimsitheach ina sainathnítear na rioscaí ar fad atá os comhair SBCI. Rinne athbhreithniú straitéiseach in 2021 chun an Clár Riosca a athnuachan chun go mbeadh sé de réir dhea-chleachtais an tionscail. Cuireadh Eolaire Rioscaí nua i bhfeidhm freisin mar chuid den athbhreithniú chun ár rioscaí a chatagóiriú, mar atá thíos.

Riosca	Cur síos ar an Riosca	Beart Maolaithe Riosca
Riosca Caipitil	An riosca a bhaineann le sárú ar cheanglais chaipitiúil sheachtracha nó ar spriocanna inmheánacha as a n-eascródh éagumas tabhairt faoin ghnó i ndálaí struis nó an mhainneachtain measúnú, monatóireacht, pleanáil agus bainistiú a dhéanamh ar cheanglais leordhóthanachta caipitil.	Maolaítear an riosca seo trí athbhreithniú rialta agus comhlíonadh spriocanna leordhóthanachta caipitil mar a leagtar amach inár mbeartais ábhartha.
Riosca Creidmheasa	An riosca a bhaineann le cailleanais chreidmheasa nó airgeadais eile as a n-eascródh tionchar ar chumas SBCI a spriocanna straitéiseacha a bhaint amach.	I measc na mbeart maolaithe atá i bhfeidhm maidir leis an riosca sin tá dícheall cuí roimh aon chinntí iasachta, monatóireacht agus athbhreithniú leanúnach ar shaoaráidí iasachtaíthe ar aghaidh, chomh maith le hathbhreithniú rialta ar chomhlíonadh na góinant agus na ngealltanas faoi seach. I measc na mbeart eile tá tuairisciú ráithiúil ina ndéantar monatóireacht ar na leibhéil riosca fhoriomlána sa phunann, lena n-áirítear anailís ar na príomhtháscairí riosca a mhionsonraítear sa Ráiteas Inghlathachta Riosca agus measúnú ar riosca creidmheasa a dhéanann an Coiste Creidmheasa agus an Bord.
Riosca Comhlíonta Rialála	An riosca a bhaineann le mainneachtain na ceanglais reachtúla agus rialála ábhartha ar fad a chomhlíonadh, as a n-eascródh smachtbhannaí rialála agus/nó dochar don chlú.	Maolaítear an riosca sin trí chomhairle dhlí agus chomhlíonta inmheánach agus sheachtrach a fhostú, dearadh táirgí chun a chinntiú go gcomhlíontar dlíthe agus rialacháin ábhartha, agus trí chloí le beartais agus nósanna imeachta ábhartha.
Riosca Oibriúcháin	An riosca a bhaineann le próisis inmheánacha (earráid dhaonna ina measc) nó córais neamhleora agus/nó neamhéifeachtacha nó eachtraí seachtracha as a n-eascródh cailleanais oibriúcháin agus/nó díobháil do chustaiméirí.	Maolaítear an riosca sin trí thacaíocht oibríochta agus seirbhísí a sholáthraíonn GBCN, dá bhforáiltear faoi Acht SBCI, agus trí chloí leis na beartais agus na nósanna imeachta ábhartha. Tá córais agus próisis nua faoi réir athbhreithniú cuimsitheach agus fhaomhadh an údaráis chuí agus úsáidtear modheolaíocht láidir bainistíochta tionscadal chun tionscadail nua a bhainistiú.
Riosca Straitéiseach	An riosca a bhaineann le mainneachtain cuspóir straitéiseach SBCI a bhaint amach mar gheall ar chúinsí inmheánacha nó seachtracha, as a n-eascródh dochar don chlú agus/nó díobháil do chustaiméirí.	Maolaítear an riosca sin trí rannpháirtíocht ghníomhach le grúpaí páirtithe leasmhara, éagsúlacht i dtáirgí SBCI lena chinntiú go dtugtar aghaidh ar riachtanais iasachtóirí ar aghaidh agus FBManna, agus athbhreithniú rialta ar dhul chun cinn SBCI i gcomparáid lenár bplean straitéiseach.
Riosca Leachtachta agus Cistithe	An riosca a bhaineann le héagumas SBCI a shócmhainní a chistiú agus a oibleagáidí focaíochta conartha a íoc de réir mar a bhíonn siad dlíthe, gan cailleanais neamhghlactha a thabhtú, agus ag coinneáil ag an am céanna bonn cistithe éagsúlaithe, seasmhach agus cost-éifeachtach.	Maolaítear an riosca sin trí athbhreithnithe rialta ar ár seasamh cistithe agus ceanglais cistithe amach anseo, meaitseáiltear cistiú úis athraithe in aghaidh iasachtaí athraitheacha a eisítear, agus comhlíontar spriocanna leachtachta a leagtar amach i mbeartais ábhartha.

RÁITIS AIRGEADAIS CHORPARÁID BAINCÉIREACHTA STRAITÉISEACH NA HÉIREANN

DON BHLIAIN DAR CHRÍOCH AN 31 NOLLAIG 2021

An Clár

Faisnéis faoin gCuideachta agus Faisnéis Eile	43
Tuarascáil na Stiúrthóirí	44
Ráiteas ar Fhreagrachtaí na Stiúrthóirí	47
An Ráiteas ar Rialú Inmheánach	48
Tuarascáil an Ard-Reachtaire Cuntas agus Ciste	51
An Ráiteas ar Ioncam Cuimsitheach	54
An Ráiteas ar an Staid Airgeadais	55
An Ráiteas ar Athruithe ar Chothromas	57
An Ráiteas ar Shreabhadh Airgid	58
Nótaí a Ghabhann leis na Ráitis Airgeadais	60

FAISNÉIS FAOIN GCUIDEACHTA AGUS FAISNÉIS EILE

Stiúrthóirí

Barbara Cotter
(An Cathaoirleach)

June Butler
(An Príomhoifigeach Feidhmiúcháin,
a ceapadh an 1 Meán Fómhair 2021)

Ian Black
(An Príomhoifigeach Feidhmiúcháin
Eatramhach, a ceapadh an 15 Feabhra 2021,
a d'éirigh as an 1 Meán Fómhair 2021)

Nick Ashmore
(An Príomhoifigeach Feidhmiúcháin,
a d'éirigh as an 15 Feabhra 2021)

Eoin Dorgan

Tom McAleese

Marguerite McMahon

AJ Noonan

Richard Pelly

Eilis Quinlan

Conor O'Kelly
(a d'éirigh as an 1 Aibreán 2022)

Rúnaí na Cuideachta

Macken McNicholas

Oifig Chláraithe

Duga an Stáitchiste
Cé an Phoirt Thuaidh
Baile Átha Cliath 1
D01 A9T8

Baincéirí

Citibank

1 Cé an Phoirt Thuaidh
Baile Átha Cliath 1
D01 T8Y1

Banc Ceannais na hÉireann

Sráid Wapping Nua
Cé an Phoirt Thuaidh
Baile Átha Cliath 1
D01 F7X3

Iniúcháir

An tArd-Reachtair Cuntas agus Ciste
3A Sráid an Mhéara Uachtarach
Baile Átha Cliath 1
D01 PF72

TUARASCÁIL NA STIÚRTHÓIRÍ

Cuireann Stiúrthóirí Chorporáid Baincéireachta Straitéiseach na hÉireann ("an Chuideachta" nó "SBCI") a dtuarascáil agus ráitis airgeadais iniúchta i láthair maidir leis an mbliain airgeadais dar chríoch an 31 Nollaig 2021 ("an bhliain airgeadais").

Príomhghníomhaíochtaí

Bunaíodh an Chuideachta de bhun an Achta um Chorporáid Baincéireachta Straitéiseach na hÉireann, 2014 ("Acht SBCI 2014") agus ionchorpraíodh é faoi Achtanna na gCuideachta 1963 go 2013 ar an 12 Meán Fómhair 2014, agus tionsaíodh ina chuideachta gníomhaíochta ainmnithe é faoi Acht na gCuideachtaí, 2014 ar an 28 Iúil 2016. Baineann an Chuideachta leas as foinsí cistithe Éireannacha agus idirnáisiúnta chun tacú le soláthar creidmheasa d'fhiontair in Éirinn. Déantar é sin trí tháirgí leachtacht agus comhroinnte riosca a sholáthar d'iasachtóirí ar aghaidh tríú páirtí. Is gá do na hiasachtóirí ar aghaidh sin na ráta úis agus téarmaí creidmheasa níos tairbhiúla a chur ar aghaidh chuig fiontair in Éirinn ansin.

Díríodh príomhghníomhaíochtaí SBCI i rith na bliana airgeadais ar leachtacht agus scéimeanna breise comhroinnte riosca a sholáthar chun creidmheas a sholáthar d'iasachtaithe i bhfiontair bheaga agus mheánmhéide ("FBManna") agus iasachtaithe i gCuideachtaí Meánchaipitlithe Beaga* in Éirinn chun aghaidh a thabhairt ar na dúshláin a bhain le paidéim COVID-19, an Breatimeacht, agus riachtanais infheistíochta fadtéarmaí.

Áiríodh le gníomhaíochtaí táirgí nua Scéim Iasachta Tionchair an Bhreatimeachta ("BILS") a chur i gcrích. Faoi BILS, d'eisigh SBCI ráthaíochtaí chuig iasachtóirí ar aghaidh i leith iasachtaí do ghnóthaí a raibh tionchar ag an mBreatimeacht orthu. Leanadh i rith 2021 le hiasachtaí a sholáthar faoi Scéim Ráthaíochta Creidmheasa COVID-19 ("CCGS") dar luach €2 bhilliún, agus faoin Scéim Iasachta d'Fhás sa Todhchaí ("FGLS") dar luach €800 milliún.

Athbhreithniú gnó

Is cuid de Thuarascáil na Stiúrthóirí í Tuarascáil Bhliantúil 2021. Tugtar breac-chuntas i Ráiteas an Chathaoirligh agus in Athbhreithniú an Phríomhoifigigh Feidhmiúcháin sa Tuarascáil Bhliantúil ar fhorbairt agus ar fheidhmíocht SBCI i rith na bliana airgeadais agus ar theagmhais shuntasacha a tharla sa tréimhse sin. Tá tuilleadh faisnéise faoi straitéis agus samhail ghnó SBCI sa chuid ar Straitéis den Tuarascáil Bhliantúil agus tá athbhreithniú cuimsitheach ar oibríochtaí SBCI sa chuid faoi Athbhreithniú Gnó.

I rith na bliana airgeadais, dhírigh SBCI ar a thrí líne ghnó a fhorbairt, is é sin iasachtú, comhroinnt riosca agus soláthar seirbhísí. Lean SBCI ag déanamh dul chun cinn ar a ghnó iasachtaithe trí chreidmheas breise a réamhíoc le hiasachtóirí ar aghaidh agus rinneadh forbairt agus dáileadh ar tháirgí nua comhroinnte riosca. Lean an Chuideachta ag reáchtáil na Scéime Ráthaíochta Creidmheasa ("CGS") agus CCGS freisin thar ceann an Aire Fiontar, Trádála agus Fostaíochta. I rith na bliana airgeadais, léiríonn siad seo a leanas na príomhthorthaí feidhmíochta:

* Tagraíonn Cuideachtaí Meánchaipitlithe Beaga d'fhiontair ina bhfuil suas le 499 fostaí agus nach n-aicmítear mar FBManna.

- Cuireann Scéim Iasachta Tionchair an Bhreathimeachta dar luach €330 milliún ar fáil mar fhreagra ar na tionchair leanúnacha a bhí ag an mBreathimeacht ar ghnóthaí.
- Lean Scéim Ráthaíochta Creidmheasa COVID-19 ("CCGS") ag cur iasachtaí suas le €2 bhilliún ar fáil do ghnóthaí a raibh tionchar ag COVID-19 orthu. Cuireadh tús le CCGS in 2020, le hiasachtóirí ar aghaidh breise, lena n-áirítear comhair chreidmheasa éagsúla, á dtabhairt ar bord in 2021.
- Dúnadh Scéim Iasachta an Bhreathimeachta agus Scéim Iasachta Caipitil Oibre COVID-19 ("BLS/CWCS") d'iarraitasóirí nua i gcomhar le BILS a chur ar an margadh.
- Réamhíoc iasachtóirí ar aghaidh €819 milliún d'iasachtaí ar chostas níos ísle le FBManna ar fud gach líne ghnó sa mhargadh.
- Réamhíoc SBCI €79 milliún lena iasachtóirí ar aghaidh ar mhaithe le hiasachtú ar haghaidh le FBManna.
- rinne iasachtóirí ar aghaidh aisíocaíochtaí €224 milliún ar phríomhshuím iasachtaí le SBCI.

Príomhríoscaí agus príomh-éiginnteachtaí

Is iad príomhríoscaí agus príomh-éiginnteachtaí SBCI:

Ríosca Straitéiseach

Bíonn SBCI ag brath ar éileamh ó iasachtóirí ar aghaidh agus ó ghnóthaí chun a phríomhchuspóir straitéiseach a chomhlíonadh maidir le creidmheas breise a sholáthar do ghnóthaí in Éirinn. Má theipeann air a tháirgí a struchtúrú go cuí agus straitéis seachadta oiriúnach a úsáid, tá an baol ann nach nglacfaidh iasachtóirí ar aghaidh páirt i scéimeanna iasachta SBCI agus nach mbeidh fonn ar ghnóthaí na táirgí a thairgtear a fháil.

Ríosca Creidmheasa

Bíonn SBCI neamhchosanta ar an ríosca go mainneoidh contrapháirtí a oibleagáidí agus go mainneoidh sé a fhiach a aisíoc go hiomlán, agus go mbeidh cailleanais do SBCI dá bharr. Bíonn SBCI neamhchosanta ar ríosca creidmheasa (i) mar gheall ar a iasachtaí d'iasachtóirí ar aghaidh agus (ii) maidir lena scéimeanna comhroinnte riosca, mar gheall ar iasachtaí a thugtar d'iasachtaithe deiridh atá ráthaithe ag SBCI. Tá an ríosca creidmheasa fós ard agus éiginnteacht sa mhargadh mar gheall ar an drochthimpeallacht eacnamaíoch a d'eascair as an gcogadh a thosaigh san Úcráin le deireanaí agus tionchar leanúnach phaindéim COVID-19 agus an Bhreathimeachta ar fhiontair na hÉireann.

Ríosca maidir le hAcmhainní a Chur ar Fáil

Is cuideachta bheag é SBCI a bhíonn ag brath ar lucht gairme speisialtachta oile chun a chuspóirí reachtúla a chomhlíonadh. Tá an baol ann nach mbeadh na hacmhainní cuí ag SBCI ó thaobh dóthain comhaltaí foirne a bheith aige ag a bhfuil an taithí agus an saineolas cuí, agus go dteipfeadh air a chuspóirí a bhaint amach dá bharr.

Ríosca Comhlíonta

Bíonn gníomhaíochtaí SBCI faoi réir rialacha Státchabhrach an Aontais Eorpaigh agus rialacháin eile agus tá an baol ann go dteipfidh ar SBCI na rialacha sin agus rialacháin eile a chomhlíonadh, agus go ndéanfar dochar do chlú nó cúrsaí airgeadais SBCI dá bharr.

TUARASCÁIL BHLIANTÚIL & RÁITIS AIRGEADAIS SBCI

Bainistíocht riosca airgeadais

Bíonn SBCI neamhchosanta ar rioscaí creidmheasa, margaidh, leachtachta, caipitil agus comhdhlúthachta i rith a ghnáthghnó. Tá tuilleadh sonraí maidir le beartas na Cuideachta agus an chaoi a mbainistítear na rioscaí sin i Nóta 15 a ghabhann leis na ráitis airgeadais.

Stiúrthóirí

Is iad seo a leanas na daoine a bhí ina Stiúrthóirí ar an gCuideachta ag am ar bith i rith na bliana airgeadais:

Barbara Cotter (An Cathaoirleach)

June Butler (An Príomhoifigeach Feidhmiúcháin, a ceapadh an 1 Meán Fómhair 2021)

Ian Black (An Príomhoifigeach Feidhmiúcháin Eatramhach, a ceapadh an 15 Feabhra 2021, a d'éirigh as an 1 Meán Fómhair 2021)

Nick Ashmore (An Príomhoifigeach Feidhmiúcháin, a d'éirigh as an 15 Feabhra 2021)

Eoin Dorgan

Tom McAleese

Marguerite McMahon

AJ Noonan

Richard Pelly


Eilis Quinlan

Conor O'Kelly (a d'éirigh as an 1 Aibreán 2022)

Leasanna na Stiúrthóirí

Ní raibh aon leas tairbhiúil ag na Stiúrthóirí sa Chuideachta i rith na bliana airgeadais ná amhail deireadh na bliana airgeadais (féach ar Nóta 28). Is leis an Aire Airgeadais amháin scairchaipiteal eisithe na Cuideachta (féach ar Nóta 23).

Faofa agus údaraithe lena n-eisiúint ag an mBord Stiúrthóirí agus sínithe thar a cheann:



June Butler

An Príomhoifigeach Feidhmiúcháin
Corparáid Baincéireachta Straitéiseach na hÉireann

28 Aibreán 2022

Taifid chuntasaíochta imleora

Cinntíonn na Stiúrthóirí go gcomhlíontar oibleagáidí na Cuideachta maidir le taifid chuntasaíochta a choinneáil mar a éilítear faoi ailt 281 go 285 d'Acht na gCuideachtaí, 2014, trí úsáid a bhaint as pearsanra cuntasaíochta cáilithe agus córais agus nósanna imeachta cuí, mar a leagtar amach sa Ráiteas ar Rialú Inmheánach. Coinnítear na taifid chuntasaíochta in oifig chláraithe na Cuideachta ag Duga an Stáitchiste, Cé an Bhalála Thuaidh, Baile Átha Cliath 1, D01 A9T8.

Torthaí agus díbhinní

Leagtar amach na torthaí don bhliain airgeadais agus staid gnóthaí na Cuideachta sa Ráiteas ar Ioncam Cuimsitheach agus sa Ráiteas ar an Staid Airgeadais faoi seach.

Níor íoc an Chuideachta aon díbhinní i rith na bliana airgeadais lena scairshealbhóir aonair, an tAire Airgeadais, agus níl sé i gceist aige aon díbhinn a íoc le haghaidh na bliana airgeadais seo.

Teagmhais tar éis na tréimhse tuairiscithe

Féach ar Nóta 29 de na ráitis airgeadais.

Iniúcháir

Is é an tArd-Reachtair Cuntas agus Ciste iniúcháir na Cuideachta de bhua alt 19 d'Acht SBCI 2014. Go bhfios do na Stiúrthóirí ar fad, níl aon fhaisnéis ábhartha iniúchta ann nach bhfuil ar eolas ag an Ard-Reachtair Cuntas agus Ciste de bhun alt 330(1)(a) d'Acht na gCuideachtaí, 2014.



Barbara Cotter

An Cathaoirleach
Corparáid Baincéireachta Straitéiseach na hÉireann

RÁITEAS AR FHREAGRACHTAÍ NA STIÚRTHÓIRÍ


Ceanglaíonn dlí na gcuideachtaí ar na Stiúrthóirí ráitis airgeadais na Cuideachta a ullmhú do gach bliain airgeadais. Chinn na Stiúrthóirí na ráitis airgeadais a ullmhú de réir FRS 102, is é sin, an Caighdeán Tuairiscithe Airgeadais infheidhme sa Ríocht Aontaithe agus in Éirinn ("creat tuairiscithe airgeadais ábhartha") agus de réir Acht na gCuideachtaí, 2014.

Faoi dhlí na gcuideachtaí, ní féidir leis na Stiúrthóirí na ráitis airgeadais a fhaomhadh seachas má tá siad sásta go dtugann siad léargas fírinneach cóir ar sócmhainní, ar dliteanais agus ar staid airgeadais na Cuideachta amhail deireadh na bliana airgeadais agus ar bhrabús nó ar chaillteanas na Cuideachta don bhliain airgeadais, agus go gcomhlíonann siad ar gach slí eile Acht na gCuideachtaí, 2014.

Agus na ráitis airgeadais seo á n-ullmhú acu, ceanglaítear ar na Stiúrthóirí:

- beartais oiriúnacha chuntasaíochta a roghnú agus iad a chur i bhfeidhm go seasta.
- breithiúnais agus meastacháin a dhéanamh atá réasúnach agus ciallmhar.
- na ráitis airgeadais a ullmhú ar bhonn an ghnóthais leantaigh, ach amháin i gcás nach cuí sin.

Faofa agus údaraithe lena n-eisiúint ag an mBord Stiúrthóirí agus sínithe thar a cheann:



June Butler

An Príomhoifigeach Feidhmiúcháin
Corparáid Baincéireachta Straitéiseach na hÉireann

28 Aibreán 2022

- a lua ar ullmhaíodh na ráitis airgeadais de réir na gcaighdeán cuntasaíochta infheidhme, na caighdeáin sin a shainaithint, agus an tionchar a bhí ag aon imeacht ábhartha ó na caighdeáin sin agus an chúis leis an imeacht ábhartha a lua.

Tá na Stiúrthóirí freagrach as a chinntiú go gcoimeádann an Chuideachta, nó go socraíonn sí go gcoimeádtar, taifid imleora chuntasaíochta a mhíníonn agus a thaifeadann i gceart idirbhearta na Cuideachta, a chuireann ar a chumas gur féidir ag am ar bith sócmhainní, dliteanais, staid airgeadais agus brabús nó caillteanas na Cuideachta a chinneadh le cruinneas réasúnta, a chuireann ar a chumas a chinntiú go gcomhlíonann na ráitis airgeadais agus tuarascáil na Stiúrthóirí ceanglais Acht na gCuideachtaí, 2014 agus a chuireann ar a chumas na ráitis airgeadais a iniúchadh.

Tá na Stiúrthóirí freagrach freisin as sócmhainní na Cuideachta a chosaint agus dá bhrí sin tá dualgas orthu céimeanna réasúnacha a ghlacadh chun calaois agus neamhrialtachtaí eile a chosc agus a bhrath.

Tá na Stiúrthóirí freagrach as cothabháil agus as iontaofacht na faisnéise airgeadais agus eile a bhíonn ar shuíomh gréasáin na Cuideachta (www.sbc.gov.ie). D'fhéadfadh go bhfuil reachtaíocht in Éirinn a rialaíonn ullmhú agus scaipeadh ráitis airgeadais éagsúil ó reachtaíocht i ndlínsí eile.



Barbara Cotter

An Cathaoirleach
Corparáid Baincéireachta Straitéiseach na hÉireann

AN RÁITEAS AR RIALÚ INMHEÁNACH

An Raon Freagrachta

Thar ceann Bhord Stiúrthóirí SBCI (an "Bord"), aithnímid an fhreagracht atá ar an mBord as a chinntiú go ndéantar córas éifeachtach rialaithe inmheánacha a choinneáil agus a reáchtáil. Cuireann an fhreagracht sin ceanglais an Chóid Cleachtais chun Comhlachtaí Stáit a Rialú (2016) san áireamh.

Cuspóir an Chórais Rialaithe Inmheánaigh

Ceaptar an córas rialaithe inmheánaigh chun riosca a bhainistiú ar leibhéal inghlactha, seachas deireadh a chur leis ar fad. Ní féidir leis an gcóras ach deimhniú réasúnta agus ní deimhniú iomlán a sholáthar go gcosnaítear sócmhainní, go n-údaraítear agus go ndéantar taifeadadh ceart ar idirbhearta, agus go seachnaítear earráidí ábhartha nó neamhrialtachtaí nó go n-aimseofaí iad laistigh de thréimhse thráthúil.

Tá an córas rialaithe inmheánaigh, a thagann leis an treoir a d'eisigh an Roinn Caiteachais Phoiblí agus Athchóirithe, i bhfeidhm in SBCI don bhliain dar chríoch an 31 Nollaig 2021 agus suas go dtí dáta faofa na ráiteas airgeadais.

An Cumas Dul i nGleic le Riosca

Tá Coiste Iniúcháireachta agus Riosca ag SBCI ar a bhfuil comhaltaí neamhfheidhmiúcháin an Bhoird, ag a bhfuil taithí airgeadais agus iniúcháireachta, agus feidhmíonn duine acu mar Chathaoirleach an Choiste. Tháinig an Coiste le chéile cúig huaire in 2021.


Déanann an Coiste maoirseacht ar ghníomhaíochtaí iniúcháireachta inmheánaí SBCI, atá bunaithe ar chlár oibre a mhol feidhm iniúcháireachta inmheánaí Ghníomhaireacht Bainistíochta an Chisteáin Náisiúnta ("GBCN") agus a d'fhaomh an Coiste. Tugann feidhm iniúcháireachta inmheánaí GBCN faoi ghníomhaíochtaí iniúcháireachta inmheánaí SBCI.

Cuireann GBCN seirbhísí áirithe maoinithe, acmhainní daonna, dlí, iniúcháireachta inmheánaí, riosca, comhlíonta agus soláthair ar fáil do SBCI, dá bhforáiltear faoi alt 10 d'Acht SBCI 2014, agus de réir mar atá comhaontaithe sa Chomhaontú Seirbhíse idir GBCN agus SBCI. Dá bhrí sin, bíonn SBCI ag brath go suntasach ar na rialuithe a fheidhmíonn GBCN. Tá córas rialaithe inmheánaigh cuimsitheach forbartha ag GBCN agus déantar aon seirbhís a chuirtear ar fáil do SBCI faoin gComhaontú Seirbhíse a chur ar fáil de réir chórais rialaithe inmheánaigh GBCN. Tá litir faighte ag SBCI ó GBCN ina ndeimhnítear go raibh córas rialaithe inmheánaigh GBCN i leith na seirbhísí a cuireadh ar fáil do SBCI ag obair go héifeachtach i ndáil leis an mbliain dar chríoch an 31 Nollaig 2021.

Creat um Riosca agus Rialú

Tá córas bainistíochta rioscaí curtha i bhfeidhm ag SBCI lena sonraítear agus lena dtuairiscítear rioscaí buntábhachtacha agus na gníomhartha bainistíochta a dhéantar chun aghaidh a thabhairt orthu agus, oiread agus is féidir, na rioscaí sin a mhaolú.

Tá Clár Rioscaí i bhfeidhm lena sonraítear na rioscaí buntábhachtacha éagsúla a bhíonn roimh SBCI agus measadh agus grádaíodh iad sin de réir a shuntasáí is bhíonn siad.



Rinneadh athbhreithniú cuimsitheach ar an gClár Riosca in 2021, lena n-áirítear athbhreithniú ón mbun aníos ar rioscaí agus rialuithe uile SBCI. Má aithnítear rioscaí, cuirtear rialuithe i bhfeidhm chun an rioscaí sin a bhainistiú agus a mhaolú. Déanann (i) an Coiste Iniúcháireachta agus Riosca athbhreithniú ráithiúil ar an gClár Rioscaí agus déanann (ii) Bord na Stiúrthóirí athbhreithniú air uair amháin gach bliain airgeadais ar a laghad. Baintear úsáid as toradh na n-athbhreithnithe sin chun acmhainní a phleanáil agus a leithdháileadh lena chinntiú go mbainistítear rioscaí go sásúil. Éilítear ar an bhfoireann bainistíochta fianaise a thabhairt go ráithiúil go bhfuil na rialuithe a shonraítear sa Chlár Rioscaí i bhfeidhm agus éifeachtach, chomh fada agus is eol dóibh.

Sa Chlár Rioscaí, (i) tugtar mionsonraí faoi na rialuithe agus gníomhartha a theastaíonn chun rioscaí a mhaolú agus (ii) sanntar freagracht as na rialuithe agus na gníomhartha sin a reáchtáil ar chomhaltaí foirne sonracha. Deimhnímid go bhfuil na gnéithe seo a leanas sa timpeallacht rialaithe:

- Nósanna imeachta tuairiscithe le haghaidh na bpríomhphróiseas gnó.
- Córais a chinntíonn slándáil na gcóras teicneolaíochta faisnéise agus cumarsáide.
- Athbhreithniú agus measúnú rialta ar shócmhainní airgeadais.
- Córas cuimsitheach buiséadaithe le n-áirítear buiséad bliantúil a athbhreithníonn agus a fhaomhann an Bord.
- Athbhreithnithe rialta ar thuarascálacha airgeadais tréimhsiúla a shonraíonn feidhmíocht airgeadais in aghaidh réamh-mheastachán.
- Disciplíní foirmiúla bainistíochta tionscadail.
- Cloí le Tuairisciú a dhéanamh ar 'Éagóiritheoireacht' agus an Beartas um Nochtadh Cosanta agus an Beartas Frithchalaoise.

COVID-19

Thosaigh paindéim COVID-19 go luath in 2020, agus rinneadh roinnt athruithe dá barr ar an timpeallacht oibre agus rialaithe, le cianoibriú agus oibriú fíorúil ina ngnáthchleachtas oibre in SBCI anois. Mar thoradh air sin, thug SBCI isteach roinnt athruithe nósanna imeachta agus rialaithe a taifeadadh agus a cuireadh

i bhfeidhm. Bhí próisis áirithe a athraíodh nó a tugadh isteach mar gheall ar COVID-19 faoi réir athbhreithniú iniúcháireachta inmheánaí freisin. Tá na rialuithe, iad siúd a bhí ann cheana féin agus iad siúd a tugadh isteach mar gheall ar phaindéim COVID-19, fós éifeachtach.

Riosca Tríú Páirtí

Bíonn SBCI ag brath ar sholáthraithe seirbhísí seachfhoinisithe rithábachtacha éagsúla, GBCN ina measc, le haghaidh sholáthar oibriochta ár seirbhísí. Tá beartais agus nósanna imeachta bainistíochta riosca tríú páirtí mionsonraithe i bhfeidhm chun monatóireacht agus rialú a dhéanamh ar na rioscaí a bhaineann leis sin. Chomh maith leis sin, is trí shamhail iasachtóra ar aghaidh a thugann SBCI na tacaíochtaí do FBManna, mar a bhfostaítear iasachtóirí bainc agus neamhbhainc éagsúla chun creidmheas a dháileadh ar FBManna. Tá beartais agus nósanna imeachta foirmiúla i bhfeidhm chun monatóireacht agus rialú a dhéanamh ar aon riosca a bhaineann le soláthar thacaíochtaí SBCI trínár n-iasachtóirí ar aghaidh.

Monatóireacht agus Athbhreithniú Leanúnach

Bunaíodh nósanna imeachta foirmiúla chun monatóireacht a dhéanamh ar phróisis rialaithe. Cuirtear easnaimh rialuithe in iúl dóibh siúd atá freagrach as gníomh ceartaitheach a dhéanamh agus don lucht bainistíochta agus don Bhord, nuair is ábhartha, go tráthúil. Deimhnímid go bhfuil na córais leanúnacha mmonatóireachta seo a leanas i bhfeidhm:

TUARASCÁIL BHLIANTÚIL & RÁITIS AIRGEADAIS SBCI

- Sainaithníodh príomhrioscaí agus rialuithe lena mbaineann agus cuireadh próisis i bhfeidhm chun monatóireacht a dhéanamh ar reáchtáil na rialuithe sin agus aon easnamh a shainaithnítear a thuairisciú.
- Bunaíodh socruithe tuairiscithe ag gach leibhéal mar ar sannadh an fhreagracht as bainistiú airgeadais; agus
- Déanann an lucht ardbhainistíochta athbhreithnithe rialta ar thuarascálacha bliantúla/tréimhsiúla feidhmíochta agus airgeadais a léiríonn feidhmíocht i gcomparáid le buiséid/réamh-mheastacháin.

Soláthar

De bhun shamhail ghnó SBCI, tugann GBCN tacaíocht do SBCI maidir le cúrsaí soláthair. Cloíonn SBCI le Beartas Soláthair GBCN (atá foilsithe ar a shuíomh gréasáin) agus lena nósanna imeachta gaolmhara, a thagann leis na treoirlínte reatha ón Oifig um Sholáthar Rialtais.

I gcúinsí áirithe meastar go bhfuil sé iomchuí eisceachtaí atá údaraithe go cuí ón mBeartas agus na Nósanna Imeachta a cheadú (i.e. gan próiseas tairisceana iomaíoch a reáchtáil) i ndáil le seirbhísí, soláthairtí nó oibreacha lena mbaineann luach atá faoi bhun thairseacha an Aontais Eorpaigh, mar shampla, ar chúiseanna rúndachta, coimhlíntí leasa, práinne, chun cearta maoine intleachtúla a chosaint, aon fhoinsé soláthair amháin, etc. Faomhann an Príomhoifigeach Feidhmiúcháin na heisceachtaí sin, agus ní hionann iad agus soláthar neamhchomhlíontach.

Faofa agus údaraithe lena n-eisiúint ag an mBord Stiúirthóirí agus sínithe thar a cheann:



Barbara Cotter

An Cathaoirleach
Corparáid Baincéireachta Straitéiseach na hÉireann

28 Aibreán 2022

I rith na bliana airgeadais dar chríoch an 31 Nollaig 2019, d'fhaomh an Príomhoifigeach Feidhmiúcháin eisceacht soláthair dar luach €0.036m (i.e. faoi bhun thairseach an Aontais Eorpaigh le haghaidh conarthaí seirbhíse) chun a chinntiú go bhfostódh SBCI oibrítheoir margaidh aitheanta agus creidiúnach chun rátáil chreidmheasa neamhspleách a shannadh do SBCI, agus rinneadh an conradh seirbhíse le haghaidh tréimhse cúig bliana. Meastar go gcosnóidh an tseirbhís sin thart ar €0.092m sa tréimhse 2022–2024.

Athbhreithniú ar Éifeachtacht

Dearbhaímid go bhfuil nósanna imeachta i bhfeidhm ag SBCI chun monatóireacht a dhéanamh ar éifeachtacht a nósanna imeachta um bainistiú agus rialú rioscaí. Bíonn monatóireacht agus athbhreithniú SBCI ar éifeachtacht an chórais rialaithe inmheánaigh á dtreorú ag obair fheidhm iniúcháireachta GBCN, an Coiste Iniúcháireachta agus Riosca a mhaoirsíonn an obair, an lucht ardbhainistíochta laistigh de SBCI a bhíonn freagrach as an gcreat rialaithe inmheánaigh a fhorbairt agus a chothabháil agus an tArd-Reachtair Cuntas agus Ciste.

Deimhnímid gur thug an Bord faoi athbhreithniú bliantúil ar an gcóras rialaithe inmheánaigh in don bhliain dar chríoch an 31 Nollaig 2021.

Fadhbanna Rialaithe Inmheánaigh

Níor sainaithníodh aon laigí i gcóras an rialaithe inmheánaigh maidir leis an mbliain dar chríoch an 31 Nollaig 2021 a d'éileodh nochtadh sna ráitis airgeadais.



Tom McAleese

Cathaoirleach an Choiste Iniúcháireachta agus Riosca
Corparáid Baincéireachta Straitéiseach na hÉireann

TUARASCÁIL AN ARD-REACHTAIRE CUNTAS AGUS CISTE

Tuairisc le cur faoi bhráid Thithe an Oireachtais

Corparáid Baincéireachta Straitéiseach na hÉireann

Tuairim faoi na ráitis airgeadais

Tá iniúchadh déanta agam ar ráitis airgeadais Chorporáid Baincéireachta Straitéiseach na hÉireann (an cuideachta) don bhliain dar chríoch an 31 Nollaig 2021 mar a éilítear faoi fhorálacha an Achta um Chorporáid Baincéireachta Straitéiseach na hÉireann, 2014. Is éard atá sna cuntais an ráiteas ar ioncam cuimsitheach, an ráiteas ar an staid airgeadais, an ráiteas ar athruithe ar chothromas, an ráiteas ar shreabhadh airgid agus na nótaí gaolmhara, lena n-áirítear achoimre ar bheartais shuntasacha chuntasaíochta.

I mo thuairimse,

- tugann na ráitis airgeadais léargas fírinneach cóir ar shócmhainní, ar dhliteanais agus ar staid airgeadais na cuideachta amhail an 31 Nollaig 2021 agus ar a hioncam agus a caiteachas le haghaidh 2021
- ullmhaíodh na ráitis airgeadais i gceart de réir Chaighdeán Tuairiscithe Airgeadais (FRS) 102 – *an Caighdeán Tuairiscithe Airgeadais infheidhme sa Ríocht Aontaithe agus i bPoblacht na hÉireann*, agus
- ullmhaíodh na ráitis airgeadais i gceart de réir Acht na gCuideachtaí, 2014.

Bunús na tuairime

Thug mé faoi m'iniúchadh ar na ráitis airgeadais de réir na gCaighdeán Idirnáisiúnta ar Iniúchadh (ISAnna), mar a fheidhmíonn Eagraíocht Idirnáisiúnta na nArd-Institiúidí Iniúcháireachta iad. Déantar cur síos ar mo chuid freagrachtaí faoi na caighdeáin sin san aguisín leis an tuarascáil seo. Níl baint ná páirt agam leis an gcuideachta agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur iomchuí an fhianaise iniúchta a fuair mé chun bunús a thabhairt do mo thuairim.

Tátail maidir le gnóthas leantach

Mar a thuairiscítear san aguisín leis an tuarascáil seo, bainim tátal as ar

- chomh hionchuí agus atá sé go n-úsáidfeadh na stiúrthóirí bonn an ghnóthais leantaigh sa chuntasaíocht, agus
- an bhfuil éiginnteacht ábhartha ann maidir le himeachtaí nó dálaí a d'fhéadfadh amhras suntasach a chruthú i leith chumas na cuideachta leanúint ar aghaidh mar ghnóthas leantach.

Níl aon rud le tuairisciú agam ina leith sin.

Tuairim ar ábhar a ordaítear faoi Acht na gCuideachtaí, 2014

Bunaithe ar an obair a rinneadh le linn na hiniúcháireachta, agus ar an obair sin amháin, tuairiscím go bhfuil an méid seo a leanas fíor, dar liom:

- tá an fhaisnéis a thugtar i dtuarascáil na stiúrthóirí ag teacht leis na ráitis airgeadais, agus
- ullmhaíodh tuarascáil na stiúrthóirí de réir Acht na gCuideachtaí, 2014.

TUARASCÁIL BHLIANTÚIL & RÁITIS AIRGEADAIS SBCI

Fuair mé an fhaisnéis ar fad agus gach míniú a mheasaim a bheith riachtanach chun críocha m'iniúchta.

Is é mo thuairim go raibh taifid chuntasaíochta na cuideachta leordhóthanach chun go bhféadfaí na ráitis airgeadais a iniúchadh go héasca agus i gceart, agus go dtagann na ráitis airgeadais leis na taifid chuntasaíochta.


Ina theannta sin, éilíonn Acht na gCuideachtaí, 2014 orm a thuairisciú mura ndéantar, i mo dtuairim féin, luach saothair agus idirbhearta stiúrthóirí a nochtadh de réir mar a éilíonn ailt 305 go dtí

Tuairisciú ar fhaisnéis seachas na ráitis airgeadais, agus ar ábhar eile

Chuir na stiúrthóirí faisnéis áirithe eile i láthair i dteannta na ráiteas airgeadais. Cuimsítear ansin an tuarascáil bhlíantúil, lena n-áirítear an ráiteas rialachais agus tuarascáil na gcomhaltaí Boird, tuarascáil na stiúrthóirí, an ráiteas ar fhreagrachtaí na stiúrthóirí agus an ráiteas ar rialú inmheánach. Déantar cur síos san aguisín leis an tuarascáil seo ar mo chuid freagrachtaí maidir le tuairisciú ar fhaisnéis dá leithéid, agus ar ábhar áirithe eile a dtuairiscím orthu mar eisceacht.

Calaois Amhrasta

Tarraingim aird ar an nochtadh i nóta 7.3 a ghabhann leis na ráitis airgeadais maidir le calaois amhrasta iasachtaí ó iasachtóir ar aghaidh rannpháirteach a thugann iasachtaí le tacaíocht SBCI, agus gníomh SBCI ina leith.



Seamus McCarthy

An tArd-Reachtaire Cuntas agus Ciste
6 Bealtaine 2022

Aguisín leis an Tuarascáil

Freagrachtaí na stiúrthóirí

Mar a shonraítear sa ráiteas rialachais agus i dtuarascáil na gcomhaltaí Boird, tá na stiúrthóirí freagrach as

- ullmhú na ráiteas airgeadais i bhfoirm a fhorordaítear faoi Acht na gCuideachtaí, 2014
- a chinntiú go dtugann na ráitis airgeadais léargas fírinneach cóir de réir FRS102
- rialtacht na n-idirbheart a chinntiú
- measúnú a dhéanamh an bhfuil úsáid bhonn an ghnóthais leantaigh sa chuntasaíocht iomchuí, agus
- cibé rialú inmheánach a chinneann siad atá ag teastáil chun gur féidir ráitis airgeadais a ullmhú atá saor ó mhíráiteas ábhartha, cibé acu de bharr calaoise nó earráide.

Freagrachtaí an Ard-Reachtaire Cuntas agus Ciste

Éilítear orm faoi alt 19 den Acht um Chorporáid Baincéireachta Straitéiseach na hÉireann, 2014 iniúchadh a dhéanamh ar ráitis airgeadais na cuideachta agus tuairisciú ina leith sin do Thithe an Oireachtais.

Is é mo chuspóir agus an t-iniúchadh ar bun dearbhú réasúnta a fháil an bhfuil na ráitis airgeadais ar an iomlán saor ó mhíráiteas ábhartha de bharr calaoise nó earráide nó nach bhfuil. Is leibhéal ard dearbhaithe é dearbhú réasúnta, ach ní chinntíonn sé go dtabharfaidh iniúchadh a dhéantar de réir na ISAnna míráiteas ábhartha faoi deara i gcónaí más ann dó. Féadfaidh míráitis eascairt as calaois nó earráid agus meastar go bhfuil siad ábhartha dá bhféadfaidís go réasúnta, astu féin nó le chéile, tionchar a imirt ar chinntí geilleagracha úsáideoirí ar bhonn na ráiteas airgeadais sin.

Mar chuid d'iniúchadh de réir na ISAnna, úsáidim breithiúnas gairmiúil agus coinním amhras gairmiúil i rith an iniúchta. Dá réir sin,

- Sainaithním agus déanaim measúnú ar rioscaí míráitis ábhartha ar na ráitis airgeadais, cibé mar gheall ar chalaois nó earráid; ceapaim agus tugaim faoi nósanna imeachta iniúcháireachta a fhreagraíonn do na rioscaí sin; agus faighim fianaise iniúchta atá leordhóthanach agus iomchuí chun bunús a thabhairt do mo thuairim. Tá an riosca nach n-aimseofar míráiteas ábhartha mar gheall ar chalaois níos airde ná ceann mar gheall ar earráid, toisc go bhféadfadh go mbeadh baint ag claonpháirteachas, brionnú, ábhar a fhágáil ar lár d'aon turas, míléirithe, nó sárú rialaithe inmheánaigh le calaois.
- faighim tuiscint ar rialú inmheánach a bhaineann leis an iniúchadh chun nósanna imeachta iniúchta a cheapadh atá iomchuí do na cúinsí, ach ní chun tuairim a léiriú ar éifeachtacht na rialuithe inmheánacha.
- Déanaim measúnú ar chomh hiomchuí is atá na beartais chuntasaíochta a úsáidtear agus ar chomh réasúnta is atá na meastacháin chuntasaíochta agus an nochtadh lena mbaineann.
- Bainim tátaí as ar chomh hiomchuí is atá sé bonn an ghnóthais leantaigh a úsáid sa chuntasaíocht agus, bunaithe ar an bhfianaise iniúchta a fuarthas, an bhfuil éiginnteacht ábhartha ann maidir le himeachtaí nó dálaí a d'fhéadfadh amhras suntasach a chruthú i leith chumas na cuideachta leanúint ar aghaidh mar ghnóthas leantach. Má bhainim de thátaí as go bhfuil éiginnteacht ábhartha ann, éilítear orm aird a tharraingt i mo thuarascáil ar an nochtadh lena mbaineann sna ráitis airgeadais nó, mura bhfuil an nochtadh sin leordhóthanach, mo thuairim a athrú. Tá mo thátaí bunaithe ar an bhfianaise iniúchta a fuarthas go dáta mo thuarascála. Ach d'fhéadfadh teagmhais nó dálaí amach anseo a chur faoi deara ar an gcuideachta gan leanúint ar aghaidh mar ghnóthas leantach.
- Déanaim measúnú ar chur i láthair, struchtúr agus ábhar foriomlán na ráiteas airgeadais, lena n-áirítear aon nochtadh, agus an léiríonn na ráitis airgeadais na hidirbhearta agus imeachtaí bunúsacha ar bhealach a chuireann faisnéis i láthair go cóir.

Bím i mbun cumarsáide leo siúd atá freagrach as cúrsaí rialachais maidir le, i measc rudaí eile, raon feidhme agus sceideal beartaithe an iniúchta agus torthaí suntasacha iniúchta, lena n-áirítear aon easnamh shuntasacha sa rialú inmheánach a shainaithním i rith m'iniúchta.

Faisnéis seachas na ráitis airgeadais

Ní chuimsím mo thuairim ar na ráitis airgeadais an fhaisnéis eile a chuirtear i láthair sna ráitis sin, agus ní chuirim aon chineál tátaí dearbhaithe ina leith in iúl.

Maidir le m'iniúchadh ar na ráitis airgeadais, éilítear orm faoi na ISAnna an fhaisnéis eile a chuirtear i láthair a léamh agus, dá réir sin, a mheas an bhfuil an fhaisnéis eile neamhréireach go hábhartha leis na ráitis airgeadais nó le heolas a fhaightear i rith an iniúchta, nó más cosúil go ndearnadh míráiteas ábhartha ar bhealach ar bith eile. Má bhainim de thátaí as an obair a dhéanaim go bhfuil míráiteas ábhartha ar an bhfaisnéis eile sin, éilítear orm é sin a thuairisciú.

Tuairisciú ar ábhar eile

Déantar m'iniúchadh trí thagairt do na léirbhreithnithe speisialta a bhaineann le comhlachtaí Stáit maidir lena mbainistíocht agus lena bhfeidhmiú. Tuairiscím má shainaithním ábhar ábhartha eile ann maidir leis an gcaoi a ndearnadh gnó poiblí.

Agus an t-iniúchadh ar bun agam, féachaim le fianaise a fháil ar rialtacht na n-idirbheart airgeadais. Tuairiscím má shainaithním aon chás ábhartha nár caitheadh airgead poiblí chun na gcríoch a bhí i gceist nó nach raibh na hidirbhearta de réir na n-údarás a rialaíonn iad.




AN RÁITEAS AR IONCAM CUIMSITHEACH

Don bhliain dar chríoch an 31 Nollaig 2021

	Nóta	2021 €000	2020 €000
Ioncam úis	5	3,346	4,160
Speansas úis	6	(371)	(425)
Glan-ioncam úis		2,975	3,735
Ioncam eile	7	7,907	6,440
Speansais oibriúcháin	8	(12,251)	(11,286)
Caillteanas oibriúcháin		(1,369)	(1,111)
Caillteanas don bhliain		(1,369)	(1,111)
Ioncam cuimsitheach eile		–	–
Ioncam cuimsitheach iomlán don bhliain airgeadais		(1,369)	(1,111)

Is bunchuid de na ráitis airgeadais iad na nótaí a théann leo. Faofa agus údaraithe lena n-eisiúint ag an mBord Stiúrthóirí agus sínithe thar a cheann:



June Butler

An Príomhoifigeach Feidhmiúcháin
Corparáid Baincéireachta Straitéiseach na hÉireann

28 Aibreán 2022



Barbara Cotter

An Cathaoirleach
Corparáid Baincéireachta Straitéiseach na hÉireann

AN RÁITEAS AR STAID AN AIRGEADAIS


amhail an 31 Nollaig 2021

	Nóta	2021 €000	2020 €000
Sócmhainní neamhreatha			
Sócmhainní doláimhsithe	11	220	258
Infheistíochtaí	12	4,410	3,538
Sócmhainní airgeadais – iasachtaí agus infháltais	13	229,250	345,000
		233,880	348,796
Sócmhainní reatha			
Sócmhainní airgeadais – iasachtaí agus infháltais	13	77,202	107,370
Infháltais eile	17	3,456	2,556
Airgead agus coibhéisí airgid	14	42,927	37,451
		123,585	147,377
Creidiúnaithe; suimeanna dlite laistigh de bhliain amháin			
Cistiú agus iasachtaí	18	23,810	33,333
Dlíteanais eile	19	93,530	67,536
		117,340	100,869
Glansócmhainní reatha		6,245	46,508
Sócmhainní iomlána lúide dlíteanais reatha		240,125	395,304

An Ráiteas ar an Staid Airgeadais – ar lean

	Nóta	2021 €000	2020 €000
Creidiúnaithe; suimeanna dlite i ndiaidh bliain amháin			
Cistiú agus iasachtaí	18	162,857	316,667
Glansócmhainní		77,268	78,637
Caipiteal agus cúlchistí			
Scairchaipiteal glaoite á chur i láthair mar chothromas	23	85,000	85,000
Caillteanais choimeádta		(7,732)	(6,363)
Cothromas iomlán		77,268	78,637

Is bunchuid de na ráitis airgeadais iad na nótaí a théann leo.
Faofa agus údaraithe lena n-eisiúint ag an mBord Stiúrthóirí
agus sínithe thar a cheann:



June Butler

An Príomhoifigeach Feidhmiúcháin
Corparáid Baincéireachta Straitéiseach na hÉireann

28 Aibreán 2022



Barbara Cotter

An Cathaoirleach
Corparáid Baincéireachta Straitéiseach na hÉireann




AN RÁITEAS AR ATHRUITHE AR CHOTHROMAS

Don bhliain airgeadais dar chríoch an 31 Nollaig 2021

	Nóta	Scairchaipiteal €000	Caillteanais choimeádta €000	Cothromas iomlán €000
Iarmhéid amhail an 1 Eanáir 2020		35,000	(5,252)	29,748
Eisiúint scairchaipitil	23	50,000	-	50,000
Ioncam cuimsitheach iomlán don bhliain		-	(1,111)	(1,111)
Iarmhéid amhail an 31 Nollaig 2020		85,000	(6,363)	78,637
Ioncam cuimsitheach iomlán don bhliain		-	(1,369)	(1,369)
Iarmhéid amhail an 31 Nollaig 2021		85,000	(7,732)	77,268

Faofa agus údaraithe lena n-eisiúint ag an mBord Stiúirthóirí agus sínithe thar a cheann:



June Butler

An Príomhoifigeach Feidhmiúcháin
Corparáid Baincéireachta Straitéiseach na hÉireann

28 Aibreán 2022



Barbara Cotter

An Cathaoirleach
Corparáid Baincéireachta Straitéiseach na hÉireann

AN RÁITEAS AR SHREABHADH AIRGID

Don bhliain dar chríoch an 31 Nollaig 2021

	Nóta	2021 €000	2020 €000
Sreafaí airgid ó ghníomhaíochtaí oibriúcháin			
Réamhíocaíochtaí príomhshuime iasachtaí agus infháltas		(78,500)	(45,000)
Aisíocaíochtaí príomhshuime iasachtaí agus infháltas a fuarthas		224,450	147,900
Fáltais úis		3,313	5,042
Íocaíochtaí úis		(411)	(670)
Costais riaracháin a aisghabhadh		208	186
Ioncam eile a fuarthas		3,804	529
Éilimh frithráthaíochta		75	584
Aisghabhálacha ráthaíochta na Scéime Talmhaíochta		15	128
Íocaíochtaí ráthaíochta Scéim Iasachta an Bhreathimeachta		(12)	(764)
Íocaíochtaí ráthaíochta na Scéime Talmhaíochta		(8)	(95)
Íocaíochtaí fóirdheontais na Scéime Talmhaíochta		(575)	(614)
Speansais oibriúcháin a íacadh		(10,681)	(9,018)
Glansreabhadh airgid ó ghníomhaíochtaí oibriúcháin		141,678	98,208
Sreafaí airgid ó ghníomhaíochtaí infheistíochta			
Ceannach sócmhainní doláimhsithe	11	-	(4)
Ceannach infheistíochtaí	12	(872)	(3,538)
Glanmhéid airgid a úsáideadh i ghníomhaíochtaí infheistíochta		(872)	(3,542)



	Nóta	2021 €000	2020 €000
Sreafaí airgid ó ghníomhaíochtaí maoinithe			
Eisiúint scairchaipitil	23	-	50,000
lasachtaí cistithe a fuarthas		20,000	-
lasachtaí cistithe a aisíocadh		(183,334)	(158,300)
Cistiú ón Aire Talmhaíochta, Bia agus Mara		11,705	2,705
Cistiú ón Aire Fiontar, Trádála agus Fostaíochta		16,299	16,478
Glanmhéid airgid a úsáideadh i ngníomhaíochtaí maoinithe		(135,330)	(89,117)
Glanmhéadú ar airgead agus ar choibhéisí airgid		5,476	5,549
Airgead agus coibhéisí airgid amhail an 1 Eanáir		37,451	31,902
Airgead agus coibhéisí airgid an 31 Nollaig		42,927	37,451

Is bunchuid de na ráitis airgeadais iad na nótaí a théann leo.
Faofa agus údaraithe lena n-eisiúint ag an mBord Stiúrthóirí
agus sínithe thar a cheann:

June Butler

An Príomhoifigeach Feidhmiúcháin
Corparáid Baincéireachta Straitéiseach na hÉireann

28 Aibreán 2022

Barbara Cotter

An Cathaoirleach
Corparáid Baincéireachta Straitéiseach na hÉireann

NÓTAÍ LEIS NA RÁITIS AIRGEADAIS

1. Aonán tuairiscithe

Is cuideachta atá cláraithe agus sainchónaitheach in Éirinn é SBCI. Bunaíodh an Chuideachta de bhun an Achta um Chorporáid Baincéireachta Straitéiseach na hÉireann 2014 agus ionchorpraíodh é faoi Achtanna na gCuideachtaí 1963 go 2013 leis an uimhir cláraithe 549539 ar an 12 Meán Fómhair 2014. Baineann an Chuideachta leas as foinsí cistithe náisiúnta agus idirnáisiúnta chun tacú le soláthar creidmheasa d'fhiontair in Éirinn trína iasachtóirí ar aghaidh.

Tiontaíodh an Chuideachta go cuideachta gníomhaíochta ainmnithe faoi Acht na gCuideachtaí, 2014 ar an 28 Iúil 2016. Is leis an Aire Airgeadais amháin an scairchaipiteal eisithe. Tá oifig chláráithe na Cuideachta ag Duga an Státhchiste, Cé an Bhalla Thuaidh, Baile Átha Cliath 1, D01 A9T8.

2. An Ráiteas ar Chomhlíonadh

Ullmhaíodh ráitis airgeadais na Cuideachta don bhliain airgeadais dár chríoch an 31 Nollaig 2021 de réir FRS 102 *an Caighdeán Tuairiscithe Airgeadais atá i bhfeidhm sa Ríocht Aontaithe agus i bPoblacht na hÉireann*, a eisíonn an Chomhairle um Thuairisciú Airgeadais sa Ríocht Aontaithe lena úsáid i bPoblacht na hÉireann, tar éis cinneadh a dhéanamh rialacha aitheantais agus tomhais IAS 39 Ionstraimí Airgeadais: Aitheantas agus Tomhas a chur i bhfeidhm agus de réir Acht na gCuideachtaí, 2014.

3. Meastacháin agus breithiúnais chuntasaíochta chriticiúla

Éilíonn ullmhú na ráiteas airgeadais i gcomhréir le FRS 102 go n-úsáidtear meastacháin agus toimhdí a théann i bhfeidhm ar mhéideanna tuairiscithe na sócmhainní agus na ndlíteanas. Déantar meastóireacht leanúnach ar mheastacháin agus breithiúnais agus bíonn siad bunaithe ar roinnt tosca, lena n-áirítear ionchais maidir le teagmhais amach anseo a chreidtear a bheith réasúnta sna cúinsí sin.

Creideann an lucht bainistíochta go bhfuil na toimhdí bunúsacha a úsáidtear cuí agus go léirítear go cothrom an staid airgeadais agus na torthaí airgeadais i ráitis airgeadais na Cuideachta. Cuirtear síos ar réimsí lena mbaineann (i) leibhéal níos airde breithiúnais nó castachta, agus (ii) réimsí ina bhfuil toimhdí agus meastacháin suntasach i gcás na ráiteas airgeadais anseo thíos:

3.1. Príomhfhoinsí meastachán agus breithiúnas

Is iad seo a leanas na príomhthoimhdí a bhaineann le teagmhais amach anseo, agus príomhfhoinsí éiginnteachta eile sna meastacháin ag deireadh na tréimhse tuairiscithe a bhféadfadh baol mór a bheith ag baint leo ó thaobh suimeanna glanluacha na sócmhainní agus na ndlíteanas sa chéad bhliain airgeadais eile a choigeartú go hábhartha.

3.1.1. Measúnú ar bhearnú iasachta

I gcomhréir le ceanglais IAS 39 de réir mar a cheadaíonn FRS 102, déanann an Chuideachta athbhreithniú ar a phunann iasachtaí le haon chomhartha bearnaithe ag dáta an ráitis ar an staid airgeadais a aimsiú. Agus cinneadh á dhéanamh ag SBCI ar cheart caillteanas bearnaithe a thaifeadadh sa Ráiteas ar Ioncam Cuimsitheach ar an dáta tuairiscithe,

úsáideann sé foinsí inmheánacha agus seachtracha faisnéise lena mheas cibé acu an bhfuil aon chomhartha ann go bhféadfadh sócmhainn a bheith bearnaithe (i gcomhréir le IAS 39.59). D'fhéadfaí an méid seo a leanas a áireamh leis na comharthaí sin:

- deacracht shuntasach airgeadais an iasachtaí.
- sárú conartha, ar nós mainneachtain in íocaíochtaí úis nó in íocaíochtaí príomhshuime.
- bronnadh lamháltais ar an iasachtaí ar chúiseanna eacnamaíocha nó dlí a bhaineann le deacrachtaí airgeadais an iasachtaí nach mbreithneofaí murach sin.
- i gcás inar dócha go mbeadh an t-iasachtaí i bhféimheacht nó go dtabharfaidh sé faoi atheagrú airgeadais eile.

Má tá aon fhianaise oibiachtúil ar bhearnú ann, déanann SBCI ríomh mionsonraithe bearnaithe ar gach iasacht ceann ar cheann chun a chinneadh ar cheart caillteanas bearnaithe a aithint. Déantar méid an chaillteanas bearnaithe a thomhas mar an difríocht idir suim ghlanluacha na hiasachta agus luach reatha na sreafaí airgid measta lascainithe ag bunráta éifeachtach úis na hiasachta i gcomhréir le IAS 39. Déanann lucht bainistíochta SBCI, lena n-áirítear an Ceannasaí Riosca, an Ceannasaí Iasachtaithe, agus an Príomhoifigeach Feidhmiúcháin, athbhreithniú agus faomhadh ar an measúnú. Féach ar Nóta 13 le haghaidh shuim ghlanluacha na n-iasachtaí.

3.1.2. Measúnú ar ráthaíocht airgeadais

Ar gach dáta tuairiscithe, breithníonn SBCI, i leith na ráthaíochtaí airgeadais atá eisithe aige, an dócha go ndéanfar íocaíochtaí faoi gach ráthaíocht le go n-aithneofar dliteanas airgeadais i gcomhréir le FRS 102.21. Chun dóchúlacht íocaíochta faoi chonradh ráthaíochta a mheasúnú, déanann an Chuideachta athbhreithniú ar aon sonraí ábhartha chun méid na n-iasachtaí atá i mbaol mainneachtana agus i mbaol a bheith faoi réir éilimh ó iasachtóir ar aghaidh a mheasúnú.

Aithnítear dliteanas airgeadais d'aon éilimh dhóchúla, is féidir a thomhas go hiontaoifa, i dtaifid chuntasaíochta SBCI. Má aithnítear dliteanas airgeadais, agus má tá méid an dliteanas airgeadais níos mó ná an tsuim ghlanluacha, is gá coigeartú a dhéanamh leis an dliteanas airgeadais a léiriú agus an difríocht a aithint sa Ráiteas ar Ioncam Cuimsitheach. I gcás

nach féidir dliteanas airgeadais a thomhas go hiontaoifa, nochtar dliteanas teagmhasach sna ráitis airgeadais don tsuim iomlán atá iníoctha faoi chonarthaí ráthaíochta airgeadais SBCI. Féach ar Nótaí 24 agus 25.

3.1.3. Saolré úsáideach acmhainne doláimhsithe

Déantar an muirear i leith amúchadh tréimhsiúil a dhíorthú tar éis meastachán a chinneadh ar shaolré ionchais úsáideach sócmhainne agus an luach iarmharach measta ag deireadh a saolré. Dá n-athrófaí saolré ionchais sócmhainne nó a luach iarmharach, d'athródh an muirear amúchta.

Cinneann an lucht bainistíochta saolré ionchais shócmhainní na Cuideachta agus déanann siad athbhreithniú ar a n-oiriúnacht uair sa bhliain ar a laghad. Tá na saolréanna bunaithe ar thairbh stairiúil ar shócmhainní cosúla chomh maith le hionchais faoi theagmhais amach anseo, a d'fhéadfadh tionchar a imirt ar a saolré. Féach ar Nóta 11 le haghaidh shuim ghlanluacha na Sócmhainní doláimhsithe.

3.2. Breithiúnais chuntasaíochta shuntasacha nuair atá beartais chuntasaíochta á gcur i bhfeidhm

Toisc go mbaineann breithiúnas an lucht bainistíochta le meastachán a dhéanamh ar dhóchúlacht na dteagmhais amach anseo, d'fhéadfadh na torthaí iarbhir a bheith difriúil leis na meastacháin sin, rud a d'fhéadfadh dul i bhfeidhm ar mhéideanna tuairiscithe na sócmhainní agus na ndliteanas amach anseo. Seachas na meastacháin (féach ar Nóta 3.1 thuas), níor iarradh ar an gCuideachta aon bhreithiúnais shuntasacha bhreise a dhéanamh nuair a bhí a bheartais chuntasaíochta á gcur i bhfeidhm aige.

4. Beartais shuntasacha chuntasaíochta

4.1. Bunús an ullmhúcháin

Ullmhaítear na ráitis airgeadais ar bhonn an ghnóthais leantaigh agus tá an Bord sásta go leanfaidh an Chuideachta mar ghnóthas leantach go ceann i bhfad.

TUARASCÁIL BHLIANTÚIL & RÁITIS AIRGEADAIS SBCI

Ina thuairim ar cé acu an bhfuil cuntasáíocht ar bhonn an ghnóthais leantaigh cuí nó nach bhfuil, thug an Bord aird ar fheidhmeanna SBCI mar a leagtar amach in Acht SBCI 2014 agus i mBunreacht SBCI, agus creideann sé go bhfuil sé réasúnta a cheapadh, mar gheall ar chuspóir na reachtaíochta, go ndéanfaidh an Stát bearta cuí chun a chinntiú go mbeidh an Chuideachta in ann a shainordú a chomhlíonadh.

Is iad feidhmeanna na Cuideachta, i measc nithe eile, creidmheas breise a chur ar fáil agus soláthar creidmheasa bhreise a chur chun cinn ar bhealach stuama d'fhiontair nó daoine eile sa Stát, FBManna go háirithe, agus chun maoiniú a chur ar fáil do thionscadail a chuireann forbairt gheilleagrach an Stáit chun cinn. Tá gníomhaíochtaí na Cuideachta faoi réir tosa riosca, lena n-áirítear rioscaí creidmheasa, leachtachta, chomhdhlúthacht an mhargaidh agus caipitil. Rinne an Bord athbhreithniú ar na tosa riosca sin agus ar gach faisnéis ábhartha chun measúnú a dhéanamh ar chumas na Cuideachta leanúint ar aghaidh mar ghnóthas leantach. Déanann an Bord agus an Coiste Iniúchóireachta agus Riosca athbhreithniú ar phríomhghnéithe de ghníomhaíochtaí na Cuideachta ar bhonn leanúnach agus déanann siad athbhreithniú, nuair is cuí, ar na toimhdí criticiúla a fheidhmíonn mar bhonn agus taca a straitéisí fadtéarmacha.

Cuirtear na ráitis airgeadais i láthair in euro (€), airgeadra feidhmiúil agus cur i láthair na Cuideachta. Luaitear na figiúirí a léirítear sna ráitis airgeadais ina mílte €, mura sonraítear a mhalairt. Seasann '000' nó 'k' do mhílte agus seasann 'm' do mhilliúin, nuair a úsáidtear iad. Mar a cheadaítear faoi mhír 4 i Sceideal 3 d'Acht na gCuideachtaí, 2014, d'oiriúnaigh na Stiúrthóirí na socruithe agus na ceannteidil agus na fo-cheannteidil a éilítear ar bhealach eile le Formáid Cuntais Brabúis agus Cailleanais 1 agus Formáid Ráiteas an Chláir Comhardaithe 1 toisc go n-éilíonn nádúr speisialta ghnó na Cuideachta go ndéanfaí a leithéid d'oiriúnú.

4.2. Bunús tomhais

Ullmhaíodh na ráitis airgeadais faoin gcoinbhinsiún costais stairiúil.

4.3. Ioncam agus speansas úis

Aithnítear ioncam agus speansas úis le haghaidh na n-ionstraimí airgeadais ar fad sa Ráiteas ar Ioncam Cuimsitheach trí úsáid a bhaint as modh an Ráta Éifeachtaigh Úis (RÉÚ).

Is é modh RÉÚ an modh le costas amúchta sócmhainne airgeadais nó dliteanais airgeadais a ríomh agus an t-ioncam úis nó an speansas úis a dháileadh sa tréimhse ábhartha airgeadais. Is é RÉÚ an ráta lena ndéantar íocaíochtaí nó fáiltas airgid thirim amach anseo a lascainiú go beacht thar shaolré ionchais na hionstraime airgeadais go suim ghlanluacha ghlan na sócmhainne airgeadais nó an dliteanais airgeadais. Agus RÉÚ á ríomh ag an gCuideachta, déanann sé sreafaí airgid a mheas, ag cur téarmaí conarthacha uile na hionstraime airgeadais san áireamh.

Nuair a dhíscríobhtar sócmhainn airgeadais mar thoradh ar chailleanas bearnaithe, aithnítear ioncam úis ag úsáid an ráta úis a úsáideadh chun na sreafaí airgid amach anseo a lascainiú chun an cailleanas bearnaithe a thomhas.

Déantar ioncam úis a fhaightear ó iasachtaí a thugtar d'iasachtóirí ar aghaidh a chur i gcuntas mar chuid de ghníomhaíochtaí oibriúcháin sa Ráiteas ar Shreabhadh Airgid mar gur croí-fheidhm de chuid na Cuideachta é iasachtú ar aghaidh.

Cuirtear ioncam úis a fhaightear ó iasachtaí a eisíonn an Chuideachta i gcuntas laistigh de na ghníomhaíochtaí oibriúcháin sa Ráiteas ar Shreabhadh Airgid agus rangaítear é mar ús ioncaim eile i Nóta 5.

Cuirtear speansas úis a íoctar ar iasachtaí ó mhaoinitheoirí i láthair mar chuid de na ghníomhaíochtaí oibriúcháin sa Ráiteas ar Shreabhadh Airgid. Déantar speansas úis a íoctar ar thaiscí airgid thirim agus táirgí bainistíochta airgid thirim a chur i láthair mar chuid de na ghníomhaíochtaí oibriúcháin sa Ráiteas ar Shreabhadh Airgid agus rangaítear iad mar speansas úis eile i Nóta 6.

4.4. Ioncam eile

Déanann SBCI costais a aisghabháil ón Aire Fiontar, Trádála agus Fostaíochta ("an tAire FTF") agus/nó ón Aire Talmhaíochta, Bia agus Mara ("an tAire TBM"), mar (i) oibritheoir CGS agus CCGS (Nóta 15.9), (ii) de bhun Scéim

lasachta an Bhreathnaithe agus Scéim lasachta Caipitil Oibre COVID-19 ("BLS/CWCS") (Nóta 15.7), (iii) de bhun Scéim lasachta Tacaíochta Sreafa Airgid na Talmhaíochta ("an Scéim Talmhaíochta") (Nóta 15.6), (iv) de bhun Scéim lasachta Tionchair an Bhreathnaithe ("BILS") (Nóta 15.8) agus (v) de bhun na Scéime lasachta d'Fhás Todhchaí ("FGLS") (Nóta 15.10), bunaithe ar aisíocaíocht na gcostas a thabhaíonn SBCI agus air sin amháin.

Déantar cistiú a sholáthraíonn an tAire TBM agus/nó an tAire FTF do SBCI i gcomhar leis na scéimeanna a fhuascailt don Ráiteas ar Ioncam Cuimsitheach de réir mar a thabhaítear costais a bhaineann leis na scéimeanna. Aithnítear an méid i gcomhréir le FRS 102 Cuid 24 Deontais Rialtais.

4.5. Costais inaisíochta le GBCN

De réir alt 10 d'Acht SBCI 2014, soláthraíonn GBCN seirbhísí agus córais ghnó agus tacaíochta do SBCI mar aon le foireann a shannadh d'fheidhmeanna SBCI. Aithnítear costais inaisíochta le GBCN ar bhonn fabhráithe. Aisghabhann GBCN na speansais sin ó SBCI ag a gcostas. Tá tuilleadh faisnéise ar chostais inaisíochta le GBCN i Nóta 8.2.

4.6. Ionstraimí airgeadais

Aithníonn agus tomhaiseann an Chuideachta a shócmhainní airgeadais agus a dhliteanais airgeadais de réir IAS 39 mar a cheadaítear le FRS 102. Cinneann an Chuideachta aicmiú a ionstraimí airgeadais tráth a n-aithnítear iad den chéad uair.

4.7. Sócmhainní airgeadais

lasachtaí agus infháltais

Is iad na hiasachtaí agus infháltais na sócmhainní airgeadais neamhdhíorthacha lena ngabhann íocaíochtaí seasta nó inchinntithe nach luaitear i margadh gníomhach. Tráth an aitheantais tosaigh, tomhaistear na hiasachtaí ag luach cóir móide costais incriminteacha idirbhirt dhírigh atá inchurtha go díreach le heisiúint na hiasachta. Tomhaistear ina dhiaidh sin iad ag a gcostas amúchta trí úsáid a bhaint as Modh RÉÚ mar a shonraítear i Nóta 4.3.

Infheistíochtaí

Infheistíochtaí in ionstraimí cothromais neamhluaite nach bhfuil praghas margaidh luaite acu i margadh gníomhach, agus nach féidir a luach cóir a thomhas go hiontaoфа, tomhaistear iad ag costas lúide bearnú.

4.8. Dlíteanais airgeadais

Cistiú agus iasachtaí

Is iad an cistiú agus iasachtaí na hiasachtaí sin a tharraingíonn an Chuideachta anuas óna mhaoinitheoirí chun tacú lena ghníomhaíochtaí iasachtaithe ar aghaidh. Aithníonn an Chuideachta na hiasachtaí sin ina Ráiteas ar an Staid Airgeadais ar an dáta ar tarraingíodh anuas an iasacht. Tomhaistear na hiasachtaí sin ar dtús ag luach cóir móide costais incriminteacha idirbhirt dhírigh atá inchurtha go díreach le heisiúint an dlíteanais airgeadais. Tomhaistear ina dhiaidh sin iad ag a gcostas amúchta trí úsáid a bhaint as Modh RÉÚ mar a shonraítear i Nóta 4.3.

4.9. Dí-aithint sócmhainní agus dlíteanais airgeadais

Dí-aithnítear sócmhainní airgeadais nuair a thagann deireadh leis na cearta conartha chun na sreafaí airgid a fháil ó na sócmhainní sin, nó nuair a aistrítear na sócmhainní agus nuair a aistrítear go substaintiúil gach riosca agus luach saothair a bhaineann le húinéireacht na sócmhainní freisin. Dí-aithnítear dlíteanais airgeadais nuair a fhuasclaítear iad nó nuair a chuirtear ar ceal ar bhealach eile iad.

4.10. Bearnú sócmhainní airgeadais

Ag deireadh gach tréimhse airgeadais, déanann an Chuideachta measúnú ar an bhfuil fianaise oibiachtúil ann go bhfuil sócmhainn airgeadais nó grúpa sócmhainní airgeadais, tomhaiste ag a (g)costas amúchta, bearnaithe.

I gcás iasachtaí agus infháltas, déantar méid an chaillteanais bearnaithe a thomhas mar an difríocht idir suim ghlanluacha na sócmhainne agus luach reatha na sreafaí airgid measta amach anseo lascainithe ag bunráta éifeachtach úis na sócmhainne. Aithnítear suim an chaillteanais bearnaithe sa Ráiteas ar Ioncam Cuimsitheach.

TUARASCÁIL BHLIANTÚIL & RÁITIS AIRGEADAIS SBCI

Déantar measúnú oibiachtúil ar na hiasachtaí do gach iasachtóir ar aghaidh i gcomhair fianaise ar bhearnú ag deireadh na tréimhse airgeadais.

Áirítear le fianaise oibiachtúil go bhfuil sócmhainn airgeadais bearnaithe:

- deacracht shuntasach airgeadais an iasachtóra ar aghaidh.
- neamhchomhlíonadh an iasachtóra ar aghaidh i gcás a chúnant agus ghealltanais iasachta faoi seach, agus aon téarmaí agus coinníollacha eile a chuireann SBCI i bhfeidhm.
- sárúithe conarthacha, ar nós mainneachtana nó faillí ar íocaíochtaí úis nó ar aisíocaíochtaí príomhshuime.
- comharthaí go mbeidh an t-iasachtóir ar aghaidh i bhféimheacht nó go dtabharfaidh sé faoi atheagrú airgeadais eile.
- athruithe diúltacha ar stádas an iasachtaí mar gheall ar dhálaí diúltacha geilleagracha go náisiúnta nó go háitiúil nó athruithe diúltacha ar dhálaí tionsclaíochta.

Aithníonn SBCI ioncam úis tar éis bearnú trí úsáid a bhaint as an ráta úis a úsáideadh chun na sreafaí airgid amach anseo a lascainiú nuair a bhí an bearnú sin á thomhas. Má laghdaíonn an cailteanas bearnaithe mar gheall ar theagmhas a tharlaíonn i ndiaidh aithint an bhearnaithe, i dtréimhse airgeadais ina dhiaidh sin, aisiompaítear an cailteanas bearnaithe a aithníodh roimhe sin go comhréireach. Aithnítear méid an aisiompaithe sa Ráiteas ar Ioncam Cuimsitheach.

Sa chás nach bhfuil aon dóchúlacht bhreise ann go ngnóthófar luach seilbhe iasachta, nó cuid d'iasacht, díscríobhann SBCI an méid nach bhfuil inghnóthaithe in aghaidh an chaillteanais bearnaithe lena mbaineann (i.e. sa chas seo, ní bhíonn aon mhuirear breise ar an Ráiteas ar Ioncam Cuimsitheach). Ní mór do Bhord SBCI (nó Coiste údaraithe ábhartha) díscríobh méideanna iasachta a

fhaomhadh. Laghdaíonn aisghabhálacha ina dhiaidh sin ar mhéideanna a díscríobhadh roimhe sin méid an lamháltais do bhearnú iasachta go comhréireach sa Ráiteas ar Ioncam Cuimsitheach.

4.11. Ráthaíochtaí airgeadais

Is conarthaí ráthaíochta airgeadais iad conarthaí a éilíonn ar an gCuideachta íocaíochtaí sonraithe a dhéanamh chun aisíocaíocht a thabhairt don tairbhí as cailteanas a thabhaíonn an tairbhí mar go mainníonn féichiúnaí sonraithe íocaíochtaí a dhéanamh nuair atá siad dlite i gcomhréir le téarmaí oibleagáide fiachais. D'eisigh SBCI ráthaíochtaí chuig iasachtóirí ar aghaidh i leith gach ceann díobh seo a leanas: (i) Scéim Iasachta Tacaíochta Sreafa Airgid na Talmhaíochta ("an Scéim Talmhaíochta") (Nóta 15.6), (ii) Scéim Iasachta an Bhreitheachta agus Scéim Iasachta Caipitil Oibre COVID-19 ("BLS/CWCS") (Nóta 15.7), (iii) Scéim Iasachta Tionchair an Bhreitheachta ("BILS") (Nóta 15.8), agus (iv) an Scéim Iasachta d'Fhás sa Todhchaí ("FGLS") (Nóta 15.10).

Aithnítear na ráthaíochtaí airgeadais sin ar dtús ag luach cóir ar an dáta a dtugtar an ráthaíocht. I ndiaidh aitheantas a thabhairt den chéad uair, déantar dlíteanas na Cuideachta faoi na ráthaíochtaí sin a thomhas ag cibé acu is airde, an méid a aithníodh ar dtús lúide, nuair is cuí, amúchadh carntha agus an meastachán is fearr ar an gcaiteachas a theastaíonn le haon oibleagáid airgeadais a shocrú a thagann chun cinn de bhun na ráthaíochtaí ag deireadh na bliana airgeadais.

Cinntear an meastachán is fearr ar chaiteachas i gcomhréir le FRS 102.21. Freagraíonn dlíteanas ráthaíochta airgeadais don chostas a bhaineann le hoibleagáid a shocrú, arb ionann é agus an cailteanas measta, a mheastar bunaithe ar na tosca agus an fhaisnéis ábhartha ar fad atá ar fáil don Chuideachta ag deireadh na bliana airgeadais. Léirítear dlíteanas airgeadas a eascraíonn as conradh ráthaíochta airgeadais mar fhorálacha le haghaidh dlíteanas sa Ráiteas ar an Staid Airgeadais.

Déantar aon mhéadú nó laghdú ar an dliteanas airgeadais a bhaineann le ráthaíochtaí airgeadais, seachas glaonna ráthaíochta a íoc, a aithint sa Ráiteas ar Ioncam Cuimsitheach. I gcúinsí nuair nach gá dliteanas airgeadais a aithint, nochtar dliteanas teagmhasach sna ráitis airgeadais don mhéid iomlán iníoctha faoi chonarthaí ráthaíochta airgeadais SBCI (Nóta 24).

4.12. Frithráthaíochtaí

Sa chás ina meastar go n-aisíocfar an caiteachas ar fad, nó cuid de, a theastaíonn chun dliteanas ráthaíochta airgeadais a íoc, de bhun comhaontú frithráthaíochta, aithneofar an aisíocaíocht nuair atá sé beagnach cinnte go bhfaighfear an aisíocaíocht sin má shocraíonn an Cuideachta an oibleagáid.

Aithníonn an Chuideachta aisíocaíocht mar shócmhainn ar leithligh. Déanann an Cuideachta an muirear caillteanais bearnaithe do dhliteanas na ráthaíochta a ghlanluacháil leis an gcion inghnóthaithe sa Ráiteas ar Ioncam Cuimsitheach. Sa chás nach n-aithneofaí aisghabháil den chineál sin, nochtfar sócmhainn theagmhasach sna ráitis airgeadais don mhéid iomlán atá inghnóthaithe faoi chonarthaí frithráthaíochta SBCI (Nóta 25). Tá SBCI tar éis tabhairt faoi fhrithráthaíochtaí leis an gCiste Eorpach Infheistíochta de bhun gach ceann díobh seo a leanas: (i) Scéim lasachta Tacaíochta Sreafa Airgid na Talmhaíochta ("an Scéim Talmhaíochta") (Nóta 15.6), (ii) Scéim lasachta an Bhreathimeachta agus Scéim lasachta Caipitil Oibre COVID-19 ("BLS/CWCS") (Nóta 15.7), (iii) Scéim lasachta Tionchair an Bhreathimeachta ("BILS") (Nóta 15.8), agus (iv) an Scéim lasachta d'Fhás sa Todhchaí ("FGLS") (Nóta 15.10).

4.13. Airgead agus coibhéisí airgid

Is iad airgead agus coibhéisí airgid na hinfeistíochtaí gearrthéarmacha fíorleachtacha atá inmhalartaithe go héasca go suimeanna airgid ar eolas agus atá faoi réir riosca neamhshuntasach athraithe ar an luach.

Iompraítear airgead agus coibhéisí airgid ag costas amúchta sa Ráiteas ar an Staid Airgeadais.

Léirítear sa Ráiteas ar Shreabhadh Airgid na hathruithe ar airgead agus ar choibhéisí airgid a d'eascair as gníomhaíochtaí oibriúcháin, ó ghníomhaíochtaí infheistíochta agus ó ghníomhaíochtaí maoinithe i rith na bliana airgeadais. Tuairiscítear na sreafaí airgid ó ghníomhaíochtaí oibriúcháin leis an modh díreach, ina nochtar aicmí móra fáltas comhlán airgid agus íocaíochtaí comhlána.

4.14. Sócmhainní doláimhsithe

Tá sócmhainní doláimhsithe comhdhéanta de bhogearraí a fuair an Chuideachta. Tomhaistear iad ag a gcostas lúide amúchadh carntha agus aon chaillteanais bhearnaithe charntha. Ní dhéantar caipitliú ar chaiteachas ar shócmhainní bogearraí ina dhiaidh sin ach amháin nuair a chuireann sé leis na tairbhí eacnamaíocha a bheidh ann amach anseo atá leabaithe sa tsócmhainn shonrach lena mbaineann sé. Cuirtear gach caiteachas eile leis na costais de réir mar a thabhaítear é.

Amúchtar bogearraí sa Ráiteas ar Ioncam Cuimsitheach de réir méid chothroim thar a saolré úsáideach mheasta, ón dáta a bhfuil siad ar fáil lena n-úsáid. Is ionann saolré úsáideach mheasta bhogearraí reatha SBCI agus cúig bliana.

Déantar athbhreithniú ar mhodhanna amúchta, saolréanna ionchais agus luachanna iarmharacha ar gach dáta tuairiscithe, agus déantar iad a choigeartú más cuí. Glacann SBCI leis gurb ionann luach iarmharach a shócmhainní doláimhsithe agus nialas ach amháin sna cásanna seo a leanas:

- tá gealltanas ann ó thríú páirtí an tsócmhainn a cheannach ag deireadh a saolré ionchais; nó
- tá margadh gníomhach ann don tsócmhainn; agus:
 - is féidir luach iarmharach a chinneadh trí thagairt don margadh sin; agus
 - is dócha go mbeidh an margadh sin fós ann ag deireadh shaolré ionchais na sócmhainne.

Ar gach dáta tuairiscithe, déanann an Chuideachta athbhreithniú ar shuim ghlanluacha a bhogearraí chun a chinneadh an bhfuil aon chomhartha bearnaithe ann. Má bhíonn aon chomhartha dá leithéid ann, bíonn na sócmhainní sin faoi réir athbhreithniú bearnaithe.

TUARASCÁIL BHLIANTÚIL & RÁITIS AIRGEADAIS SBCE

Cuimsítear san athbhreithniú bearnaithe comparáid idir suim ghlanluacha na sócmhainne agus a méid inghnóthaithe. Cinntear an méid inghnóthaithe agus cibé acu is airde de luach cóir lúide costais diúscairthe na sócmhainne agus a luach úsáide.

Ríomhtar luach úsáide trí shreafaí airgid measta amach anseo atá infhaighte mar thoradh ar úsáid leanúnach na sócmhainne, lena n-áirítear iad siúd a eascraíonn as a diúscairt deiridh, a lascainí ag ráta margadh-bhunaithe lascaine ar bhonn réamhchánach. Ba cheart go léireodh an ráta lascaine sin an measúnú margaidh reatha ar amluach an airgid agus na rioscaí a bhaineann go sonrach leis an tsócmhainn nach bhfuil meastacháin ar shreabhadh airgid amach anseo coigeartaithe ina leith.

Díscriobhtar luach seilbhe na mbogearraí de réir mhéid aon bhearnaithe agus aithnítear an caillteanas sin sa Ráiteas ar Ioncam Cuimsitheach sa tréimhse airgeadais ina dtarlaíonn sé. Féadfar caillteanas bearnaithe a aithníodh roimhe sin a aisiompú i bpáirt nó ina iomláine mura bhfuil na cúiseanna a bhí leis an gcaillteanas bearnaithe i gceist níos mó. Déantar measúnú i ngach tréimhse le seiceáil an raibh aon chomharthaí ann nach bhfuil an caillteanas bearnaithe ann níos mó nó ar laghdaigh sé. Ní mhéadófar suim ghlanluacha na sócmhainne ach go dtí an méid a shroichfeadh sí mura n-aithneofaí an bearnú bunaidh.

4.15. Infháltais eile

Déantar infháltais eile atá dlite laistigh de bhliain amháin a thomhas ag an méid airgead tirim nár lascainíú nó comaoín eile a cheaptar a gheofar.

4.16. Forálacha

Aithnítear foráil má tá oibleagáid dhlíthiúil nó inchiallaithe reatha ag an gCuideachta mar thoradh ar theagmhas a tharla roimhe sin is féidir a mheas go hiontaofa, agus gur dóigh go mbeadh eas-sreabhadh tairbhí eacnamaíocha ag teastáil chun an oibleagáid a shocrú.

Má bhíonn an tionchar ábhartha, cinntear forálacha trí na sreafaí airgid a bhfuiltear ag súil leo amach anseo a lascainíú ag an ráta réamhchánach a léiríonn measúnuithe margaidh reatha ar amluach an airgid agus, nuair is cuí, ar na rioscaí a bhaineann go sonrach leis an dliteanas.

4.17. Dliteanais theagmhasacha

Is oibleagáidí féideartha iad dliteanais theagmhasacha nach ndeimhneofar ach nuair a tharlaíonn teagmhais éiginnte amach anseo nó oibleagáidí reatha sa chás go bhfuil aistriú tairbhe eacnamaíche éiginnte nó nach féidir meastachán iontaofa a dhéanamh air. Ní aithnítear dliteanais theagmhasacha ach nochtar iad sna nótaí a ghabhann leis na ráitis airgeadais seachas má bhíonn an dóchúlacht go n-aistreofaí an tairbhe eacnamaíoch fíorbheag. Féach ar Nóta 24.

4.18. Sócmhainní teagmhasacha

Is iad na sócmhainní teagmhasacha na sócmhainní féideartha a eascraíonn as teagmhais a tharla cheana agus nach ndearbhófar gurb ann dóibh ach amháin má tharlaíonn nó mura dtarlaíonn teagmhas éiginnte amháin nó níos mó amach anseo, teagmhais nach bhfuil faoi smacht iomlán an eintitis. Ní aithnítear sócmhainní teagmhais ach nochtar iad sna ráitis airgeadais nuair is dóigh go mbeidh insreabhadh tairbhí eacnamaíocha ann. Má bhíonn réadú ioncaim beagnach cinnte ansin aithnítear an tsócmhainn lena mbaineann. Féach ar Nóta 25.

4.19. Léasú

Gearrtar cíosaí faoi léasanna oibriúcháin de réir méid chothroim thar téarma an léasa, go dtí an Ráiteas ar Ioncam Cuimsitheach de réir FRS 102 Cuid 20 Léasanna.

4.20. An príomhphearsanra bainistíochta

Is iad na comhaltaí Boird, an Príomhoifigeach Feidhmiúcháin agus an fhoireann ardbhainistíochta a thuairiscíonn go díreach don Phríomhoifigeach Feidhmiúcháin príomhphearsanra bainistíochta SBCE. Féach ar Nóta 8.

5. Ioncam úis

	2021 €000	2020 €000
Ús ar iasachtaí agus infháltais	3,346	4,093
Ioncam úis eile	-	67
	3,346	4,160

Baineann ús ar iasachtaí agus infháltais le hioncam úis ó iasachtaí a chuirtear ar fáil d'iasachtóirí ar aghaidh. Baineann ioncam úis eile le hús diúltach a saothraíodh ar na nótaí iasachta a d'eisigh an Chuideachta do GBCN (Nóta 26.2).

6. Speansas úis

	2021 €000	2020 €000
Speansas úis eile	371	425

Baineann speansas úis eile le hús diúltach a íocadh ar airgead sealbhaithe i dtaisce.

7. Ioncam eile

		2021 €000	2020 €000
Costais CGS agus CCGS a aisghabhadh	7.1	1,041	1,494
Aisghabháil chostais riaracháin BLS/CWCS	7.2	550	1,486
Aisghabháil chostais riaracháin BILS	7.2	835	-
Aisghabháil chostais riaracháin na Scéime Iasachta d'Fhás sa Tódhchaí	7.2	1,351	959

		2021 €000	2020 €000
Aisghabháil chostais riaracháin na Scéime Talmhaíochta	7.2	222	322
Aisghabháil fóirdheontas úis na Scéime Talmhaíochta	7.2	632	687
Ioncam táille ráthaíochta	7.3	3,102	1,305
Ioncam ilghnéitheach		174	187
		7,907	6,440

7.1. Costais CGS agus CCGS a aisghabhadh

De bhun comhaontú dar dáta an 13 Deireadh Fómhair 2016, arna leasú agus arna athshonrú ar an 14 Bealtaine 2019, idir an tAire FTF agus SBCI (an "Comhaontú Comhair CGS"), ghlac SBCI le ról oibritheoir CGS thar ceann an Aire FTF. Faigheann SBCI íocaíochtaí ón Aire FTF bunaithe ar aisghabháil na gcostas agus na speansas a thabhaíonn SBCI chun na seirbhísí a leagtar amach sa Chomhaontú Comhair CGS a sholáthar. Ní dhéanann SBCI aon bhrabús ná caillteanas airgeadais agus na seirbhísí á soláthar (féach ar Nóta 15.9).

De bhun comhaontú dar dáta an 28 Meán Fómhair 2020 idir an tAire FTF agus SBCI (an "Comhaontú Comhair CCGS"), ghlac SBCI le ról oibritheoir CCGS thar ceann an Aire FTF. Faigheann SBCI íocaíochtaí ón Aire FTF bunaithe ar aisghabháil na gcostas agus na speansas a thabhaíonn SBCI chun na seirbhísí a leagtar amach sa Chomhaontú Comhair CCGS a sholáthar. Ní dhéanann SBCI aon bhrabús ná caillteanas airgeadais agus na seirbhísí á soláthar (féach ar Nóta 15.9).

7.2. Aisghabháil costais scéime

De réir comhaontú idir an tAire TBM, an tAire FTF agus SBCI dar dáta an 15 Nollaig 2017, arna leasú agus arna nuashonrú ar an 27 Samhain 2020, (an "Comhaontú Comhair BLS/CWCS Leasaithe"), aisghabhann SBCI na costais as a ról in BLS/CWCS a reáchtáil (féach ar Nóta 15.7).

TUARASCÁIL BHLIANTÚIL & RÁITIS AIRGEADAIS SBCI

De réir comhaontú idir an tAire TBM, an tAire FTF agus SBCI dar dáta an 7 Meán Fómhair 2021 (an “Comhaontú Comhair maidir le Scéim Iasachta Tionchair an Bhreathmeachta”), aisghabhann SBCI na costais as a ról in BILS a reáchtáil (féach ar Nóta 15.8).

De réir comhaontú idir an tAire TBM, an tAire FTF agus SBCI dar dáta an 21 Nollaig 2018, arna leasú agus arna nuashonrú ar an 24 Iúil 2020, (an “Comhaontú Comhair maidir leis an Scéim Iasachta d’Fhás sa Todhchaí”), aisghabhann SBCI na costais as a ról sa Scéim Iasachta d’Fhás sa Todhchaí a reáchtáil (féach ar Nóta 15.10).

De réir comhaontú idir an tAire TBM agus SBCI dar dáta an 20 Nollaig 2016, arna leasú ar an 20 Lúnasa 2020, (an “Comhaontú Comhair Talmhaíochta”), aisghabhann SBCI na costais as a ról sa Scéim Talmhaíochta a reáchtáil, lena n-áirítear costas na bhfóirdheontas ráta úis (féach ar Nóta 15.6).

7.3. Ioncam frithráthaíochta airgeadais

	2021 €000	2020 €000
Speansais ráthaíochta		
Scéim Iasachta Talmhaíochta	(8)	(95)
BLS/CWCS	(12)	(763)
Ioncam frithráthaíochta		
Scéim Iasachta Talmhaíochta	8	95
BLS/CWCS	12	763
	-	-

Amhail an 31 Nollaig 2021, tá SBCI tar éis a bhreithniú an dócha go ndéanfar íocaíochtaí faoina ráthaíochtaí airgeadais agus an aithnítear fáltais faoina fhrithráthaíochtaí airgeadais. Aithníonn SBCI speansais ráthaíochta €20k (2020: €858k) sa tréimhse. Fritháirítear é sin le hioncam frithráthaíochta €20k (2020: €858k) a ndíorthaíonn €10k (2020: €429k) de ó ioncam iarchurtha ó na Ranna Rialtais ábhartha. I ráithe a haon de 2022, fuair SBCI fógra ó iasachtóir ar aghaidh rannpháirteach go mb'fhéidir gur fhaomh an t-iasachtóir ar aghaidh líon beag d'iasachtaí SBCI bunaithe ar fhaisnéis airgeadais chalaoiseach a thug na hiasachtaithe. Dheimhnigh an t-iasachtóir ar aghaidh gur tuairiscíodh na cásanna sin do na húdaráis ábhartha agus go bhfuil imscrúduithe ar bun faoi láthair. Tá SBCI ag athbhreithniú ar n-oibleagáidí conartha i leith na heachtra sin i láthair na huaire.

Ioncam táille ráthaíochta

	2021 €000	2020 €000
An Scéim Iasachta d’Fhás sa Todhchaí	2,868	1,160
BLS/CWCS	234	145
	3,102	1,305

Baineann ioncam táille ráthaíochta le táillí atá iníoctha ag iasachtóirí ar aghaidh atá rannpháirteach sa Scéim Iasachta d’Fhás sa Todhchaí agus aithint an ioncaim iarchurtha ó na Ranna Rialtais ábhartha a bhaineann le BLS/CWCS.



8. Speansais oibriúcháin

		2021 €000	2020 €000
Costais inaisíochta le GBCN	8.2	6,535	6,151
Táillí an Bhoird	9	110	118
Amúchadh	11	225	296
Speansas fóirdheontais úis na Scéime Talmhaíochta	8.1.1	632	687
Speansais táille ráthaíochta	8.1.2	2,995	1,114
Speansais eile	8.1.3	1,754	2,920
		12,251	11,286

8.1.1. Speansas fóirdheontais úis na Scéime Talmhaíochta

Cuimsíonn fóirdheontais úis na Scéime Talmhaíochta speansais a thabhaigh an Chuideachta agus fóirdheontas ráta úis á chur ar fáil aige d'iasachtóirí ar aghaidh a bhí rannpháirteach sa Scéim Talmhaíochta.

8.1.2. Speansais táille ráthaíochta

Baineann speansas táille ráthaíochta le táillí a tabhaíodh le haghaidh frithráthaíochtaí le haghaidh na Scéime Iasachta d'Fhás sa Toghcháin agus BLS/CWCS.

8.1.3. Speansais eile

Cuimsítear i speansais eile gach speansas eile a íocann an Chuideachta go díreach. Cuimsítear leo sin go príomha costais mhargaíochta €0.19m (2020: €0.69m) agus táillí dlí agus gairmiúla €1.4m (2020: €2.2m).

8.2. Costais inaisíochta le GBCN

		2021 €000	2020 €000
Costais foirne GBCN	8.2.1	3,265	3,168
Seirbhísí gnó	8.2.2	3,037	2,735
Táillí gairmiúla		175	188
Costais oibriúcháin eile		58	60
		6,535	6,151

8.2.1. Costais foirne GBCN

Áirítear le costais foirne GBCN an luach saothair (le costais pinsin san áireamh) agus costais eile a bhaineann leis an bhfoireann, ar nós costais foirne sealadaí, costais earcaíochta agus costais oiliúna foirne, a bhaineann le comhaltaí foirne GBCN a shanntar go díreach do SBCI. Cuireadh na costais ar fad a bhain le sochair fostaithe leis na costais i rith na bliana airgeadais agus ní dhearnadh aon chostais a chaipitliú dá réir.

8.2.2. Seirbhísí gnó

Cuimsíonn costais seirbhísí gnó costais a tabhaíodh i rith na bliana airgeadais i ndáil leis an áitreabh ina bhfeidhmíonn an Chuideachta agus costas na seirbhísí tacaíochta a sholáthraíonn GBCN.

8.3. Luach Saothair

Éilítear na nochtuithe seo a leanas i ndáil le luach saothair faoin gCód Cleachtais chun Comhlachtaí Stáit a Rialú, 2016:

TUARASCÁIL BHLIANTÚIL & RÁITIS AIRGEADAIS SBCI

8.3.1. Sochair chomhiomlána fostaithe

		2021 €000	2020 €000
Sochair ghearrthéarmacha na foirne	8.3.2	2,576	2,503
Ranníocaíochtaí an fhostóra do chostais árachas shóisialta		273	251
		2,849	2,754

Ba é 32 (2020: 28) líon iomlán na gcomhaltaí foirne (coibhéis lánaimseartha) amhail deireadh na bliana. Tá na costais phinsin €0.35m (2020: €0.34m) a thabhaigh an Chuideachta le linn na bliana airgeadais san áireamh i gcostais foirne GBCN i Nóta 8.2. Léiríonn na costais phinsin a mhuirearaítear sa Ráiteas ar Ioncam Cuimsitheach ranníocaíochtaí a rinne an Chuideachta le scéim GBCN i gcomhréir le moltaí achtúireacha. Níl aon mhéideanna curtha san áireamh sna ráitis airgeadais seo i dtaca le dliteanais phinsin. Aithnítear na sócmhainní agus dliteanais ábhartha i gCuntas Riaracháin GBCN.

8.3.2. Sochair ghearrthéarmacha na foirne

	2021 €000	2020 €000
Buntuarastal	2,435	2,452
Pá a bhaineann le feidhmíocht	85	-
Liúntais	56	51
	2,576	2,503

8.3.3. An príomhphearsanra bainistíochta

	2021 €000	2020 €000
Táillí an Bhoird agus sochair ghearrthéarmacha an lucht bainistíochta	792	902
Pá a bhaineann le feidhmíocht	20	-
Liúntais	45	44
Árachas sláinte	6	4
	863	950

Is iad na comhaltaí Boird, an Príomhoifigeach Feidhmiúcháin agus an fhoireann ardbhainistíochta a thuiriscíonn go díreach don Phríomhoifigeach Feidhmiúcháin príomhphearsanra bainistíochta SBCI. Leagtar amach thuas luach iomlán na sochar fostaithe le haghaidh an phríomhphearsanra bainistíochta (gan ranníocaíochtaí an fhostóra le costais árachais shóisialaigh san áireamh).

Ní áirítear ansin luach na sochar pinsean a tuilleadh sa tréimhse. Is baill iad an príomhphearsanra bainistíochta (seachas an Bord) de scéim pinsin GBCN agus ní leathnaíonn a dteidlíochtaí ina leith sin thar théarmaí na scéime eiseamláirí pinsin seirbhíse poiblí.

8.3.4. Luach saothair agus sochair an Phríomhoifigigh Feidhmiúcháin

June Butler (An Príomhoifigeach Feidhmiúcháin)	2021 €000
Tuarastal bliantúil	83
Pá a bhaineann le feidhmíocht	-
Sochair inchánach bhliantúla	7
Ranníocaíochtaí leis na scéimeanna pinsin le sochar sainithe	12
	102

Ian Black (An Príomhoifigeach Feidhmiúcháin Eatramhach))	2021 €000	2020 €000
Tuarastal bliantúil	135	-
Pá a bhaineann le feidhmíocht	-	-
Sochair inchánach bhliantúla	17	-
Ranníocaíochtaí leis na scéimeanna pinsin le sochar sainithe	19	-
	171	-

Nick Ashmore (An Príomhoifigeach Feidhmiúcháin)	2021 €000	2020 €000
Tuarastal bliantúil	31	250
Pá a bhaineann le feidhmíocht	-	-
Sochair inchánach bhliantúla	3	24
Ranníocaíochtaí leis na scéimeanna pinsin le sochar sainithe	4	36
	38	310

Áirítear na méideanna a íocadh leis an bPríomhoifigeach Feidhmiúcháin sna costais inaisíoctha le GBCN. Is ball í an Príomhoifigeach Feidhmiúcháin de scéim pinsin GBCN agus ní leathnaíonn a teidlíochtaí ina leith sin thar théarmaí caighdeánacha na scéime eiseamláirí pinsin seirbhíse poiblí.

9. Táillí agus speansais an Bhoird

Íoctar táille bhliantúil €15,750 (2020: €15,750) le Stiúrthóirí áirithe, mar a shonraíonn an tAire Airgeadais de réir Bhunreacht SBCI. Íoctar táille bhliantúil €31,500 (2020: €31,500) leis an gCathaoirleach. Ní bhfuair na Stiúrthóirí aon sochair ná luach saothair eile, lena n-áirítear sochair scoir, mar thoradh ar a gcuid seirbhísí don Chuideachta.

Comhalta Boird	2021 €	2020 €
Barbara Cotter	31,500	44,195
Tom McAleese	15,750	15,750
Rosheen McGuckian	-	3,162
AJ Noonan	15,750	15,750
Richard Pelly	15,750	15,750
Marguerite McMahon	15,750	7,183
Eilis Quinlan	15,750	15,750
	110,250	117,540

Toghadh Barbara Cotter mar chathaoirleach an Bhoird ar an 12 Márta 2019. Áiríodh pá aisghníomhach in 2020 ón dáta tofa go dtí an 31 Nollaig 2020.

Ní bhfuair na Príomhoifigigh Feidhmiúcháin, comhaltaí foirne GBCN ná oifigeach na Roinne Airgeadais (Eoin Dorgan) aon luach saothair maidir lena mballraíocht ar an mBord.

Déantar speansais fhaofa a aisíoc le Stiúrthóirí ar bhonn dearbhaithe. Baineann speansais le taisteal chun freastal ar chruinnithe in oifigí SBCI i mBaile Átha Cliath. I rith na bliana airgeadais, tabhaíodh iad seo a leanas i ndáil le speansais na gcomhaltaí Boird:

TUARASCÁIL BHLIANTÚIL & RÁITIS AIRGEADAIS SBCI

Comhalta Boird	2021 €	2020 €
Richard Pelly	992	232

Áirítear na speansais a íocadh leis na Stiúrthóirí a bhaineann le taisteal i speansais eile i Nóta 8.

10. Muirear cánach

Tá an Chuideachta díolmhaithe ó cháin chorparáide de bhua alt 23(1)(b) d'Acht SBCI 2014.

11. Sócmhainní doláimhsithe

2021	Costas €000	Amúchadh carntha €000	Glanluach de réir na leabhar €000
Iarmhéid amhail an 1 Eanáir 2021	2,050	(1,792)	258
Fálacha	187	-	187
Amúchadh	-	(225)	(225)
Iarmhéid amhail an 31 an 31 Nollaig 2021	2,237	(2,017)	220

2020	Costas €000	Amúchadh carntha €000	Glanluach de réir na leabhar €000
Iarmhéid amhail an 1 Eanáir 2020	2,046	(1,496)	550
Fálacha	4	-	4
Amúchadh	-	(296)	(296)
Iarmhéid amhail an 31 Nollaig 2020	2,050	(1,792)	258

Baineann sócmhainní doláimhsithe le bogearraí TF. Áirítear amúchadh a muirearaíodh i rith na bliana airgeadais i speansais oibriúcháin sa Ráiteas ar Ioncam Cuimsitheach. Bhí bogearraí TF (2020: Gan sócmhainní) á bhforbairt amhail deireadh na bliana airgeadais le haghaidh córas nua bainistíochta custaiméirí atá le teacht i bhfeidhm in 2022. Níor gearradh aon amúchadh ar na bogearraí TF a bhí á bhforbairt amhail deireadh na bliana airgeadais.

Níor tabhaíodh aon chaillteanais bhearnaithe ar na sócmhainní bogearraí i rith na bliana airgeadais reatha ná roimhe.

12. Infheistíochtaí

	2021 €000	2020 €000
Scairseilbh sa Chiste Eorpach Infheistíochta	4,410	3,538

I mí na Samhna 2020, fuair SBCI scairseilbh sa Chiste Eorpach Infheistíochta ón mBanc Eorpach Infheistíochta. Fuair SBCI ocht scair sa Chiste Eorpach Infheistíochta ar chostas €442,238 in aghaidh na scaire. I mí Dheireadh Fómhair 2021, fuair SBCI dhá scair eile sa Chiste Eorpach Infheistíochta ar chostas €435,971 in aghaidh na scaire.

13. Iasachtaí agus infháltais

	2021 €000	2020 €000
Iasachtaí d'iasachtóirí ar aghaidh dlite laistigh d'aon bhliain amháin	77,202	107,370
Iasachtaí d'iasachtóirí ar aghaidh dlite tar éis níos mó ná bliain amháin	229,250	345,000
	306,452	452,370

Léirítear scoilteadh na n-iasachtaí d'iasachtóirí ar aghaidh idir iasachtaí urraithe agus neamhurraithe anseo thíos:

	2021 €000	2020 €000
Urraithe	120,375	180,442
Neamhurraithe	186,077	271,928
	306,452	452,370

Ag deireadh na bliana airgeadais, bhí iasachtaí in eisiúint ag SBCI d'ocht n-iasachtóir ar aghaidh (2020: ocht n-iasachtóir ar aghaidh). Is bainc iad péire de na hiasachtóirí ar aghaidh sin (2020: trí cinn), agus is soláthraithe maoinithe neamhbhainc iad na sé iasachtóir ar aghaidh eile (2020: cúig sholáthraí maoinithe neamhbhainc). Maireann na téarmaí atá fágtha fós ar iasachtaí na n-iasachtóirí ar aghaidh idir 0.5 agus 5 bliana agus gearrann SBCI ús ag Euribor sé mhí móide corrlach. An 28 Eanáir 2022, fuair SBCI aisíocaíochtaí luath de €35m ar chomhaontú iasachta a bhí le haibíú i ndiaidh níos mó ná bliain amháin.

Ag deireadh gach bliana airgeadais, déanann an Chuideachta measúnú an bhfuil fianaise oibiachtúil ann go bhfuil na hiasachtaí iasachtóra ar aghaidh bearnaithe (féach ar Nóta 4.10). Tar éis measúnú bearnaithe ar na hiasachtaí amhail an 31 Nollaig 2021, chinn an Chuideachta gur tabhaíodh táille bhearnaithe €Nialas (2020: €Nialas). Ag deireadh na bliana airgeadais, bhí gealltanais iasachta nach raibh tarraingthe anuas dar luach €107m (2020: €83m) ag an gCuideachta.

14. Airgead agus coibhéisí airgid

	2021 €000	2020 €000
Airgead agus coibhéisí airgid	42,927	37,451

Áirítear san airgead tirim a bhí i seilbh na Cuideachta amhail an 31 Nollaig 2021 an t-airgead tirim le haghaidh gníomhaíochtaí oibriúcháin agus cistiú a cuireadh ar fáil don Chuideachta chun íoc as na costais a bhaineann le reáchtáil (i) Scéim Tacaíochta Sreafa Airgid na Talmhaíochta, (ii) Scéim Iasachta Tionchair an Bhreathimeachta, (iii) Scéim Iasachta an Bhreathimeachta agus Scéim Iasachta Caipitil Oibre COVID-19 agus (iv) na Scéime Iasachta d'Fhás sa Toghcháin. Tá tuilleadh faisnéise faoi na scéimeanna sin i Nóta 15.

15. Bainistíocht riosca

Bíonn sé mar aidhm ag an gCuideachta a bheith feasach ar riosca agus a rioscaí a bhainistiú go gníomhach. Mar gheall ar na gníomhaíochtaí rithábachtacha a rinne SBCI agus tábhacht a dheachlú, tá béim láidir ar raon cuí rialuithe riosca a chur i bhfeidhm.

Bíonn sé mar aidhm ag SBCI rioscaí a bhainistiú go heolach agus go réamhghníomhach, de réir a inghlacthachta riosca, ar bhealach a fhágann go mbíonn an leibhéal riosca ag teacht leis an mbunghníomhaíocht ghnó. Déanfaidh SBCI athbhreithniú ar aon rioscaí nua a thagann chun cinn agus glacfar cinneadh maidir le glacadh agus bainistiú na rioscaí sin.

Is iad na príomhchatagóirí rioscaí a shainaithníonn agus a bhainistiú an Chuideachta ina cuid gníomhaíochtaí ó lá go lá agus a d'fhéadfadh an tionchar is mó a imirt ar a ráitis airgeadais na rioscaí creidmheasa, leachtachta agus riosca margaidh.

Beartas agus Creat Bainistíochta Riosca

Tá an Bord freagrach as an Inghlacthacht Riosca na Cuideachta a leagan síos agus as maoirsiú agus stiúradh na bainistíochta riosca ar fud SBCI. Chuige sin, shainordaigh an Bord go ndéanfaí bainistíocht riosca a chomhtháthú agus a leabú in atmaisféar agus i gcultúr SBCI.

Bíonn an Coiste Iníúcháireachta agus Riosca freagrach as maoirseacht a dhéanamh ar chur i bhfeidhm Bheartas agus Chreat Bainistíochta Riosca SBCI agus féachann sé lena chinntiú go soláthraíonn samhail rialachais bainistíochta riosca SBCI leibhéil iomchuí neamhspleáchais agus dúshláin. Tuairiscíonn an Coiste Iníúcháireachta agus Riosca don Bhord go neamhspleách dá bhrí sin.

TUARASCÁIL BHLIANTÚIL & RÁITIS AIRGEADAIS SBCI

Tá Beartas agus Creat Bainistíocht Riosca SBCI ag comhlíonadh phrionsabail an Chóid Cleachtais chun Comhlachtaí Stáit a Rialú, 2016.

Braitheann SBCI ar na seirbhísí a chuireann GBCN ar fáil do ghnéithe áirithe den bhainistíocht riosca, eadhon:

- bainistíocht leanúnachais gnó.
- seirbhísí comhlíonta agus dlí.
- seirbhísí iniúchóireachta inmheánaí.

An chéad líne chosanta:

Bíonn lucht bainistíochta SBCI freagrach as bainistíocht laethúil na Cuideachta ó lá go lá agus as a chinntiú go mbíonn rialuithe cuí i bhfeidhm agus ag feidhmiú go héifeachtach. Tuairiscíonn an lucht bainistíochta air sin leis an gCoiste Iniúchóireachta agus Riosca. Seo iad na príomhchéimeanna sa phróiseas bainistíochta riosca:

- Na rioscaí a d'fhéadfadh tionchar a imirt ar SBCI ag baint amach a chuspóirí bunaithe, nó é sin a chosc, a shainaithint.
- I gcás gach riosca a shainaithnítear, a thionchar a chinneadh agus an dóchúlacht go dtarlóidh sé.
- I gcás gach riosca a shainaithnítear, a chinneadh an féidir glacadh leis an riosca ina iomláine nó ar cheart é a mhaolú nó a sheachaint.
- I gcás gach riosca a shainaithnítear, beag beann ar a thionchar nó an dóchúlacht go dtarlóidh sé, bearta maolaithe chun riosca a laghdú a bhreithniú.
- I ndiaidh bearta maolaithe a chur i bhfeidhm, athbhreithniú a dhéanamh ar thionchar iarmharach agus an dóchúlacht go dtarlóidh sé, chomh maith le stádas criticiúlachta gach riosca a shainaithnítear.
- Athbhreithniú agus monatóireacht a dhéanamh ar rioscaí agus bearta maolaithe go leanúnach.

An dara líne chosanta:

Tugann feidhm Riosca SBCI agus feidhm Comhlíonta GBCN, i ndáil le sainréimsí freagrachta, dúshlán agus maoirseacht neamhspleách chun a chinntiú go gcuirtear Beartas agus Chreat Bainistíochta Riosca SBCI i bhfeidhm go héifeachtach.

An tríú líne chosanta:

Feidhmíonn feidhm Iniúchóireachta Inmheánaí GBCN, faoi mhaoirsiú Choiste Iniúchóireachta agus Riosca SBCI, mar chuid den tríú líne chosanta trí dhearbhu neamhspleách, réasúnta, riosca-bhunaithe a sholáthar do na príomhpháirtithe leasmhara maidir le chomh fóna agus atá córas bainistíochta riosca SBCI, a rialachas agus dhearadh agus éifeachtacht oibríochta na timpeallachta rialaithe inmheánaigh.

15.1. Riosca creidmheasa

Is é riosca creidmheasa an riosca is suntasaí do ghnó SBCI. Is é riosca creidmheasa an riosca go gcruthódh páirtí amháin in ionstraim airgeadais cailteanas don pháirtí eile trí mainneachtain íoc as a oibleagáid. I bhfocail eile, eascraíonn riosca creidmheasa go príomha as mainneachtain fhéideartha iasachtóra ar aghaidh a iasachtaí a aisíoc go hiomlán le SBCI. Bíonn an Chuideachta neamhchosanta freisin ar riosca creidmheasa i leith ráthaíochtaí a eisítear d'iasachtóirí ar aghaidh, agus frithráthaíochtaí a fhaightear ón gCiste Eorpach Infheistíochta.

Chun a phríomhchuspóirí a bhaint amach agus a shainordú a chomhlíonadh, ní mór do SBCI glacadh le leibhéal áirithe riosca creidmheasa.

Mar bhunphrionsabal, agus i gcomhréir lena Ráiteas ar Inghlathacht Riosca, féachann SBCI le riosca creidmheasa a ghlacadh ar bhealach stuama a ghlacann leis an leibhéal is ísle is féidir de riosca creidmheasa is gá lena chuspóirí a bhaint amach. Dá bhrí sin, déanann SBCI a neamhchosaint do riosca creidmheasa a bhainistiú go cúramach agus déantar an riosca sin a thomhas, a mheasúnú agus a rialú le haghaidh gach idirbheart nó teagmhas creidmheasa a ghlactar.

Déanann SBCI iarracht a neamhchosaint ar riosca creidmheasa a íoslaghdú trí thabhairt faoi phróiseas fairsing díchill chuí roimh aon chinntí iasacht nó ráthaíocht a chur ar fáil. Áirítear i bpróiseas bainistíochta riosca creidmheasa na Cuideachta an méid seo a leanas:

- measúnú cuimsitheach ar gach iasachtóir ar aghaidh ionchais, a lucht bainistíochta, cumas oibriúcháin, taithí ar fhrithghealladh creidmheasa, feidhmíocht airgeadais, bainistíocht riosca, córais, tairiscint táirge agus acmhainn aisíocaíochta.
- cruinnithe leis an lucht bainistíochta.
- measúnú ar fheidhmíocht airgeadais gach iasachtóra ar aghaidh ionchais trí leas a bhaint as an bhfaisnéis atá ar fáil, lena n-áirítear cuntais iniúchta, cuntais bhainistíochta agus réamh-mheastacháin airgeadais.
- dícheall cuí tráchtála neamhspleách i leithe soláthraithe maoinithe neamhbhainc.
- dícheall cuí dlíthiúil neamhspleách.
- anailís ar acmhainn aisíocaíochta an iasachtóra ar aghaidh, lena n-áirítear léiriú soiléir agus réasúnach ar acmhainn an iasachtóra ar aghaidh a oibleagáidí a chomhlíonadh agus fiacha SBCI a íoc ina n-íomláine.
- athbhreithniú agus moladh Choiste Creidmheasa SBCI le haghaidh gach contrapháirtí ionchais.
- comhthaobhacht imleor a fháil i leith iasachtaí (nuair is cuí), lena n-áirítear urrús muirir seasta nó chomhlúthaigh thar shócmhainní an iasachtóra ar aghaidh.
- forchoimeádtar gach cinneadh creidmheasa don Bhord, nó do choistí cuí an Bhoird.
- monatóireacht agus athbhreithniú leanúnach ar shaoráidí creidmheasa.
- athbhreithniú rialta ar chomhlíonadh na gcúntant agus na ngealltanais faoi seach, agus aon téarmaí agus coinníollacha a fhorchuireann SBCI.
- próiseas athbhreithnithe foirmiúil ar iasachtóirí ar aghaidh a dhéantar ar bhonn bliantúil, ar a laghad, maidir le gach iasachtóir ar aghaidh faofa.
- measúnú ar riachtanais chomhthaobhachta i gcomhthéacs cúinsí éagsúla, lena n-áirítear láidreacht airgeadais an iasachtóra ar aghaidh.
- frithráthaíochtaí agus/nó airgead tirim a fháil le haghaidh cúlchistí caillteanais chun dlíteanais ráthaíochta SBCI a chlúdach go hiomlán nó i bpáirt.

Amhail an 31 Nollaig 2021, is é €531.8m (2020: €628.2m) an neamhchosaint uasta ar riosca creidmheasa d'iasachtaí, airgead tirim agus ráthaíochtaí. Cuirtear an neamhchosaint uasta sin ar riosca creidmheasa i láthair thíos de réir aicme na hionstraime airgeadais, agus áirítear leis gealltanais iasachta na Cuideachta amhail deireadh na bliana airgeadais:

	2021 €000	2020 €000
Iasachtaí agus infháiltais	306,452	452,370
Airgead agus coibhéisí airgid	42,927	37,451
	349,379	489,821
Gealltanais iasachta	107,000	82,500
Ráthaíochtaí	75,400	55,900
	531,779	628,221

Léiríonn ráthaíochtaí glan-neamhchosaint na scéimeanna ráthaíochta ábhartha a áirítear sna dlíteanais theagmhasacha (Nóta 24) agus sna sócmhainní teagmhasacha (Nóta 25).

Leagtar amach sa tábla thíos cáilíocht chreidmheasa shócmhainní airgeadais SBCI, a ndearna Standard & Poor rátáil ar chuid díobh. Baineann 'gan ráta' le heintitis neamhbhainc.

	2021 €000	2020 €000
AAA	30,384	18,724
A+ to A-	12,543	28,729
BBB	120,375	261,927
Gan ráta	186,077	180,441
	349,379	489,821

TUARASCÁIL BHLIANTÚIL & RÁITIS AIRGEADAIS SBCI

15.2. Riosca leachtachta

Is é riosca leachtachta an riosca nach féidir le SBCI a oibleagáidí fiachais gearrthéarmacha a chomhlíonadh. Is é sin an riosca caillteanais a eascraíonn as cas nach mbeidh dóthain airgid thirim ann chun oibríochtaí ó lá go lá a chistiú agus nach mbeidh SBCI in ann sócmhainní a thiontú ina n-airgead tirim go tráthúil. Áirítear le próiseas bainistíochta riosca leachtachta SBCI:

- Cloí le Beartas Bainistíochta Riosca Leachtachta agus Margaidh SBCI agus teorainneacha lena mbaineann.
- Bainistíocht éifeachtach ar riachtanais chistithe ó lá go lá, lena n-áirítear monatóireacht ar shreafaí airgid ionchais amach anseo, e.g. ceangaltais iasachta amach anseo, chun a chinntiú gur féidir riachtanais a chomhlíonadh de réir mar a bhíonn siad dlite.
- Bainistíocht sócmhainní agus dliteanas trí mhonatóireacht a dhéanamh ar an bpróifíl aibíochta a shonraítear i Ráiteas SBCI ar an Staid Airgeadais chun a chinntiú go gcoimeádtar dóthain acmhainní airgid thirim agus/nó go mbunaítear cistiú i gcásanna gur dócha go dtarlódh neamhréireanna, rud a íoslaghódh dá réir an tionchar ar eis-sreafaí leachtachta.
- Riosca leachtachta a bhainistiú trí phróifíl aibíochta shócmhainní agus dhliteanais SBCI a ailíniú, chomh fada agus is féidir, a chuirfidh deireadh mar sin le riosca athmhaoinithe nuair is féidir. Faigheann SBCI cistiú fadtéarmach ar ráta comhlúthach óna mhaoinitheoirí, agus nuair is féidir, socraíonn sé struchtúir éirim agus sceideal aisíocaíochta a iasachtaí chun próifíl aibíochta an chistithe sin a léiriú.
- Maolán leachtachta airgid a chothú le dul i ngleic le haon riachtanais leachtachta ghearrthéarmacha a d'fhéadfadh a theacht chun cinn.

ugtar achoimre sa tábla thíos ar uainiú na n-aisíocaíochtaí conartha atá dlite ag SBCI. Cuirtear na méideanna i láthair gan lascaine. Áirítear dliteanais eile €93.5m (2020: €67.5m) (féach ar Nóta 19) ann freisin. Cuimsítear i méideanna dlite "laistigh de bhliain amháin" ús fabhráithe agus dliteanais eile, cuimsítear i méideanna dlite "i ndiaidh bliain amháin" aisíocaíochtaí príomhshuime iasachta le maoinitheoirí.

	Laistigh de bhliain amháin €000	1 go 5 bliana €000	I ndiaidh 5 bliana €000	Iomlán €000
2021				
aisíocaíochtaí dlite	117,382	148,571	14,286	280,239
2020				
aisíocaíochtaí dlite	100,869	295,238	21,429	417,536

15.3. Riosca margaidh

Is é riosca margaidh an riosca go luaineoidh luach cóir nó sreafaí airgid amach anseo ionstraime airgeadais de bharr athruithe ar phraghsanna an mhargaidh. Cuimsítear riosca ráta úis i riosca margaidh SBCI comhdhéanta. D'fhéadfadh rioscaí margaidh eascairt as suíomhanna oscailte i dtáirgí ráta úis, atá neamhchosanta ar ghluaiseachtaí margaidh idir ghinearálta agus sonrach, chomh maith le hathruithe ar luaineacht ráta úis. Bainistíonn SBCI a riosca margaidh de réir Bheartas Bainistíochta Riosca Leachtachta agus Margaidh SBCI agus teorainneacha lena mbaineann.

15.4. Riosca ráta úis

Bíonn SBCI neamhchosanta ar riosca ráta úis ar a iasachtaí agus infháiltais agus ar a airgead agus coibhéisí airgid. Nuair is féidir, léiríonn saoráidí iasachtaíthe SBCI próifíl riosca ráta úis na gcomhaontuithe iasachtaíthe bunúsacha chun teagmhais de neamhréireanna ráta úis ábhartha a laghdú a oiread agus is féidir. Sainithneoidh SBCI aon riosca iarmharach, agus déanfaidh sé monatóireacht agus bainistiú air.

iasachtú ar aghaidh ar bhonn ráta comhlúthach sé mhí, tá a neamhchosaint ar riosca ráta úis teoranta. Fritháirítear den chuid is mó aon neamhréireanna a thagann chun cinn mar go n-athshocraítear rátaí úis. I gcás neamhréir athshocraithe mhór nó i gcás nach ionann bunúis na socruithe, féachadh SBCI leis na suíomhanna sin a fhálú.

Leagtar amach thíos na méideanna atá neamhchosanta ar riosca ráta úis amhail an 31 Nollaig 2021:

Sócmhainní airgeadais	2021 €000	2020 €000
Airgead agus coibhéisí airgid	42,927	37,451
Iasachtaí agus infháltais	306,452	452,370
	349,379	489,821

Dliteanais airgeadais	2021 €000	2020 €000
Cistiú agus iasachtaí	186,667	350,000

Riosca airgeadra

Níl SBCI neamhchosanta go díreach ar riosca airgeadra, mar go ndéantar a ghníomhaíochtaí cistithe agus iasachta ar fad in euro.

Íogaireacht riosca ráta úis

Ní gá go léiríonn an fhaisnéis a sholáthraítear san anailís íogaireachta thíos an t-athrú iarbhair ar luach cóir a thabhdh SBCI faoi ghnáthdhálaí margaidh mar go coimeádtar seasmhach gach athróg, de bharr teorainneacha praiticiúla chun críocha ríofa, seachas an toisc shonrach riosca margaidh.

Léirítear sa tábla seo a leanas an íogaireacht ráta úis a eascraíonn as méadú nó laghdú de 50 bonnphointe ar an ráta úis (EURIBOR sé mhí). Tomhaistear an riosca mar thionchar an ghlanluacha reatha ar shreafaí airgid na n-iasachtaí infhaighte agus iníoctha mar gheall ar an athrú sin ar rátaí úis. Socraítear na rátaí úis amhail an 31 Nollaig 2021.

2021	+50bp €000	-50bp €000
Glantionchar ar shreabhadh airgid	(266)	(536)

2020	+50bp €000	-50bp €000
Glantionchar ar s hreabhadh airgid	(361)	(412)

Níl na híogaireachtaí ráta úis siméadrach mar gheall ar thosca éagsúla, lena n-áirítear próifíl aibíochta na punainne agus dátaí íocaíochta úis na n-iasachtaí. Bainistítear próifíl aibíochta na punainne go gníomhach agus athróidh sí le himeacht aimsire.

15.5. Bainistíocht caipitil

Níl SBCI faoi réir riachtanais chaipitil a fhorchuirtear go seachtrach. Tá an Chuideachta tiomanta do chinntiú go bhfuil dóthain caipitil aige toisc go bhfuil riosca ann nach mbeadh sé in ann aon chaillteanais chreidmheasa fhéideartha a iompar dá ndéanfaí a chaipiteal a bhainistiú go míchuí. Ar an 15 Deireadh Fómhair 2020, d'eisigh SBCI 50 milliún scair dar luach €1.00 an ceann i gcaipiteal SBCI dá scairshealbhóir aonair, an tAire Airgeadais. Amhail an 31 Nollaig 2021, is é €85m (2020: €85m) scairchaipiteal íoctha SBCI. Anuas air sin, tá caipiteal inghlaoite €165m (2020: €165m) ar fáil do SBCI ar féidir léi a ghlaoch dá lánrogha ón Aire Airgeadais, mar a fhoráiltear in alt 11(6) d'Acht SBCI 2014.

Áirítear le próiseas bainistíochta riosca caipitil SBCI cloí leis na riachtanais maidir le leordhóthanacht chaipitil i Ráiteas SBCI ar Inghlathacht Riosca lena chinntiú go mbíonn dóthain caipitil aige chun aon chaillteanais fhéideartha a iompar. Déanann an Bord athbhreithniú ar an leordhóthanacht chaipitil mar chuid dá athbhreithniú rialta ar thuairisciú riosca ag gach cruinniú sceidealaithe den Bhord.



15.6. Scéim Iasachta Tacaíochta Sreafa Airgid na Talmhaíochta (“an Scéim Talmhaíochta”)

Rinne SBCI comhaontú leis an Aire TBM in 2016 faoina bhfuair SBCI airgead tirim dar luach €25m ón Aire TBM ar dtús chun tacú le cruthú agus reachtáil na Scéime Talmhaíochta. Dúnadh an scéim sin d'iarraitasóirí nua in 2017. Faoi Scéim Talmhaíochta, d'eisigh SBCI ráthaíochtaí d'institiúidí rannpháirteacha i leith iasachtaí a thug na hinstiúidí do FBManna talmhaíochta. Clúdaíonn ráthaíochtaí SBCI 80% de chaillteanais chreidmheasa ar bhonn iasacht ar iasacht, faoi réir chaidhp phunainne fhoriomlán 15% agus punann uasta €150m.

Amhail deireadh na bliana airgeadais, tá dliteanas teagmhasach €10.5m (2020: €16.9m) ag an gCuideachta a bhaineann le caillteanais chreidmheasa fhéideartha a chlúdaítear faoin scéim. Fritháirítear an dliteanas teagmhasach €10.5m sin go páirteach le comhaontú frithráthaíochta ón gCiste Eorpach Infheistíochta dar luach €5.3m, agus le hairgead tirim dar luach €5.3m a shealbhaítear mar chúlchiste caillteanais (ón €25m a fuarthas ón Aire TBM). Mar thoradh air sin, is é €Nialas (2020: €Nialas) glan-neamhchosaint SBCI ar chaillteanais chreidmheasa faoin Scéim Talmhaíochta. Úsáidtear iarmhéid an chistithe a fuarthas ón Aire TBM le fóirdheontais ráta úis a íoc leis na hinstiúidí rannpháirteacha, a thugtar ar aghaidh ina n-íomláine d'iasachtaí FBM, agus le SBCI a aisíoc as na costais a bhaineann leis an scéim a reachtáil. Bíonn aon chistiú barrachais ar aibíocht scéime le hóc leis an Aire TBM.

15.7. Scéim Iasachta an Bhreathimeachta (“BLS”) agus Scéim Iasachta Caipitil Oibre COVID-19 (“CWCS”) agus le chéile “BLS/CWCS”

Rinne SBCI comhaontú leis an Aire TBM agus leis an Aire FTF in 2017, faoinar réamhíoc na hAirí €23m le SBCI lena úsáid in BLS chun tacú le fiontair a raibh tionchar ag an mBreathimeacht orthu. In 2020, leasaíodh an scéim chun caipiteal oibre a sholáthar freisin d'fhiontair a raibh tionchar ag COVID-19 orthu faoi BLS/CWCS cónasctha. Clúdaíonn ráthaíochtaí SBCI 80% de chaillteanais chreidmheasa ar bhonn iasacht ar iasacht, faoi réir punann uasta €337.5m. I rith na bliana airgeadais, stop SBCI ag ligean dá iasachtóirí ar aghaidh rannpháirteacha iasachtaí nua a scríobh faoi BLS/CWCS toisc gur seoladh Scéim Iasachta Tionchair an Bhreathimeachta.

Amhail deireadh na bliana airgeadais, tá dliteanas teagmhasach €60.7m (2020: €89.2m) ag an gCuideachta a bhaineann le caillteanais chreidmheasa fhéideartha a chlúdaítear faoi BLS/CWCS. Fritháirítear an dliteanas teagmhasach sin go páirteach le comhaontú frithráthaíochta ón gCiste Eorpach Infheistíochta dar luach €30.4m, agus le hairgead tirim dar luach €17.1m a shealbhaítear mar chúlchiste caillteanais (ón €23m a fuarthas ó na hAirí). Mar thoradh air sin, is é €13.3m (2020: €27.5m) glan-neamhchosaint SBCI ar chaillteanais chreidmheasa faoi BLS/CWCS. Úsáidtear iarmhéid an chistithe a fuarthas ó na hAirí le SBCI a aisíoc as na costais a bhaineann leis an scéim a reachtáil, lena n-áirítear costais fhrithráthaíochta an Chiste Eorpach Infheistíochta.

15.8. Scéim Iasachta Tionchair an Bhreathimeachta (“BILS”)

Rinne SBCI comhaontú leis an Aire TBM agus leis an Aire FTF i mí Dheireadh Fómhair 2021, faoinar réamhíoc na hAirí €13.8m le SBCI lena úsáid in BILS chun tacú le fiontair a raibh tionchar ag an mBreathimeacht orthu.

Faoi BILS, d'eisigh SBCI ráthaíochtaí chuig institiúidí rannpháirteacha i leith iasachtaí do ghnóthaí a raibh tionchar ag an mBreathimeacht orthu. Clúdaíonn ráthaíochtaí SBCI 80% de chaillteanais chreidmheasa ar bhonn iasacht ar iasacht, faoi réir punann uasta suas le €330m.

Amhail deireadh na bliana airgeadais, tá dliteanas teagmhasach €7.7m (2020: €Nialas) ag an gCuideachta a bhaineann le caillteanais chreidmheasa fhéideartha a chlúdaítear faoi BILS. Fritháirítear an dliteanas teagmhasach sin go páirteach le comhaontú frithráthaíochta ón gCiste Eorpach Infheistíochta dar luach €5.4m, agus le hairgead tirim dar luach €7.7m a shealbhaítear mar chúlchiste caillteanais (ón €13m a fuarthas ó na hAiri). Mar thoradh air sin, is é €Nialas glan-neamhchosaint SBCI ar chaillteanais chreidmheasa faoi BILS.

15.9. An Scéim Ráthaíochta Creidmheasa (“CGS”) agus Scéim Ráthaíochta Creidmheasa COVID-19 (“CCGS”)

Ceapadh SBCI mar oibritheoir na Scéimeanna ar fad a chruthaítear faoi na hAchtanna um Ráthaíocht Chreidmheasa 2012 go 2020 thar ceann an Aire FTF. Níl aon neamhchosaint riosca creidmheasa ag SBCI do na ráthaíochtaí a eisítear faoi na Scéimeanna sin. Is ról riaracháin amháin é ról SBCI agus déanann SBCI an riosca oibriúcháin a eascraíonn as próiseáil íocaíochtaí agus éileamh a bhainistiú faoina phróisis agus nósanna imeachta inmheánacha (féach ar Nóta 7).

15.10. An Scéim Iasachta d'Fhás sa Todhchaí (“FGLS”)

Rinne SBCI comhaontú leis an Aire TBM agus leis an Aire FTF in 2018, comhaontú a leasaíodh in 2020, faoinar réamhíoc na hAiri cistiú le SBCI chun FGLS dar luach €800m a bhunú chun tacú le hiasachtaí infheistíochta fadtéarmaí le fiontair in Éirinn.

Faoi FGLS, d'eisigh SBCI ráthaíochtaí creidmheasa chuig institiúidí rannpháirteacha i leith iasachtaí do ghnóthaí incháilithe. Clúdaíonn ráthaíochtaí SBCI 80% de chaillteanais chreidmheasa ar bhonn iasacht ar iasacht, faoi réir punann uasta €800m. Rinne SBCI comhaontú frithráthaíochta leis an gCiste Eorpach Infheistíochta chun 80% dá neamhchosaint ráthaíochta a fhritháireamh.

Amhail deireadh na bliana airgeadais, tá dliteanas teagmhasach €457.1m (2020: €288.5m) ag an gCuideachta a bhaineann le caillteanais chreidmheasa fhéideartha

a chlúdaítear faoi FGLS. Fritháirítear an dliteanas teagmhasach sin le comhaontú frithráthaíochta ón gCiste Eorpach Infheistíochta dar luach €365.7m agus le cúlchiste caillteanais €29.3m (mar a gheall na hAiri), a bhfuarthas €29.3m de mar airgead tirim faoin 31 Nollaig 2021. Mar thoradh air sin, is é €62.1m glan-neamhchosaint SBCI ar chaillteanais chreidmheasa faoi FGLS. (2020: €28.4m).

15.11. Riosca comhdhlúthachta

Is é riosca comhdhlúthachta an riosca go nochtfar SBCI ar aon neamhchosaint aonair nó grúpa neamhchosaintí a d'fhéadfadh caillteanais sách mór a chruthú go mbagrófaí acmhainn SBCI leanúint ag feidhmiú mar ghnóthas leantach.

Bainistíonn SBCI an riosca sin trí chloí leis na teorainneacha a leagtar amach sa Ráiteas ar Inghlacthacht Riosca a d'fhaomh an Bord agus a ndéanann an Bord athbhreithniú rialta air. Sainmhínítear sa Ráiteas ar Inghlacthacht Riosca na huasmhéideanna saoráidí creidmheasa a dhéantar a tiomnú do chatagóirí áirithe iasachtaithe, i dtéarmaí iomlána agus i gcomparáid le saoráidí creidmheasa tiomanta foriomlána SBCI. Tugtar aghaidh freisin sa Ráiteas ar Inghlacthacht Riosca ar an riosca comhdhlúthachta i measc mhaoinitheoirí SBCI tríd an uas-chomhdhlúthacht a cheadaítear i dtéarmaí neamhchosaint do mhaoinitheoir amháin a shainmhíniú.

Tá sé i gceist go gcinnteofaí leis na bearta seo go bhfuil punann fhoriomlán na próifíle riosca sách éagsúlaithe, agus nach bhfuil neamhchosaint gan chúis ar chomhdhlúthacht riosca iomarcach inti.

Tá príomh-chomhdhlúthacht thíreolaíoch SBCI ar shócmhainní riosca in Éirinn, agus baineann príomh-chomhdhlúthacht earnála an riosca le hinstitiúidí airgeadais, a eascraíonn as a shainordú reachtúil chun creidmheas a chur ar fáil d'eintitis agus do dhaoine sa Stát, mar a leagtar amach in Acht SBCI 2014. Is é €305.5m (2020: €452.4m) neamhchosaint riosca na Cuideachta ar chomhdhlúthacht thíreolaíoch óna iasachtaí agus infháltais.

Tá príomh-chomhdhlúthacht dliteanas na Cuideachta le maoinitheoirí Éireannacha agus Eorpacha.

16. Luach cóir sócmhainní agus dliteanas airgeadais

16.1. Comparáid idir luach seilbhe agus luach cóir

Tugtar achoimre sa tábla thíos ar shuimeanna glanluacha agus ar luachanna córa na sócmhainní agus na ndliteanas airgeadais nach gcuirtear i láthair i Ráiteas na Cuideachta ar an Staid Airgeadais ag a luach cóir.

Leibhéal 1 - sócmhainní agus dliteanas airgeadais a thomhaistear le praghsanna luaite margaidh (neamhchoigearaithe).

Leibhéal 2 - sócmhainní agus dliteanas airgeadais arna dtomhas le teicnící luachála ina n-úsáidtear sonraí margaidh inbhraite.

Leibhéal 3 - sócmhainní agus dliteanas airgeadais arna dtomhas le teicnící luachála ina n-úsáidtear sonraí margaidh dobhraite.

Tomhaistear luachanna córa na n-ionstraimí airgeadais sin de réir an ordlathais luacha chóir seo a leanas:

Sócmhainní airgeadais	Luach seilbhe €000	Leibhéal 1 €000	Leibhéal 2 €000	Leibhéal 3 €000	Luach cóir €000
2021					
Airgead agus coibhéisí airgid	42,927	42,927	-	-	42,927
Infháltais eile	3,456	-	-	3,456	3,456
Iasachtaí agus infháltais	306,452	-	-	306,452	306,452
2020					
Airgead agus coibhéisí airgid	37,451	37,451	-	-	37,451
Infháltais eile	2,556	-	-	2,556	2,556
Iasachtaí agus infháltais	452,370	-	-	452,370	452,370
Dlitéanais airgeadais	Luach seilbhe €000	Leibhéal 1 €000	Leibhéal 2 €000	Leibhéal 3 €000	Luach cóir €000
2021					
Dlitéanais eile	93,530	-	-	93,530	93,530
Cistiú agus iasachtaí	186,667	-	-	186,667	186,667
2020					
Dlitéanais eile	67,536	-	-	67,536	67,536
Cistiú agus iasachtaí	350,000	-	-	350,000	350,000

16.2. Prionsabail tomhais an luacha chóir

lasachtaí agus infháltais agus cistiú agus iasachtaí

Tá luach cóir na n-ionstraimí airgeadais sin cothrom lena luach seilbhe de bharr chuspóir/chineál sainithe na saoráidí sin. Tá an luach seilbhe ag costas amúchta.

17. Infháltais eile

	2021 €000	2020 €000
Aisghabháil chostais riaracháin na Scéime dlite	2,031	1,925
Ioncam táille ráthaíochta	1,425	631
	3,456	2,556

18. Cistiú agus iasachtaí

	2021 €000	2020 €000
Cistiú agus iasachtaí dlite laistigh de bhliain amháin	23,810	33,333
Cistiú agus iasachtaí dlite i ndiaidh bliain amháin	162,857	316,667
	186,667	350,000

Ráthaigh an tAire Airgeadais na dliteanais chistithe sin, mar a cheadaítear faoi alt 18 d'Acht SBCI 2014.

Ag deireadh na bliana airgeadais, bhí iasachtaí gan íoc ag SBCI le trí mhaoinitheoir (2020: dhá mhaoinitheoir). Is institiúidí airgeadais Eorpacha iad péire de na maoinitheoirí sin agus is é GBCN an ceann eile. Maireann na téarmaí atá fágtha fós ar na hiasachtaí sin idir 1 agus 7 mbliana agus gearrtar ús ar SBCI ag Euribor sé mhí móide corrlach. I gcás na bhfiach sin atá dlite i ndiaidh cúig bliana, is meascán d'aisíocaíochtaí príomhshuime leathbhliantúla agus cnap-aisíocaíochtaí iad na haisíocaíochtaí ag brath ar théarmaí an chomhaontaithe cistithe is infheidhme.

Amhail deireadh na bliana airgeadais, bhí €405m (2020: €330m) ag an gCuideachta i saoráidí cistithe nach raibh tarraingthe anuas.

19. Dlíteanais eile

	2021 €000	2020 €000
An tAire TBM iníoctha		
An Scéim Talmhaíochta	12,153	13,015
BLS/CWCS	10,016	10,447
BILS	5,507	-
FGLS	6,198	-
An tAire FTF iníoctha		
BLS/CWCS	15,451	16,117
BILS	8,260	-
FGLS	32,267	25,348
Méideanna dlite do GBCN	1,088	912
Fóirdheontas úis iníoctha	-	333
Táille frithráthaíochta iníoctha	1,655	850
Dlíteanais eile	935	514
	93,530	67,536

Mar a leagtar amach i Nóta 15.6, réamhíoc an tAire TBM €25m san iomlán le SBCI ar dtús lena úsáid sa Scéim Talmhaíochta chun tacú le FBManna san earnáil talmhaíochta in Éirinn. Aithníodh méid €0.8m (2020: €1.0m) in ioncam eile i rith na bliana agus fuasclaíodh €0.1m eile (2020: €4.0m) chun ranníocaíocht an Aire TBM do leathnú FGLS a chistiú (féach ar Nóta 7), rud a d'fhág iarmhéid €12.2m (2020: €13.0m). Bíonn cistí nach n-úsáidtear le linn shaolré na Scéime Talmhaíochta in-aisíochta leis an Aire TBM. Aicmíodh cistí a réamhíocadh faoin Scéim Talmhaíochta mar dhliteanas deontais faoi FRS 102 Cuid 24.

Ar an gcaoi chéanna, mar a leagtar amach i Nóta 15.7, réamhíoc an tAire TBM agus an tAire FTF €23m in 2017 le SBCI lena úsáid in BLS chun tacú le fiontair a raibh tionchar ag an mBreatimeacht orthu. I rith 2020, leasaíodh BLS chun caipiteal oibre a sholáthar freisin d'fhiontair a raibh tionchar ag COVID-19 orthu faoi BLS/CWCS cónasctha. Cuireadh €6.8m eile ar fáil mar fhoráil le haghaidh leathnú BLS/CWCS ó €300m go €337.5m in 2020. Aithníodh méid €1.1m (2020: €1.5m) in ioncam eile i rith na bliana, rud a d'fhág iarmhéid €25.5m (2020: €26.6m). Bíonn cistí nach n-úsáidtear le linn shaolré BLS/CWCS in-aisíochta leis an Aire TBM agus leis an Aire FTF.

Ar an gcaoi chéanna, mar a leagtar amach i Nóta 15.8, in 2021 réamhíoc an tAire TBM agus an tAire FTF €13.8m le SBCI lena úsáid in BILS chun tacú le fiontair a raibh tionchar ag an mBreatimeacht orthu. Aithníodh méid €Nialas (2020: €Nialas) i ndlíteanais eile i rith na bliana, rud a d'fhág iarmhéid €13.8m. Bíonn cistí nach n-úsáidtear le linn shaolré BILS in-aisíochta leis an Aire TBM agus leis an Aire FTF.

Chomh maith leis sin, mar a leagtar amach i Nóta 15.10, réamhíoc an tAire TBM agus an tAire FTF €41.7m (€14.2m a fuarthas in 2021) le SBCI lena úsáid in FGLS chun tacú le hiasachtaí infheistíochta fadtéarmaí le fiontair. Aithníodh €1.2m (2020: €0.9m) in ioncam eile i rith na bliana, rud a d'fhág iarmhéid €38.4m (2020: €25.4m). Bíonn cistí nach n-úsáidtear le linn shaolré FGLS in-aisíochta leis an Aire TBM agus leis an Aire FTF.

20. Forálacha le haghaidh dliteanas

	2021 €000	2020 €000
Iarmhéid amhail an 1 Eanáir	-	-
Muirir ar ioncam cuimsitheach	-	-
Iarmhéid amhail an 31 Nollaig	-	-

Amhail an 31 Nollaig 2021, tá SBCI tar éis a bhreithniú an dócha go ndéanfar íocaíochtaí faoina ráthaíochtaí airgeadais. De réir FRS 102.21, d'aithin SBCI €Nialas (2020: €Nialas) i leith éilimh dhóchúla. Fritháiríodh na héilimh a íocadh in 2021 le haisíocaíocht 50% ar luach na n-éileamh ón gCiste Eorpach Infheistíochta faoin bhfrithráthaíocht. Braitheann uainiú agus méid deiridh na n-éileamh ar fháil iarbhair na n-éileamh ón iasachtóir ar aghaidh ábhartha.

21. Anailís aibíochta ar shócmhainní agus ar dhliteanais

Léirítear sa tábla thíos miondealú na sócmhainní agus na ndlíteanas sin ina bhfuil gné neamhreacha lena mbaineann ceart conartha í a aisghabháil nó a shocrú níos mó ná 12 mhí tar éis an dáta tuairiscithe. Léiríonn méideanna reatha na méideanna sin a bhfuiltear ag súil lena n-aisghabháil nó socrú laistigh de 12 mhí le haghaidh gach sócmhainne agus dlíteanais.

2021	Reatha €000	Neamhreatha €000	Iomlán €000
Sócmhainní airgeadais			
Iasachtaí agus infháltais	77,202	229,250	306,452
Dlíteanais airgeadais			
Cistiú agus iasachtaí	23,810	162,857	186,667
2020	Current €000	Non-current €000	Total €000
Sócmhainní airgeadais			
Iasachtaí agus infháltais	107,370	345,000	452,370
Dlíteanais airgeadais			
Cistiú agus iasachtaí	33,333	316,667	350,000

Tugtar tuilleadh sonraí i Nóta 15.2 maidir le hamscála tuartha shocrú an chistithe agus na n-iasachtaí sin atá dlite lena n-aisíoc níos mó ná 12 mhí tar éis an dáta tuairiscithe.

22. Luach saothair an iniúcháora

	2021 €000	2020 €000
Iniúchadh ar ráitis airgeadais	35	36

Ní sholáthraíonn an tArd-Reachtaire Cuntas agus Ciste (mar iniúcháir seachtrach) aon seirbhísí ráthaíochta, comhairle chánach ná neamhiniúcháireachta eile do SBCI.

23. Cothromas

Is é scairchaipiteal údaraithe na Cuideachta €250,000,000 a roinntear ina 250,000,000 scair dar luach €1.00 an ceann. De réir alt 11 d'Acht SBCI 2014, féadfar scairchaipiteal údaraithe na Cuideachta a mhéadú chuig méid eile, suas le €1,000,000,000 ar a mhéad, de réir mar a chinneadh an tAire Airgeadais le hordú ó am go ham.

Amhail an 31 Nollaig 2021, shuibscríobh an tAire Airgeadais le haghaidh 85,000,000 (2020: 85,000,000) de scaireanna údaraithe na Cuideachta, agus eisíodh dó iad.

24. Dlíteanais theagmhasacha

Faoi théarmaí na Scéime Talmhaíochta, d'eisigh an Chuideachta ráthaíochtaí páirteacha caidhpeáilte chuig na hiasachtóirí rannpháirteacha ar aghaidh chun 80% de chaillteanais chreidmheasa ar bhonn iasacht ar iasacht a chlúdach, faoi réir chaidhp phunainne fhoriomlán 15% agus punann uasta €150m. Mar thoradh air sin, amhail deireadh na bliana airgeadais, tá dlíteanas teagmhasach €10.5m (2020: €16.9m) ag an gCuideachta a bhaineann le caillteanais chreidmheasa ráthaíochta airgeadais a chlúdaítear faoin Scéim Talmhaíochta.

Faoi théarmaí BLS/CWCS, d'eisigh an Chuideachta ráthaíochtaí páirteacha chuig na hiasachtóirí rannpháirteacha ar aghaidh chun 80% de chaillteanais chreidmheasa ar bhonn iasacht ar iasacht a chlúdach, faoi réir punann uasta €337.5m. Mar thoradh air sin, amhail deireadh na bliana airgeadais, tá dliteanas teagmhasach €60.7m (2020: €89.2m) ag an gCuideachta a bhaineann le caillteanais chreidmheasa ráthaíochta airgeadais a chlúdaítear faoi BLS/CWCS.

Faoi théarmaí BILS, d'eisigh an Chuideachta ráthaíochtaí páirteacha chuig na hiasachtóirí rannpháirteacha ar aghaidh chun 80% de chaillteanais chreidmheasa ar bhonn iasacht ar iasacht a chlúdach, faoi réir punann uasta €330m. Mar thoradh air sin, amhail deireadh na bliana airgeadais, tá dliteanas teagmhasach €7.7m (2020: €Nialas) ag an gCuideachta a bhaineann le caillteanais chreidmheasa ráthaíochta airgeadais a chlúdaítear faoi BILS.

Faoi théarmaí FGLS, d'eisigh an Chuideachta ráthaíochtaí páirteacha chuig na hiasachtóirí rannpháirteacha ar aghaidh chun 80% de chaillteanais chreidmheasa ar bhonn iasacht ar iasacht a chlúdach, faoi réir punann uasta €800m. Mar thoradh air sin, amhail deireadh na bliana airgeadais, tá dliteanas teagmhasach €457.1m (2020: €288.5m) ag an gCuideachta a bhaineann le caillteanais chreidmheasa ráthaíochta airgeadais a chlúdaítear faoi FGLS.

25. Sócmhainní teagmhasacha

Rinne SBCI comhaontú frithráthaíochta leis an gCiste Eorpach Infheistíochta chun ráthaíochtaí SBCI faoin Scéim Talmhaíochta a fhritháireamh i bpáirt. Is é €5.3m luach na frithráthaíochta agus tá téarmaí agus coinníollacha na frithráthaíochta sin i gcomhréir le ráthaíochtaí SBCI do na hiasachtóirí ar aghaidh. Dá réir, tá sócmhainn theagmhasach suas le €5.3m (2020: €8.5m) ag SBCI a bhaineann leis an Scéim Talmhaíochta amhail deireadh na bliana 2021.

Rinne SBCI comhaontú frithráthaíochta leis an gCiste Eorpach Infheistíochta freisin chun ráthaíochtaí SBCI faoi BLS/CWCS a fhritháireamh i bpáirt. Is é €30.3m luach na frithráthaíochta agus tá téarmaí agus coinníollacha na frithráthaíochta sin i gcomhréir le ráthaíocht SBCI do na hiasachtóirí ar aghaidh. Dá réir, tá sócmhainn theagmhasach suas le €30.4m (2020: €44.6m) ag SBCI a bhaineann le BLS/CWCS amhail deireadh na bliana 2021.

Rinne SBCI comhaontú frithráthaíochta leis an gCiste Eorpach Infheistíochta freisin chun ráthaíochtaí SBCI faoi BILS a fhritháireamh i bpáirt. Is é €5.4m luach na frithráthaíochta agus tá téarmaí agus coinníollacha na frithráthaíochta sin i gcomhréir le ráthaíochtaí SBCI do na hiasachtóirí ar aghaidh. Dá réir, tá sócmhainn theagmhasach suas le €5.4m (2020: €Nialas) ag SBCI a bhaineann le BILS amhail deireadh na bliana 2021.

Rinne SBCI comhaontú frithráthaíochta leis an gCiste Eorpach Infheistíochta freisin chun ráthaíochtaí SBCI faoi FGLS a fhritháireamh i bpáirt. Is é €365.7m luach na frithráthaíochta agus tá téarmaí agus coinníollacha na frithráthaíochta sin i gcomhréir le ráthaíochtaí SBCI do na hiasachtóirí ar aghaidh. Dá réir, tá sócmhainn theagmhasach suas le €365.7m (2020: €230.8m) ag SBCI a bhaineann le FGLS amhail deireadh na bliana 2021.

26. Nochtadh páirtithe gaolmhara

26.1. Páirtithe gaolmhara

An tAire Airgeadais

Is leis an Aire Airgeadais amháin an scairchaipiteal eisithe. Féadfar scairchaipiteal údaraithe na Cuideachta a mhéadú ón leibhéal reatha, €250,000,000, chuig méid eile, suas le €1,000,000,000 ar a mhéad, de réir mar a chinnfidh an tAire Airgeadais le hordú ó am go ham, de bhun alt 11(1) d'Acht SBCI 2014.

GBCN

Cuireann GBCN seirbhísí foirne agus tacaíochta gnó do SBCI. Muirearaítear na costais a thabhaíonn GBCN ar SBCI, de réir théarmaí an Chomhaontaithe Seirbhíse idir SBCI agus GBCN. Anuas air sin, soláthraíonn GBCN cistiú do SBCI.

Eintitis eile faoi riail an Rialtais

Is páirtithe gaolmhara de SBCI iad an Ciste Infheistíochta Straitéisí d'Éirinn agus Bainc-Aontas Éireann c.p.t. mar go bhfuil gach ceann faoi riail an Aire Airgeadais.

Airí agus Ranna Rialtais

Is páirtithe gaolmhara de SBCI iad an Roinn Talmhaíochta, Bia agus Mara (TBM) agus an Roinn Fiontar, Trádála agus Fostaíochta (FTF), agus a gcuid Airí faoi seach, mar go bhfuil an dá Roinn sin faoi riail Stát na hÉireann agus is é an Stát úinéir deiridh na Cuideachta.

An príomhphearsanra bainistíochta

Nochtar príomhphearsanra bainistíochta SBCI i Nóta 8.

Saoráid Iasachta an Aire Airgeadais agus an Chiste Infheistíochta Straitéisí d'Éirinn

Eisíodh na gnáthscaireanna breise seo a leanas, dar luach €1.00 an cheann, i gcaipiteal na Cuideachta don Aire Airgeadais:

- i mí Feabhra 2017 – 25 milliún; agus
- i mí Dheireadh Fómhair 2020 – 50 milliún.

26.2. Idirbhearta agus iarmhéideanna le páirtithe gaolmhara

Rinneadh an dá eisiúint scaireanna thuasluaite a chistiú trí iasachtaí €75m a réamhíoc an Ciste Infheistíochta Straitéisí d'Éirinn le SBCI a thiontú ina gcothromas. Tá iarmhéid nialais ar shaoráid iasachta an Chiste Infheistíochta Straitéisí d'Éirinn faoi láthair (2020: €Nialas), agus tá €165m ar fáil mar chistiú tiomanta faoin tsaoráid sin.

Athmhuipearú GBCN

Tabhaíonn GBCN costais as SBCI a reáchtáil, costais a athmhuipearáíonn siad ar an gCuideachta. Ba é €6.6m (2020: €6.2m) iomlán na gcostas sin don bhliain airgeadais. Nochtar tuilleadh sonraí ar na costais sin i Nóta 8. Nochtar gealltanais léasa oibriúcháin i Nóta 27. Tá €1.1m (2020: €0.9m) iníoctha le GBCN ag deireadh na bliana airgeadais.

Bogearraí a d'fhorbair GBCN

Níor cheannaigh SBCI aon bhogearraí a d'fhorbair GBCN go himmheánach i rith na bliana airgeadais (2020: €4k). Baineann €Nialas (2020: €Nialas) den €1.1m iníoctha le GBCN ag deireadh na bliana airgeadais le ceannach bogearraí.



TUARASCÁIL BHLIANTÚIL & RÁITIS AIRGEADAIS SBCI

Ionstraim Fiachais SBCI

Bhí nótaí iasachta €10m a d'eisigh an Chuideachta chuig GBCN in 2021 fós gan íoc ag deireadh na bliana airgeadais (2020: €Nialas). D'fhabhraigh an Chuideachta speansas úis €1k i rith na bliana airgeadais agus ní bhfuarthas aon ús diúltach (2020: €67k) ó GBCN i dtaca le nótaí iasachta a eisiúint.

An Scéim Iasachta d'Fhás sa Todhchaí

Fuair an Chuideachta €14.2m (2020: €12.4m) san iomlán i rith na bliana airgeadais ón Aire FTF agus ón Aire TBM le húsáid in FGLS. Tá tuilleadh sonraí faoi FGLS agus an cistiú a fuarthas i rith na bliana airgeadais i Nóta 19.

Scéim Iasachta Tionchair an Bhreathimeachta

Fuair an Chuideachta €13.8m (2020: €Nialas) san iomlán i rith na bliana airgeadais ón Aire FTF agus ón Aire TBM le húsáid in BILS. Tá tuilleadh sonraí faoi BILS agus an cistiú a fuarthas i rith na bliana airgeadais i Nóta 19.

Scéimeanna Ráthaíochta Creidmheasa

I rith na bliana airgeadais d'aithin an Chuideachta ioncam 1m (2020: €1.5m) le haghaidh aisghabháil ar a chostais riaracháin as a ról mar oibritheoir na Scéimeanna a cruthaíodh faoi na hAchtanna um Ráthaíocht Creidmheasa 2012 go 2020 thar ceann an Aire FTF. Bhí €0.8m (2020: €0.81m) den ioncam sin infhaighte ag an gCuideachta amhail deireadh na bliana airgeadais. Féach ar Nóta 7 chun tuilleadh faisnéise a fháil faoi ról SBCI sna Scéimeanna sin.

Bainc-Aontas Éireann, c.p.t.

Tá iasachtaí €20m (2020: €130m) do Bhainc-Aontas Éireann c.p.t. eisithe ag an gCuideachta chun críche iasachtaithe ar aghaidh do FBManna na hÉireann. Bhí na hiasachtaí sin fós gan íoc amhail deireadh na bliana airgeadais agus áirítear iad sna figiúirí iasachtaí agus infháltas sa Ráiteas ar an Staid Airgeadais.

Microfinance Ireland

Tá iasachtaí €5.5m (2020: €Nialas) do Microfinance Ireland eisithe ag an gCuideachta chun críche iasachtaithe ar aghaidh do FBManna na hÉireann. Bhí na hiasachtaí sin fós gan íoc amhail deireadh na bliana airgeadais agus áirítear iad sna figiúirí iasachtaí agus infháltas sa Ráiteas ar an Staid Airgeadais.

An príomhphearsanra bainistíochta

Nochtar idirbhearta leis an bpríomhphearsanra bainistíochta i Nóta 8.

27. Gealltanais

I mí Feabhra 2019, d'aontaigh SBCI léas do chóiríocht oifige ag 1 Duga an Státhchiste, Cé an Phoirt Thuaidh, Baile Átha Cliath 1, go dtí mí na Bealtaine 2033. Tabhaíodh muirir cíosa €291k (2020: €291k) sa tréimhse. Tá na bunchíosanna todhchaí ainmniúla iníoctha faoin léas oibriúcháin nach féidir cur ar ceal mar a leanas:

	2021 €000	2020 €000
Laistigh de bhliain amháin	292	291
Laistigh de 2 bhliain go 5 bliana	1,168	1,168
Os cionn 5 bliana	1,868	2,160
	3,328	3,619



28. Nochtadh leasa

Is comhlacht forordaithe poiblí é SBCI chun críocha na nAchtanna um Eitic in Oifigí Poiblí 1995 agus 2001. Tá ceanglais maidir le nochtadh leasa freisin ar Stiúrthóirí faoi Acht na gCuideachtaí, 2014, faoi Bhunreacht na Cuideachta agus faoin gCód Cleachtais chun Comhlachtaí Stáit a Rialú (2016). Tá nósanna imeachta i bhfeidhm ag SBCI chun cabhrú le Stiúrthóirí agus le comhaltaí foirne a n-oibleagáidí maidir le nochtadh leasa a chomhlíonadh i rith na tréimhse atá á hathbhreithniú.

29. Teagmhais tar éis dheireadh na tréimhse tuairiscithe

Léiríonn na nochtuithe sna ráitis airgeadais agus sna nótaí eachtraí a tharla i ndiaidh dháta an chláir chomhordaithe. Ní raibh aon teagmhais tar éis dheireadh na tréimhse tuairiscithe a d'éileadh coigeartú.

30. Na ráitis airgeadais a fhaomhadh

D'fhaomh na Stiúrthóirí na ráitis airgeadais ar an 28 Aibreán 2022.

TACÚ LE FORBAIRT GHEILLEAGRACH IN ÉIRINN TRÍ ROCHTAIN MHÉADAITHE AR MHAOINIÚ A SPREAGADH







Corparáid Baincéireachta Straitéiseach na hÉireann
Foirgneamh Dhuga an Stáichiste, Cé an Bhalla Thuaidh,
Baile Átha Cliath 1, D01A9T8, Éire.

G 01 238 4000 | www.sbcí.gov.ie



Here to build business.
Strategic Banking
Corporation of Ireland